

摘藻堂四庫全書薈要

經部

欽定四庫全書薈要

經部
禮記集說卷一

臣紀昀詳校

詳校官編修臣程嘉謨



欽定四庫全書薈要

禮記集說序

前聖繼天立極之道莫大於禮後聖垂世立教之書亦莫先於禮禮儀三百威儀三千孰非精神心術之所寓故能與天地同其節四代損益世遠經殘其詳不可得聞矣儀禮十七篇戴記四十九篇先儒表章庸學遂爲千萬世道學之淵源其四十七篇之文雖絕駁不同然義之淺深同異誠未易言也鄭氏祖識緯孔疏惟鄭之

從雖有他說不復收載固爲可恨然其灼然可據者不
可易也近世應氏集解於雜記大小記等篇皆闕而不
釋噫慎終追遠其關於人倫世道非細故而可略哉先
君子師事雙峰先生十有四年以是經三領鄉書爲開
慶名進士所得於師門講論甚多中罹煨燼隻字不遺
不肖孤僭不自量會萃衍繹而附以臆見之言名曰禮
記集說蓋欲以坦明之說使初學讀之即了其義庶幾
章句通則縕奧自見正不必高爲議論而卑視訓故之

辭也書成甚欲就正于四方有道之士而衰年多疾遊
歷良艱姑藏巾笥以俟來哲治教方興知禮者或有取
焉亦愚者千慮之一爾至治壬戌良月既望後學東匯
澤陳澔序

欽定四庫全書

序

禮記篇目

第一卷

曲禮上第一

曲禮下第二

第二卷

檀弓上第三

檀弓下第四

第三卷

王制第五

月令第六

第四卷

曾子問第七

文王世子第八

禮運第九

第五卷

禮器第十

郊特牲第十一

內則第十二

第六卷

玉藻第十三

明堂位第十四

喪服小記第十五

大傳第十六

少儀第十七

學記第十八

第七卷

樂記第十九

雜記上第二十

雜記下第二十一

第八卷

喪大記第二十二

祭法第二十三

祭義第二十四

祭統第二十五

經解第二十六

第九卷

哀公問第二十七

仲尼燕居第二十八

孔子閒居第二十九

坊記第三十

中庸第三十一

朱子章句

表記第三十二

緇衣第三十三

奔喪第三十四

第十卷

問喪第三十五

服問第三十六

閒傳第三十七

三年問第三十八

深衣第三十九

投壺第四十

儒行第四十一

大學第四十二

朱子章句

冠義第四十三

昏義第四十四

鄉飲酒義第四十五

射義第四十六

燕義第四十七

聘義第四十八

喪服四制第四十九

臣等謹案禮記集說十卷元陳澠撰澠字可

大都昌人宋亡不仕教授鄉里學者稱雲莊

先生其書衍繹舊聞附以已見欲以坦明之
說取便初學而於度數品節擇焉不精語焉
不詳後人病之蓋自漢以來治戴記者百數
十家惟衛湜集說徵引極富頗為學者所推
重浩是書雖襲其名而用意不侔博約亦異
觀其自序謂鄭氏祖識緯孔疏惟鄭之從為
可恨又以應鑄纂義於雜記等篇闕而不釋
為非亦不為無見第述其家學稱其父師事

雙峯以是經三領鄉書為名進士則其志趣
固專為帖括之助耳明初與注疏並頒學官
用以取士後乃專用是書迄今因之朱睦㮮
授經圖作十六卷朱彝尊經義考作三十卷
殆本各不同今卷蓋仍明時監板之舊云乾
隆四十一年二月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

禮記集說
篇目

欽定四庫全書薈要卷二千二百八十九

經部

禮記集說卷一

元陳澧撰

曲禮上第一

經曰曲禮三千言節目之委曲其多如是也此即古禮經之篇名後人以編簡多故分爲上下
○張子曰物我兩盡自曲禮入

曲禮曰毋不敬儼若思安定辭安民哉

毋禁止辭○朱子曰首章言君

子修身其要在此三者而其效足以安民乃禮之本故以冠篇○范氏曰經禮三百曲禮三千可以一言蔽之曰毋不敬○程子曰心定者其言安以舒不定者其辭輕以疾○劉氏曰篇首三句如曾子所謂君子所貴乎

道者三而籩豆之事則有司存之意蓋先立乎其大者也毋不敬則動容貌斯遠暴慢矣儼若思則正顏色斯近信矣安定辭則出辭氣斯遠鄙倍矣三者修身之要爲政之本此君子脩己以敬而其效至於安人安百姓也。毋與無通下

同冠去聲遠去聲

教不可長欲不可從志不可滿樂不

可極

朱子曰此篇雜取諸書精要之語集以成篇雖大

意相似而文不連屬如首章四句乃曲禮古經之言教不可長以下四句不知何書語又自爲一節皆禁

戒之辭。應氏曰

敬之反爲教情之動爲欲志滿則溢

樂極則反。教去聲

長上聲從音縱樂音洛

賢者狎而敬之畏而愛之愛而

知其惡憎而知其善積而能散安安而能遷

朱子曰此言賢者於

其所狎能敬之於其所畏能愛之於其所愛能知其惡於其所憎能知其善雖積財而能散施雖安安而能徙

義可以爲法與上下文禁戒之辭不同○應氏曰安安者隨所安而安也安者仁之順遷者義之決○施去聲

臨財毋苟得臨難毋苟免狠毋求勝分毋求多

母苟得見利思

義也毋苟免守死善道也狠毋求勝忿思難也分毋求多不患寡而患不均也況求勝者未必能勝求多者未

必能多徒爲失已也○難分並去聲

疑事毋質直而勿有

朱子曰兩句連說爲是疑事毋

質即少儀所謂毋身質言語也直而勿有謂陳我所見聽彼決擇不可據而有之專務強辯不然則是以身質

言語矣○

若夫坐如尸立如齊

疏曰尸居神位坐必矜莊坐法必當如尸之坐

少去聲

人之倚立多慢不恭雖不齊亦當如祭前之齊○朱子曰劉原父云此乃大戴禮曾子事父母篇之辭曰孝子惟巧變故父母安之若夫坐如尸立如齊弗訊不言言必齊色此成人之善者也未得爲人子之道也此篇蓋

取彼文而若夫二字失於刪去鄭氏不知其然乃謂此二句爲大夫之事誤矣○夫音扶後俱倣此齊音齊疏去聲後亦倣此禮從宜使從俗呂氏曰敬者禮之常禮齊色之齊如字時爲大時者禮之變體常盡變則達之天下周旋無窮○應氏曰大而百王百世質文損益之時小而一事一物泛應酬酢之節又曰五方皆有性千里不同風夫禮所以入國而必問俗也○使去聲泛應之應去聲者所以定親疏決嫌疑別同異明是非也疏曰五服之上服麤者爲親小功以下服精者爲疏若妾爲女君期女君爲妾若服之則太重降之則有舅姑爲婦之嫌故全不服是決嫌也孔子之喪門人疑所服子貢請若喪父而無服是決疑也本同今異姑姊妹是也本異今同世母叔母及子婦是也得禮爲是失禮爲非若主人未小斂子游裼裘而弔得禮是也曾子襲裘而弔失禮非也

○別必列切爲女爲妾爲婦
禮不妄說人不辭費

求人以悅人

之爲去聲期音基斂去聲
已失處心之正況妄乎不妄悅人則知禮矣躁人之辭

多君子之辭達意則止言者煩聽者必厭○說音悅處
上禮不踰節不侵侮不好狎

踰節則招辱侵侮則忘讓好狎則忘敬三者皆叛禮

之事不如是則有以持其莊敬絕實之
誠而遠於恥辱矣○好去聲遠去聲
脩身踐言謂之

善行行脩言道禮之質也

人之所以爲人言行而已忠信之人可以學禮故曰禮之

質也○鄭氏曰言道言
合於道也○行去聲
禮聞取於人不聞取人禮聞來

學不聞往教

朱子曰此與孟子治人治於人食人食於人語意相類取於人者爲人所取法也取

人者人不來而我引取之也來學
往教即其事也○治平聲食音嗣
道德仁義非禮不成

道猶路也事物當然之理人所共由故謂之道行道而有得於心故謂之德仁者心之德愛之理義者心之制事之宜四者皆由禮而入以禮而教訓正俗非禮不備成蓋禮以敬爲本敬者德之聚也

立教於上示訓於下皆所以正民俗然非齊之以禮則或有教訓所不及者故非禮不備分爭辯訟

非禮不決

朱氏曰爭見於事而有曲直分爭則曲直不相交訟形於言而有是非辯訟則是非不相

敵禮所以正曲直明是非故此君臣上下父子兄弟非二者非禮則不能決○見音現

禮不定

一主於義一主於思思義非禮則不能定

宦學事師非禮不親

宦仕也仕

與學皆有師事師所以明班朝治軍蒞官行法非禮威道也而非禮則不相親愛

嚴不行

班朝廷上下之位治軍旅左右之局分職以蒞官謹守以行法威則人不敢犯嚴則人不敢違

四者非禮則威嚴不禱祠祭祀供給鬼神非禮不誠不行○朝治並平聲

莊

禱以求爲意祠以文爲主祭以養爲事祀以安爲道四者皆以供給鬼神誠出於心莊形於貌四者非禮

則不誠不莊○今按供給者是以君子恭敬撙節退讓謂奉薦牲幣器皿之類也

以明禮

是以承上文而言撙裁抑也禮主其減○撙祖本切

鸚鵡能言不離飛鳥

猩猩能言不離禽獸今人而無禮雖能言不亦禽獸之

心乎夫惟禽獸無禮故父子聚麀

鸚鵡鳥之慧者隴蜀嶺南皆有之猩猩人

面豕身出交趾封谿等處禽者鳥獸之總名鳥不可曰獸獸亦可曰禽故鸚鵡不曰獸而猩猩則通曰禽也聚

猶共也獸之牝者曰麀○是故聖人作爲禮以教人離去聲猩猩音生坊本音星

使人以有禮知自別於禽獸

朱子曰聖人作絕句○別必列切

大上貴

德其次務施報禮尚往來往而不來非禮也來而不往

亦非禮也

大上帝皇之世但貴其德足以及人不貴其報其次三王之世禮至三王而備故以施報

爲尚○施去聲

人有禮則安無禮則危故曰禮者不可

下同大音泰

不學也

禮者安危之所係自天子至於庶人未有無禮而安者也

夫禮者自卑而尊

人雖負販者必有尊也而況富貴乎

負者事於力販者事於利雖卑賤不

可以無禮也

富貴而知好禮則不驕不淫貧賤而知好

禮則志不懾

馬氏曰富貴之所以驕淫貧賤之所以懾怯以內無素定之分而與物爲輕重也好

禮則有得於內而在外者莫能奪
矣○好去聲懾之涉切分音問 人生十年曰幼學二

十曰弱冠三十曰壯有室四十曰強而仕五十曰艾服

官政六十曰耆指使七十曰老而傳八十九十曰耄七

年曰悼悼與耄雖有罪不加刑焉百年曰期頤朱子曰十年曰

幼爲句絕學字自爲一句下至百年曰期皆然○呂氏

曰五十曰艾髮之蒼白者如艾之色也古者四十始命

之仕五十始命之服官政仕者爲士以事人治官府之

小事也服官政者爲大夫以長人與聞邦國之大事者

也才可用則使之仕德成乃命爲大夫也耆者稽久之

稱不自用力惟以指意使令人故曰指使傳謂傳家事

於子也耄昏忘也悼憐愛也耄者老而知已衰悼者幼

而知未及雖或有罪情不出於故故不加刑人壽以百

年爲期故曰期飲食居處動作無不待於養故曰頤
○冠去聲治平聲長上聲與去聲令平聲知音智

大

夫七十而致事

致還其職事於君也

若不得謝則必賜之几杖

不得

謝謂君不許其致事也如辭謝代謝亦皆却而退去之
義几所以馮杖所以倚賜之使自安適也○馮與憑同

行役以婦人適四方乘安車

疏曰婦人能養人故許自隨古者四馬之車立乘安

車者一馬小

自稱曰老夫於其國則稱名

呂氏曰老夫長者之稱

車坐乘也

已國稱名者父母之邦不敢以尊者自居也

越國而問焉必告之以其制

應氏

曰一國有賢衆國所仰故越國而來問文獻不足則言禮無證故必告之以其制言舉國之故事以答之也

謀於長者必操几杖以從之長者問不辭讓而對非禮

也

謀於長者謂往就長者而謀議所爲也長者之前當執謙虛不辭讓非事長之禮○應氏曰操几杖以從

非謂長者所無也執子弟之役

凡爲人子之禮冬溫而

其禮然耳○長上聲操平聲

夏清昏定而晨省在醜夷不爭

溫以禦其寒清以致其涼定其衽席省其安否

醜同類也夷平等也一朝之忿忘其身則害及其親故在羣衆儕輩之中壹於遜讓○清七性切省悉井切

夫爲人子者三賜不及車馬故州閭鄉黨稱其孝也兄

弟親戚稱其慈也僚友稱其弟也執友稱其仁也交遊

稱其信也

言爲人子謂父在時也古之仕者一命而受爵再命而受衣服三命而受車馬有車馬則

尊貴之體貌備矣今但受三賜之命而不與車馬同受故言不及車馬也君之有賜所以禮其臣子之不受不

敢並於親也二十五家爲閭四閭爲族五百家爲黨二千五百家爲州一萬二千五百家爲鄉孝之所該者大故其稱最廣曰慈曰弟曰仁曰信皆孝之事也僚友官同者執友志同者同師之友其執志同故曰執友交遊則泛言遠近之往來者○弟去聲見父之執不謂之進不敢進不謂之

退不敢退不問不敢對此孝子之行也

父之執父同志之友也謂之命

之也敬之同於父○行去聲

夫爲人子者出必告反必面所遊必有

常所習必有業

出則告違反則告歸又以自外來欲省顏色故言面遊有常身不他往也習有

業心不他用也○告音枯

恒言不稱老

恒言平常言語之間也自以老稱則尊同於父母而父母

爲過於老矣古人所以斑衣娛戲者欲安父母之心也

年長以倍則父事之十年

以長則兄事之五年以長則肩隨之

肩隨並行而差退也此泛言長少之

序非謂親者○長上

羣居五人則長者必異席

古者地數橫席

聲差楚宜切少去聲

而容四人長者居席端若五人會則長者一人異席也

爲人子者居不主奧坐不

中席行不中道立不中門

室西南隅爲奧主奧中席皆尊者之道也行道則或左或

右立門則避棖闕之中皆不敢迹尊者之所行也古者男女異路路各有中門中央有闕闕之兩旁有棖也○

闕魚食饗不爲槩

食饗如奉親延客及祭祀之類皆是

列切

節也○食音嗣槩

祭祀不爲尸

呂氏曰尸取主人之子行而已若主人之子是

丘蓋切又音蓋

使父北面而事之人子所聽於無聲視於無形

先意承志也○

不安故不爲也○

行音杭

聽於無聲視於無形

疏曰雖聽而不聞父母之聲雖視而不見父母之形不然常於心想像似見形聞聲謂父母將有教使已然

登高不臨深不苟訾不苟笑孝子不服闇不登危懼辱

親也

疏曰不服闇者不行事於暗中一則爲卒有非常二則生物嫌故孝子戒之○呂氏曰苟訾近於讒

苟笑近於諂服闇者欺人所不見登危者行險以傲幸是忘親也非特忘之不令之名且將加之皆辱道也○

訾音紫闇音暗爲

父母存不許友以死不有私財

不許友以

去聲卒蒼沒切

死謂不爲其友報仇也親在而以身許人是有忘親之心親在而以財專已是有離親之志○爲離並去聲

爲人子者父母存冠衣不純素

疏曰冠純冠飾也衣純深衣領緣也○純音準

下同緣

孤子當室冠衣不純采

呂氏曰當室謂爲父後者問喪曰童子不總唯

去聲

當室總亦指爲父後者所謂不純采者雖除喪猶純素也惟當室者行之非當室者不然也 幼子常

視毋誑

視與示同常示之以不欺誑所以習其誠

童子不衣裘裳立必正

方不傾聽

呂氏曰裘之溫非童子所宜裳之飾非童子所便立必正所向之方或東或西或南或北

不偏有所向士相見禮云凡燕見於君必辨君之南面若不得則正方不疑君疑謂邪向之也○衣去聲燕見

見音現

長者與之提攜則兩手奉長者之手負劍辟咥詔

之則掩口而對

劉氏曰長者或從童子背後而俯首與之語則童子如負長者然長者以手挾

童子於脅下則如帶劍然蓋長者俯與童子語有負劍之狀非真負劍也辟偏也咥口旁詔告語也掩口而對

謂童子當以手障口氣而應對不敢使氣觸長者也○奉上聲辟音僻咥音二應去聲

從於先生

不越路而與人言遭先生於道趨而進正立拱手先生

與之言則對不與之言則趨而退

呂氏曰先生者父兄之稱有德齒可爲人

師者猶父兄也故亦稱先生以師爲父兄則學者自比於弟子故稱弟子○從去聲

從長者而上

丘陵則必鄉長者所視登城不指城上不呼

高而有向背者爲丘

平而人可陵者爲陵鄉長者所視恐有問則即所見以對也城人所恃以爲安固者有所指則惑見者有所呼則駭聞者○石梁王氏曰先生年德俱高又能教道人者長者則直以年爲稱也○從去聲上上聲鄉呼並去聲背音佩

將適舍求毋固

戴氏曰就館者誠不能無求於主人然執平日之所欲而

必求於人則非爲客之義將上堂聲必揚戶外有二屨言聞則入言

不聞則不入

上堂升主人之堂也揚其聲者使內人知之也古人脫屣在戶外客雖衆脫屣於戶

內者惟長者一人言有二屣則并戶內一屣爲三人矣三人而所言不聞於外必是密謀故不入也○上上聲屣音據俗混作

上聲聞去聲

將入戶視必下入戶奉局視瞻毋回戶

開亦開戶闔亦闔有後入者闔而勿遂

入戶入主人之戶也視下不舉

目也局門闔木也入戶之時兩手當心如奉局然雖視瞻而不爲迴轉嫌於干人之私也開闔皆如前不違主人之意也遂闔之盡也嫌於

拒後來者故勿遂○奉上聲

毋踐屣毋踏席摠衣趨隅

必慎唯諾

複下曰爲單下曰屣毋踐屣謂後來者不可蹋先入者所脫之屣也踏猶躡也玉藻曰登

席不由前爲躡席是登席當由前也摠提也摠衣與論語攝齊同欲便於坐故摠之趨隅由席角而升坐也唯

諾皆應辭既坐定又當謹於應對也○

大夫士出入

音迹摠苦侯切唯上聲齊音咨應去聲

君門由闌右不踐闕闕門櫪也當門之中闌東爲右主人入門而右客入門而左大夫士

由右者以臣從君不敢以賓敵主也○闌魚列切

凡與客入者每門讓於客客

至於寢門則主人請入爲席然後出迎客客固辭主人

肅客而入

讓於客欲客先入也爲猶布也○疏曰天子五門諸侯三門大夫二門禮有三辭初曰禮

辭再曰固辭三曰終辭○呂氏曰肅客者俯手以揖之所謂肅拜也

主人入門而右客入

門而左主人就東階客就西階客若降等則就主人之

階主人固辭然後客復就西階

入右所以趨東階入左所以趨西階降等者其

等列卑於主人也主人固主人與客讓登主人先登客辭者不敢當客之尊已也

從之拾級聚足連步以上上於東階則先右足上於西

階則先左足

讓登欲客先升也客不敢當故主人先而客繼之拾級涉階之級也聚足後足與前

足相合也連步步相繼也先右先左各順入門之左右也○拾音涉上並上聲帷薄之外不趨

堂上不趨執玉不趨堂上接武堂下布武室中不翔

疏曰

帷幔也薄簾也接武足迹相接也○陳氏曰文者上之道武者下之道故足在體之下曰武卷在冠之下亦曰武執玉不趨不敢趨也室中不翔不可翔也行而張拱曰翔○朱氏曰帷薄之外無人不必趨以示敬堂上地迫室中地尤迫並坐不橫肱授立不跪授坐不立

橫肱則妨故不趨不翔也

並坐者不跪不立凡爲長者冀之禮必加帚於箕上以皆謂不便於受者

袂拘而退其塵不及長者以箕自鄉而扱之冀除穢也少儀云埽

席前曰拚義與冀同呂氏讀扱爲挿音然凡氣之出入噓則散吸則聚今以收斂爲義則吸音爲是○疏曰初持箕往時帚置箕上兩手舉箕當埽時一手捉帚舉一手衣袂以拘障於帚前且掃且遷故云拘而退扱斂取也以箕自向斂取冀穢不以箕向尊者○爲去聲帚奉之手切拘音溝又如字鄉去聲下同扱音吸掃去聲

席如橋衡如橋之高如衡之平乃奉席請席何鄉請衽

何趾設坐席則問面向何方設臥席則問足向何方○疏曰坐爲陽面亦陽也臥爲陰足亦陰也故所請

不席南鄉北鄉以西方爲上東鄉西鄉以南方爲上朱子

曰東向南向之席皆尚右
西向北向之席皆尚左也

若非飲食之客則布席席間

函丈

非飲食之客則是講說之客也○疏曰古者飲食

燕享則賓位在室外牖前列席南向不相對相對者惟講說之客席之制三尺三寸三分寸之一則兩席并中間空地共一丈也○間從月俗從日誤函音咸空

去主人跪正席客跪撫席而辭客徹重席主人固辭客

踐席乃坐

跪而正席敬客也撫以手按止之也客不敢居重席故欲徹之主人固辭則止客踐席將

坐主人乃坐也○重平聲

主人不問客不先舉

席坐既定主人以客自外至當先有所問

客乃答之客不當先舉言也

將即席容毋怍兩手摠衣去齊尺衣毋

撥足毋蹶

劉氏曰將就席須詳緩而謹容儀毋使有失而可愧怍也仍以兩手摠揭衣之兩旁使下

齊離地一尺而坐以便起居免有躡躑失容也坐後更須整疊前面衣衽毋使撥開又古人以膝坐久則膝不安而易以蹶動坐而足動亦爲失容故戒以毋動也管寧坐席歲久惟兩膝著處穿是足不動故然耳○齊音咨撥半末切離易

先生書策琴瑟在前坐而遷之戒勿

越

疏曰坐亦跪也弟子將行若遇師諸物或當已前則跪而遷移之戒慎不得踰越

虛坐盡後

食坐盡前坐必安執爾顏長者不及毋僂言

古者席地而俎豆在

其前盡後謙也盡前恐汙席也僂暫也亦參錯不齊之貌長者言事未竟未及其他少者不可舉他事爲言暫然錯雜長者之說○正爾容聽必恭毋勦說毋雷同必

則古昔稱先王

上言執爾顏謂顏色無或變異此言正爾容則正其一身之容貌也聽必恭亦

謂聽長者之言也。擊取他人之說以爲己說，謂之勦說。聞人之言而附和之，謂之雷同。如雷之發聲而物同應之也。惟法則古昔稱述先王乃爲善耳。○勦初交切。擊攬同。和去聲。侍坐於先生，先生問

焉，終則對。

問終而後對，欲盡聞所問之旨，且不敢雜亂尊者之言也。

請業則起，請益

則起。

請業者，求當習之事，請益者，再問未盡之蘊，起所以致敬也。

父召無諾，先生召

無諾，唯而起。

父以恩師以道故，所敬同。○呂氏曰：諾者許而未行也。○唯上聲。

侍坐於

所尊敬，毋餘席，見同等不起。

所尊敬，謂先生長者及有德有位之人也。毋餘席，謂

已之席與尊者之席相近，則坐於其端，不使有空餘處。近則應對審也。同等之人與己無尊卑故，不爲之起。○

空去聲。

燭至，起。食至，起。上客起。

燭至而起，以時之變也。食至而起，以禮之行也。上客

至而起以其

燭不見跋

跋本也古者未有蠟燭以火炬照夜將盡則藏其所餘之殘本

恐客見之以夜久欲辭退也○見音現跋音跋

尊客之前不叱狗

方氏曰不以至賤駭尊者

之讓食不唾

嫌於似鄙惡主人之饌也○唾吐臥切惡去聲

侍坐於君子君子

欠伸撰杖屨視日蚤莫侍坐者請出矣

氣乏則欠體疲則伸撰猶持也

此四者皆厭倦之容恐妨君子就安故請退○撰須覓切莫音暮

侍坐於君子君子問

更端則起而對

呂氏曰問更端則起而對者因事有所變而起敬也○更平聲

侍坐於

君子若有告者曰少閒願有復也則左右屏而待

居左則屏

於左居右則屏於右○鄭氏曰復白也言欲須少閒有所白也屏猶退也○呂氏曰屏而待不敢干其私也

○閒音閑屏

母側聽母噉應母淫視母怠荒

上言聽必恭側耳以

聽非恭也應答之聲宜和平高急者悖戾之所發也淫視流動邪眄也怠荒謂容止縱慢○噉音咍應去聲

遊母倨立母跛坐母箕寢母伏

兩遊行也倨傲慢也立當兩足整齊不可偏任一

足箕謂兩展其足狀如箕舌也

斂髮母髻

疏曰髻髮也垂如髮也古

人重髮以纚韜之不使垂○髻音替髮音避

冠母免勞母袒暑母褰裳

喪有喪冠

吉有吉冠非當免之時不可免有袒而露其裼衣者有袒而割牲者因勞事而袒則爲褻褻揭也涉淺而揭則

可暑而揭其裳亦爲褻

侍坐於長者屨不上於堂解屨不敢當階

侍長者之坐於堂故不敢以屨升若長者在室則屨得上堂而不得入室戶外有二屨是也解脫也屨有褻繫

解而脫之不敢當階為妨後升者

就屨跪而舉之屏於側

疏曰此侍者或獨暫退時

取屨法也就猶著也初升時解置階側今下著之先往階側跪舉取之故云就屨跪而舉之也屏於側者屏退

不當階也○屏

鄉長者而屨跪而遷屨俯而納屨

疏曰此明

音丙著入聲

少者禮畢退去為長者所送則於階側跪取屨稍移之面向長者而著之遷徙也就階側跪取稍移近前也俯而納者既取因俯身向長者而納足著之不跪者跪則足向後不便故俯也雖不並跪亦坐左納右坐右納左

離坐離立毋往參焉離立者不出中間

方氏曰兩相履之謂離三相成

之謂參○應氏曰出其中間則立者必散而不成列矣故君子謹之○離平聲

男女不雜坐不

同梳栢不同巾櫛不親授

內則註云梳者曰櫛橫者曰栢與架同置衣服之具也

巾以浣潔櫛以理髮此四者皆所以遠私褻之嫌○櫛音移枷音架櫛戶昆切音同渾遠去聲嫂叔不

通問諸母不漱裳

不通問無問遺之往來也諸母父妾之有子者漱浣也裳賤服不使漱裳

亦敬父之道也○

外言不入於梱內言不出於梱

梱門限也

漱平聲遺去聲

內外有限故男不言內女不言外

女子許嫁纓非有大故不入其門

許嫁

則繫以纓示有所繫屬也此與幼所佩香纓不同大故大事也○屬音燭

姑姊妹女子子已

嫁而反兄弟弗與同席而坐弗與同器而食

女子子重言子者別

於男子也專言兄弟者遠同等之嫌○遠去聲

父子不同席

尊卑之等異也

男女非有

行媒不相知名非受幣不交不親

行媒謂媒氏之往來也名謂男女之名也

受幣然後親交之禮分定○分音問

故日月以告君齊戒以告鬼神爲酒

食以召鄉黨僚友以厚其別也

日月娶婦之期也媒氏書之以告于君厚其別

者重慎男女之倫也○別彼列切

取妻不取同姓

鄭氏曰爲其近禽獸○取去聲下取妻同

故買妾不知其姓則卜之

卜其吉凶

寡婦之子非有見焉弗

與爲友

有見才能卓異也若非有好德之實則難以避好色之嫌故取友者謹之○見音現好去聲

賀取妻者曰某子使某聞子有客使某羞

呂氏曰賀者以物遺人而

有所慶也著代以爲先祖後人子之所不得已故不用樂且不賀也然爲酒食以召鄉黨僚友則遺問不可廢也故其辭曰聞子有客使某羞舍曰昏禮而謂之有客則所以羞者佐其供具之費而已非賀也作記者因俗

之名稱賀貧者不以貨財爲禮老者不以筋力爲禮應氏曰無財不

可以爲悅而財非貧者之所能辦非強有力者不足以行禮而強有力非老者之所能勉名子者不

以國不以日月不以隱疾不以山川常語易及則避諱爲難故名子者不

之男女異長各爲伯仲示不相干男子二十冠而字冠而

字之敬其名也○冠去聲父前子名君前臣名呂氏曰事父者家無二尊雖母不敢以抗

之故無長幼皆名不敢致私敬於其長也事君者國無二尊雖父不可以抗之故無貴賤尊卑皆名不敢致私

敬於其所尊貴也春秋鄆陵之戰樂書欲載晉侯其子鍼曰書退此君前臣名雖父亦不敢抗也女子

許嫁笄而字許嫁則十五而笄未許嫁則二凡進食之

禮左殽右載食居人之左羹居人之右膾炙處外醯醬

處內蔥漆處末酒漿處右以脯脩置者左胸右末

肉帶骨曰

殽純肉切曰載骨剛故左肉柔故右飯左羹右分燥濕也膾炙異饌故在殽載之外醯醬食之主故在殽載之內蔥漆烝蔥亦菹類加豆也故處末酒漿或酒或漿也處羹之右若兼設則左酒右漿○疏曰脯訓始始作即成也脩亦脯脩訓治之乃成薄析曰脯捶而施薑挂曰脍脩胸謂中屈也左胸胸置左也脯脩處酒左以燥爲陽也○呂氏曰其末在右便於食也食脯脩者先末○載側吏切食音嗣炙音柘處上聲漆音裔胸音劬服

音客若降等執食興辭主人興辭於客然後客坐

降等謂爵

齒卑於主人也不敢當主賓之禮故食至則執之以起而致辭於主人主人見客起辭故亦起而致辭於客客

乃復就其坐也

主人延客祭祭食祭所先進穀之序徧祭之

古人

不忘本每食必每品出少許置於豆間之地以報先代始爲飲食之人謂之祭延導之也祭食之禮主人所先進者則先祭之後進者後祭各以穀之次序而祭之徧也○朱子曰古人祭酒於地祭食於豆間有板盛之卒食徹去○三飯主人延客食載然後辯穀

疏曰三飯謂三食也禮食

盛平聲

三飧而告飽須勸乃更食三飯竟而主人乃導客食載也公食大夫禮云賓三飯以清醬鄭云每飯歃清以穀搗醬食正饌也所以至三飯後乃食載者以載爲加故三飧前未食食載之後乃可徧食載也○飯上聲辯音徧清音泣

主人未辯客不虛口

疏曰虛口謂食竟而飲酒蕩口使清潔及安食

搗音碩

也用漿曰漱以潔清爲義用酒曰醕醕訓演演養其氣也

侍食於長者主人親饋則

拜而食主人不親饋則不拜而食

饋進饌也○方氏曰凡以稱禮之施而已

○稱去聲共食不飽共飯不澤手

呂氏曰共食者所食非一品共飯者止飯而已共食

而求飽非讓道也不澤手者古之飯者以手與人共飯摩手而有汗澤人將惡之而難言○之飯飯上聲惡去

聲

毋搏飯毋放飯毋流歎

毋搏者疏云若取飯作搏則易得多是欲爭飽也○朱氏

曰放謂食之放肆而無所節也流謂飲之流行而不

母

知止也

○搏徒丸切上飯如字下飯上聲易去聲

啗食毋齧骨毋反魚肉毋投與狗骨毋固獲

啗食謂當食而叱啗

疏謂以舌口中作聲毋啗恐似於氣之怒也毋齧嫌其聲之聞也毋反魚肉不以所餘反於器鄭云謂已歷口人所穢也毋投與狗骨不敢賤主人之物也求之聖曰固得之難曰獲固獲謂必欲取之也○啗陟嫁切母

揚飯飯黍母以箸

揚謂以手散其熱氣嫌於欲食之急也母以箸貴其已之便也○下飯上

聲著音筋

母嚙羹母絮羹母刺齒母歆醢客絮羹主人辭不

能亨客歆醢主人辭以羹

羹之有菜宜用桼不宜以口嚙取食之也絮就器中調和

也口容止不宜以物刺於齒也醢宜鹹歆之以其味淡也客或有絮羹者則主人以不能烹飪爲辭客或有歆

醢者則主人以貧窶乏味爲辭○嚙音塔絮搗據切刺七迹切亨音烹羹其羽切

濡肉齒決乾

肉不齒決母嘍炙

濡肉殺藏之類乾肉脯脩之類決斷也不齒決則當治之以手也○疏曰

火灼曰炙若食炙不一舉而併食併食之曰嘍是貧食也○乾音干嘍楚怪切炙音拓斷上聲

卒食客

自前跪徹飯齊以授相者主人興辭於客然後客坐

從自

也齊醬屬也飯齊皆主人所親設故客欲親徹此亦謂降等之客耳敵者不親徹也○飯如字齊賤西切相去

聲

侍飲於長者酒進則起拜受於尊所長者辭少者反

席而飲長者舉未醕少者不敢飲

尊所置尊之所也飲盡爵曰醕○呂氏曰

古之飲酒貴賤長幼無不及鄉飲之禮堂下之賓樂工及室無不與獻特牲饋食禮賓兄弟弟子公有司私臣無不與獻其獻也皆主人親酌授之此侍飲者亦長者親酌授之所以有拜受于尊所之節也惟燕禮以宰夫為獻主故君不親酌鄉飲射饋食禮皆尊于房戶之間賓主共之也燕禮大射皆尊于兩楹之西尊面向君君專之也燕禮鄉飲禮皆不云拜受於尊所

長者賜少者

以禮與侍飲異也○醕子妙切與去聲

賤者不敢辭

辭而後受賓主平交之道賜果於君前其有

核者懷其核

敬君賜故不敢弃核

御食於君君賜餘器之溉者不

寫其餘皆寫

御食於君者君食而臣爲之勸侑也君以食之餘者賜之若陶器或木器可以洗滌

者則即食之或其器是萑竹所織不可洗滌者則傳寫於他器而食之不欲口澤之瀆也

餼餘不祭

父不祭子夫不祭妻

尸餼鬼神之餘臣餼君之餘賤餼貴之餘下餼上之餘皆餼也此謂

助祭執事或爲尸而所得餼之餘肉以歸則不可以之祭其先雖父之尊亦不以祭其子夫之尊亦不以祭其妻以食餘之物褻也一說此祭是每食必祭之祭食人之餘及子進饌於父妻進饌於夫皆不祭而食蓋敬主人之饌故祭而後食食人之餘而祭則

御同於長者雖

貳不辭偶坐不辭

御侍也貳益物也侍食者雖獲穀饌之重而不辭其多者以此饌本爲長

者設耳偶者配偶之義因其有賓而已亦偶配於羹之坐亦以此席不專爲已設故不辭也○重平聲

有菜者用挾其無菜者不用挾

挾箸也無菜者汁而已直歃之可也○挾音頰

爲天子削瓜者副之巾以絺爲國君者華之巾以綌爲

大夫累之士彙之庶人斲之

疏曰削刊也副析也絺細葛也刊其皮而析爲四解

又橫解而以細葛巾覆之而進也華半破也綌麤葛也諸侯禮降故破而不四析亦橫斷之用麤葛巾覆之而進也爾雅瓜曰華之郭璞云食啖治擇之名累保也不巾覆也彙謂脫花處彙之者去彙而已斲齧也斲之不橫斷也此等級不同非謂平常之日當是公庭禮會之時○劉氏曰大夫以上皆曰爲者有司爲之也士庶人不曰爲者自爲之也○方氏曰巾以絺綌者當暑以涼爲貴也○爲去聲副普遍切絺音搞綌音隙累力果切

寔音帝。齟恨沒切。
覆去聲。斷上聲。

父母有疾冠者不擲行不翔言不情

琴瑟不御食肉不至變味飲酒不至變貌笑不至矧怒

不至詈疾止復故

此言養父母疾之禮不擲不為飾也不翔不為容也不情不及他事也疏

謂情訛不正之言琴瑟不御以無樂意也猶可食肉但
不至厭飫而口味變耳猶可飲酒但不至醺酣而顏色
變耳齒本曰矧笑而見矧是大笑也怒罵曰詈怒而至
詈是甚怒也皆為忘憂故戒之復故復常也○冠去聲
情徒木切養去聲

樂音洛見音現

有憂者側席而坐有喪者專席而坐

有憂謂親疾或他病患側獨也獨坐一席不設待賓之
席為有憂也一說側席謂偏設之變於正席也亦通專
單也貴賤之席各有重數居喪則
否○呂氏曰專席不與人共坐也
水潦降不獻魚鼈

水

魚鼈易得不獻鳥者佛其首畜鳥者則勿佛也

佛謂振轉其首

足貴故不獻恐其喙之害人也畜者不然順其性也○佛符勿切畜許六切

獻車馬者執策綏

疏曰策是

馬杖綏是上車之繩車馬不上於堂但執策綏呈之則知有車馬

獻甲者執胄獻杖者

執末

疏曰甲鎧也胄兜鍪也鎧大兜鍪小小者易舉執以呈之耳杖末拄地不淨故執以自向

獻民

虜者操右袂

民虜征伐所俘獲之人口也持其右袂所以防異心○操平聲篇內並同

獻粟

者執右契獻米者操量鼓

疏曰契者兩書一扎同而別之右者先書為尊鼓量器名

也米云量則粟亦量粟云契則米亦書但米可即食為急故言量粟可久儲為綏故云書書比量為綏也獻

熟食者操醬齊

疏曰醬齊為食之主執主來則食可知如見芥醬必知獻魚膾之類○齊賤西

切獻田宅者操書致

書致謂詳書其多寡之數而致之於人也○呂氏曰古者田宅皆屬

於公非民所得而有而此云獻者或上所賜予可爲已有者如采地之屬故可獻歟○予上聲采去聲

凡

遺人弓者張弓尚筋弛弓尚角右手執簫左手承弣尊

卑垂幌若主人拜則客還辟辟拜

弓之體角內而筋外尚使之在上也皆取

其勢之順也簫梢末也疏云剡之差斜似簫故名弣中夾把處也幌佩巾也客主尊卑相等則授受之際皆稍磬折而見其幌之垂也此時弓尚在客手故不容答主人之拜而少逡巡遷延以避之辟猶開也謂離其所立之處○呂氏曰下於上曰獻上於下曰賜敵者曰遺○遺去聲弣音撫幌音稅還音旋上辟音闕下辟音避離

去聲

主人自受由客之左接下承弣鄉與客並然後受

自受

者以敵客不當使人受也由從也從客左邊而受則客在右矣於是主人卻左手以接客之下而承其附又覆右手以捉弓之下頭而受之此時則主客並立而俱向南也○方氏曰賓主異等則授受異向此賓主敵故鄉與客並也進劍者左首疏曰進亦道也首劍拊環也客

○鄉去聲進劍者左首疏曰進亦道也首劍拊環也客處與主人也假令對授則亦左首進戈者前其鏹後其首尊左亦尊爲宜也○令平聲

刃疏曰戈鉤矛戟也刃當頭而利鏹在尾而鈍不以刃授敬也○鏹在困切進矛戟者前其

鏹疏曰矛如鋌而三廉戟今之戟也鏹爲矛戟柄尾平底以平向人敬也亦應並授不云左右而云前後者

互文也若相對則前後也若進几杖者拂之拭去塵也效馬

並授則左右也○鏹音隊

效羊者右牽之效陳獻也以右手牽之爲便效犬者左牽之以右手防其齧

啞

執禽者左首

禽鳥也首尊主人在左故橫捧而以首授主人

飾羔鴈者以績

飾覆之也畫布爲雲氣以覆羔與鴈爲相見之贊也○績音會覆去聲

受珠玉者以掬

謂

兩手共承之也

受弓劍者以袂

謂以衣袂承接之不露手也

飲玉爵者弗揮

謂不可振去餘瀝恐失墜

凡以弓劍苞苴簞筥問人者操以受命如

使之容

苞者苞裹魚肉之屬苴者以草藉器而貯物也簞圓筥方皆竹器問遺之也使者受命之時操

持諸物即習其威儀進退如至彼國之儀容也○操平聲使去聲下二節同

凡爲君使者已

受命君言不宿於家

受命即行

君言至則主人出拜君言之

辱使者歸則必拜送於門外

至則拜命歸則拜送皆敬君也

若使人於

君所則必朝服而命之使者反則必下堂而受命

呂氏曰使

人於君所不下堂反則下堂受命者始以已命往終以君命歸故使者反而後致其敬往則否也○上使如字

下使去聲博聞強識而讓敦善行而不怠謂之君子

博聞強識而讓

所謂有若無實若虛者敦善行而不怠所謂孳孳爲善者皆君子之道也○陳氏曰聞識自外入善行由中出

自外入者易實故處之以虛由中出者易倦故濟之以勤○行去聲易去聲處上聲君子不盡人

之歡不竭人之忠以全交也

呂氏曰盡人之歡竭人之忠皆責人厚者也責人厚

而莫之應此交所以難全也歡謂好於我也忠謂盡心於我也好於我者望之不深盡心於我者不要其必致則不至於難繼也○禮曰君子抱孫不抱子此言孫可應好並去聲要平聲

以爲王父尸子不可以爲父尸爲君尸者大夫士見之則下之君知所以爲尸者則自下之尸必式乘必以几

疏曰祭天地社稷山川四方百物及七祀之屬皆有尸外神不問同姓異姓但卜之吉則可爲尸祭勝國之社稷則士師爲尸惟祭殤無尸○呂氏曰抱孫不抱子古禮經語也曾子問曰孫幼則使人抱之抱孫之爲言生於孫幼且明尸必以孫以昭穆之同也古之祭祀必有尸尸神象也主人之事尸以子事父也尸必筮求諸神而不敢專也在散齋之日或道過之故有爲尸下之禮大夫士言見君言知者蓋君或不能盡識有以告則下之致其敬也尸不下君而式之者廟門之外尸尊未全不敢抗禮而答之故式之而已亢禮而答則下之矣如在廟中主人拜無不答也古者車中以式爲敬式車前橫木也馮之以禮人首必小俛以是爲敬式視馬尾俯

首之節也凡尊者所馮以養安也故尸之乘車齊者不用之○散上聲爲尸爲去聲亢苦浪切馮音憑

樂不弔

呂氏曰古之有敬事者必齊齊者致精明之德也樂則散哀則動皆有害於齊也不樂不弔者

全其齊之志也○齊音齋樂音洛

居喪之禮毀瘠不形視聽不衰升降

不由阼階出入不當門隧

門隧門之中道也○疏曰居喪許羸瘦不許骨露見骨爲

形之主故謂骨爲形○呂氏曰先王制禮毀不減性毀瘠形視聽衰幾於減性送死之大事且將廢而莫之行則罪莫大焉不由阼階不當門隧執人子之禮而不忍廢也○見音現幾平聲

居喪之禮頭有

創則沐身有瘍則浴有疾則飲酒食肉疾止復初不勝

喪乃比於不慈不孝

沐浴與飲酒食肉以權制者也故疾止則復初○朱氏曰下不足以

傳後故比於不慈上不足以奉先故
比於不孝○創平聲瘍音羊勝音升

五十不致毀六十

不毀七十唯衰麻在身飲酒食肉處於內

五十始衰故不極毀六十

則又衰矣故不可毀七十之年去死不遠略其居喪之禮者所以全其易盡之期也○衰音催處上聲易去聲

生與來日死與往日

與猶數也成服杖生者之事也數死之明日爲三日歛殯死者之事

也從死日數之爲三日是三日成服者乃死之第四日也○數上聲知生者弔知死者傷

知生而不知死弔而不傷知死而不知生傷而不弔

方氏

曰不知生而弔之則其弔也近於諂不知死而傷之則其傷也近於僞○應氏曰弔者禮之恤乎外傷者情之

痛於中弔喪弗能賻不問其所費問疾弗能遺不問其所

欲見人弗能館不問其所舍

以貨財助喪事曰賻此三事不能則皆不問者以徒

問爲可愧也○賻音附遺去聲

賜人者不曰來取與人者不問其所欲

賜者君子與者小人○朱氏曰君子有守必將之以禮故不曰來取小人無厭必節之以禮故不問其所欲

適墓不登壟助葬必執紼

壟墳堆也登之爲不敬紼引棺索執之致力也

臨喪

不笑

以哀爲主

揖人必違其位

出位而揖禮以變爲敬也

望柩不歌入臨

不翔當食不歎

不歌與不笑義同臨哭也不翔不爲容也唯食忘憂非歎所也○臨去聲

鄰

有喪春不相

五家爲鄰相者以音聲相勸相蓋春人歌以助春也○相去聲相勸之相如字

里

有殯不巷歌適墓不歌哭日不歌

二十五家爲里巷歌歌於巷也

送喪

不由徑送葬不辟塗潦臨喪則必有哀色執紼不笑

不由

徑不苟取其速也不避泥潦嫌於憚勞也○辟音避

臨樂不歎

亦爲非歎所也

介冑則有

不可犯之色故君子戒慎不失色於人

此章自揖人必違其位當食不

歎臨樂不歎介冑則有不可犯之色四句之外皆是凶事之禮節記者詳之如此每事戒慎則無失禮之愧不

但不可失介冑之色而已

國君撫式大夫下之大夫撫式士下之禮

不下庶人

君與大夫或同途而出君過宗廟而式則大夫下車士於大夫猶大夫於君也庶人卑賤

且貧富不同故經不言庶人之禮古之制禮者皆自士而始也先儒云其有事則假士禮而行之一說此爲相遇於途君撫式以禮大夫則大夫下車大夫撫式以禮士則士下車庶人則否故云禮不下庶人也刑不

上大夫

大夫或有罪以八議定之議所不赦則受刑周官掌囚凡有爵者與王之王同族奉而適甸師氏

以待刑殺而此云不上大夫者言不

制大夫之刑猶不制庶人之禮也

刑人不在君側

當近有德者又以慮其怨恨而爲變也

弑餘祭刑人在側之禍也○祭側界切

兵車不式武

車綏旌德車結旌

疏曰兵車革路也尚武猛無推讓故不式武車亦革路也取其建戈刀即

云兵車取其威猛即云武車也旌車上旌旂也尚威武故舒散若垂綏然玉金象木四路不用兵故曰德車德

美在內不尚赫奕故纏結

其旌於竿也○綏而追切

史載筆士載言

筆是書之主則餘載可知言謂盟會之辭舊事也○方

氏曰史國史也載筆將以書未然之事載言欲以閱已

然之

前有水則載青旌

疏曰王行宜警備故前有變異則舉類示之青旌者青雀也是

水鳥○
載音戴

前有塵埃則載鳴鳶

鳶鳴也。鵠鳴則風生。風生則塵埃起。

前有車

騎則載飛鴻

鴻鴈也。鴈飛有行列與車騎相似。○騎去聲。行音杭。

前有士師則載

虎皮

虎威猛亦士師之象。士師非所當警備者而亦舉類以示衆。或者禁止暴橫之意歟。

前有摯

獸則載貔貅

摯獸虎狼之屬。貔貅亦有威猛舉此使衆知爲備但不知爲載其皮爲畫其形耳。

行前朱鳥而後玄武左青龍而右白虎招搖在上急繕

其怒

行軍旅之出也。朱鳥玄武青龍白虎四方宿名也。以爲旗章其旒數皆放之。龍旗則九旒，雀則七旒。

虎則六旒，龜蛇則四旒也。招搖北斗七星也。居四方宿之中。軍行法之作此舉之於上以指正。四方使戒陣整肅也。舊讀繕爲勁。今從呂氏說。讀如字。其怒士卒之怒也。○呂氏曰：急迫之也。繕言作而致其怒。先儒以繕爲

勁不必改也
○宿去聲

進退有度左右有局各司其局

疏曰進退有度者牧

誓云不愆於六步七步乃止齊焉四伐五伐乃止齊焉
一擊一刺爲一伐少者四伐多者五伐又當止而齊正
行列也左右有局者局部分也軍之左右各有部分不
相濫也各司其局者軍行須監領也○行音杭分音問
監平
父之讎弗與共戴天兄弟之讎不反兵交遊之讎

不同國

不反兵謂常以殺之之兵器自隨也○呂氏曰殺入者死古今之達刑也殺之而義則無罪故

今勿讎調人之職是也殺而不義則殺者當死宜告于有司而殺之士師之職是也二者皆無事乎復讎也然復讎之文雜見于經傳考其所以必其人勢盛緩則不能執故遇則殺之不服告有司也父者子之天不能復父讎仰無以視乎皇天矣報之之意
四郊多壘此卿大誓不與讎俱生此所以弗共戴天也

夫之辱也地廣大荒而不治此亦士之辱也

四郊者王城之外四

面近郊五十里遠郊百里侯國亦各有四郊里數則各隨其地之廣狹而爲遠近也壘者屯軍之壁卿大夫不能謀國數見侵伐故多壘土廣人稀荒穢不理此二者固皆卿大夫之責士卑不與謀國而田里之事則其職也故言亦士之辱

○數音朔與去聲

臨祭不惰祭服敝則焚之祭器敝則

埋之龜筮敝則埋之牲死則埋之

呂氏曰人所用則焚之焚之陽也鬼神所

用則埋之埋之陰也

凡祭於公者必自徹其俎

疏曰此謂士助

○筴夾劫策三音

君祭也若大夫以上則君使人歸其俎若大夫以下自祭其廟則使人歸賓俎○呂氏曰執臣子之敬毋敢視賓客故自徹

卒哭乃諱禮不諱嫌名二名不偏諱

葬而虞虞

而卒哭凡卒哭之前猶用事生之禮故卒哭
乃諱其名嫌名音同者不偏諱謂可單言
逮事父母

則諱王父母不逮事父母則不諱王父母
逮及也庶人父母早死不

聞父之諱其祖故亦不諱其祖有廟以事祖者則不然也
君所無私諱大夫之所有

公諱
私諱不避於公朝大私諱不避於公朝大
詩書不諱臨文不諱
諱而不易

詩書之文改行事之語蓋恐有感於學者有誤於承用也
廟中不諱
廟中之諱以卑避尊如有事於

高祖則不諱曾祖以下也
夫人之諱雖質君之前臣不諱也婦諱不

出門大功小功不諱
質猶對也夫人之諱與婦之諱皆謂其家先世門者其所居之宮門

也大功以下恩輕
入竟而問禁入國而問俗入門而問
服殺故亦不諱

諱

馬氏曰問禁慮得罪於君也問俗慮得罪於衆也問諱慮得罪於主人也○竟上聲與境同篇內並同

外事以剛日內事以柔日

甲丙戊庚壬爲剛乙丁己辛癸爲柔先儒以外事爲治兵

然巡狩朝聘盟會之類皆外事也內事如宗廟之祭冠昏之禮皆是

凡卜筮日旬之外曰

遠某日旬之內曰近某日喪事先遠日吉事先近日

疏曰

今月下旬筮來月上旬是旬之外日也主人告筮者云欲用遠某日此大夫禮士賤職褻時至事暇可以祭則於旬初即筮旬內之日主人告筮者云用近某日天子諸侯有雜祭或用旬內或用旬外其辭皆與此同喪事謂葬與二祥是奪哀之義非孝子所欲但不獲已故先從遠日而起示不宜急微伸孝心也吉事謂祭祀冠昏之屬少牢云若不吉則及遠日是先近日也○冠少並去聲

曰爲日假爾泰龜有常

假爾泰筮有常卜筮不過三卜筮不相襲

曰命辭也為字去聲讀為

卜吉日故曰為日卜則命龜曰為日假爾泰龜有常假因也託也泰者尊上之辭有常言其吉凶常可憑信也此命蓍龜之辭不過三者一不吉至再至三終不吉則止而不行襲因也卜不吉則止不可因而更筮筮不吉則止不可因而更卜也龜為卜筮為筮卜筮者先

聖王之所以使民信時日敬鬼神畏法令也所以使民決嫌疑定猶與也故曰疑而筮之則弗非也日而行事

則必踐之

筮蓍也舊說讀踐為善文義甚迂疏引王氏說踐履也必履而行之當讀如字○疏曰說

文猶獸名與亦獸名二物皆進退多疑人之多疑惑者似之故謂之猶與○呂氏曰凡常事卜不吉則不筮筮

不吉則不卜獻公卜納驪姬不吉公曰筮之此相襲也
若大事則先筮而後卜洪範有龜從筮從或龜從筮逆
龜筮並用也晉卜納襄王得黃帝戰阪泉之兆又筮之
遇大有之睽亦龜筮並用也故知不相襲者非大事也
信時日者卜筮而用之不敢改也敬鬼神者人謀非不
足而猶求於鬼神知有所尊而不敢必也畏法令者人
君法令有疑者決之卜筮則君且不敢專況下民乎嫌
疑者物有二而相似也猶與者事有二而不決也如建
都邑某地可都某地亦可都此嫌疑也如戰或曰可戰
或曰不可戰此猶與也卜筮以決之定之此先聖王以
神道設教也有疑而筮既筮而不信諷日而卜既卜而
弗踐是爲不誠不誠之人不能得之於人況可得於鬼
神乎○君車將駕則僕執策立於馬前此下言乘車之
禮策馬杖也僕
與去聲者執之立於馬前
已駕僕展軛效駕已駕駕馬畢也軛
車之轆頭車行由

轄僕者展視軛徧即入而效
白於君言車駕竟○軛音零

奮衣由右上取貳綏跪乘

疏曰僕先出就車於車後自振其衣以去塵從右邊升
上必從右者君位在左避君空位也貳副也綏登車索
也正綏擬君之升副綏擬僕右之升僕先試車時君猶
未出未敢依常而立所以跪而乘之以爲敬○上上聲

執策分轡驅之五步而立

疏曰轡馭馬索也車一轅而
四馬駕之中央兩馬夾轅者

名服馬兩邊名駢馬亦曰駢馬詩云兩服上襄兩駢鴈
行鴈行者言與中服相次序也每一馬有兩轡四馬八
轡以駢馬內轡繫於軾前其駢馬外轡并兩服馬各二
轡六轡在手右手執杖以三轡置空手中以三轡置杖
手中故云執策分轡也驅之者試驅行之也五步而立
者跪而驅馬以行五步即止而倚立以待君出○行音
杭并

君出就車則僕并轡授綏左右攘辟

疏曰君出就
車則僕并六

轡及策置一手中以一手取正綏授於君令登車於是左右侍駕陪位諸臣見車欲進行皆還卻以避車使不妨車之行也○車驅而騶至于大門君撫僕之手而顧并去聲辟音避

命車右就車門閭溝渠必步

疏曰車上君在左僕人中夾勇士在右既至大門恐

有非常故回命車右上車至門閭溝渠而必下車者一則君子不誣十室過門閭必式君式則臣當下也二則溝渠險阻恐有傾覆亦須下扶持之也僕不下者車行由僕僕下則車無御故不下也○騶音驟凡僕

人之禮必授人綏若僕者降等則受不然則否

凡為車之僕者

必以正綏授人不但臣於君為然也若僕之等級卑下如士於大夫之類則授綏之時直受之而已無辭讓也非降等者若僕者降等則撫僕之手不然則自下拘之則不受

降等者雖當受其綏然猶撫止其手如不欲其親授然
然後受之亦謙讓之道也不降等者已雖不欲受而彼
必授則卻手從僕之手下○拘音溝客車不入大門婦人不立乘
而自拘取之也

犬馬不上於堂

馬氏曰客車不入大門所以敬主主人出大門迎之所以敬客故覲禮偏駕不

入王門公食大夫禮賓乘車在大門外西方若諸侯不
以客禮見王則墨車龍旂可以入大門故覲禮墨車龍
旂以朝婦人乘安車故不立乘犬馬充庭實故不上堂
以犬馬獻人則執縶○縶音的而已以馬合幣則達圭而已奉
馬而覲則授人而已皆不
上堂之謂也

故君子式黃髮下卿位入國

不馳入里必式

式黃髮敬老也下卿位敬大臣也禮君出則過卿位而登車入則未到卿位而

下車入國不馳恐車馬蹢躅人也十室猶有忠信二十
五家之中豈無可敬之人故入里門必式所謂不誣十

室也○鄭氏曰發句言故明此衆篇雜辭也○躡音客

君命名雖賤人大夫士必

自御之

御讀爲迓迎也自迎之

介者不拜爲其拜而夔

拜

介甲也○朱子曰夔猶言有所枝拄不利屈伸也○爲去聲夔子臥切

祥車曠左乘君

之乘車不敢曠左左必式

疏曰祥猶吉也吉車謂生時所乘葬時用爲魂車車上貴

左僕在右空左以擬神也王者五路玉金象木革王自乘一餘四從行臣乘此車不敢空左空左則似祥車凶也左必式者不敢自安故恒憑式乘車君皆在左若兵戎草路則君在中○乘去聲空去聲僕御婦

人則進左手後右手

疏曰僕在中婦人在左進左手持轡使身微相背遠嫌也○背音佩

遠去聲

御國君則進右手後左手而俯

疏曰御君者禮以相向爲敬故進右

手既御不得常式故但俯僂而爲敬國君不乘奇車車上不廣欵不妄指

奇車奇邪不正之車也○方氏曰不廣欵者慮聲容之駭人聽不妄指者慮手容之駭人視也○奇居宜切

立視五騫式視馬尾顧不過轂

立謂立於車上也○疏曰騫規也車輪一周爲

一規乘車之輪高六尺六寸徑一圍三得一丈九尺八寸五規爲九十九尺六尺爲步總爲十六步半在車上所視則前十六步半也馬引車其尾近車闌車上憑式下頭時不得遠矚但瞻視馬尾轂車轂也若轉頭不得過轂論語云車中不內顧是也○騫音攜國中以策騫卹勿驅塵不出軌

疏曰

入國不馳故不用鞭策但取竹帶葉者爲杖形如埽帚故云策騫微近馬體搔摩之卹勿搔摩也軌車轍也行緩故塵埃不飛揚出軌外也○朱子曰策騫疑謂策之騫若今鞭末韋帶耳○騫音遂卹蘇沒切勿音沒埽去

聲

國君下齊牛式宗廟大夫士下公門式路馬

下謂下車也疏

引熊氏說此文誤當云國君下宗廟式齊牛○齊音齊

乘路馬必朝服載鞭策不

敢授綏左必式

此言人臣習儀之節路馬君駕路車之馬也既衣朝服又鞭策則但載之而不

用皆敬也君升車則僕者授綏今臣以習儀而居左則自馭以行不敢使車右以綏授已也左必式者既在尊位當式以示敬○步路馬必中道以足蹙路馬芻有誅

朝音潮衣去聲

齒路馬有誅

步謂行步而調習之也必當路之中者以邊側卑褻不敬或傾跌也蹙與蹴同芻草

也齒評量年數也誅罰也○馬氏曰察馬之力必以年數馬之年必以齒凡此戒其慢君物也先王制禮圖難於其易爲大於其細凡以止邪於未形而已耳

曲禮下第二

凡奉者當心提者當帶

疏曰物有宜奉持者有宜提挈者奉者仰手當心提者屈臂當

帶深衣之帶也古人常服深衣○奉上聲

執天子之器則上衡國君則平衡

大夫則綏之士則提之

疏曰上高也衡平也平正當心天子器不宜下故臣爲擎奉皆

高於心諸侯降於天子故臣爲奉持器與心平大夫降於諸侯故其臣奉器下於心綏下也士提之則又在綏

下○上上聲綏音妥爲去聲

凡執主器執輕如不克執主器操幣圭

璧則尚左手行不舉足車輪曳踵

大夫稱主此則通上下貴賤言之如不克

似不能勝也聘禮曰上介執玉如重尚左手謂左手在上左陽尊也踵脚後也執器而行但起其前而曳引其

踵如車輪之運於地故曰車輪曳踵○方氏曰左手不如右強尚左手所以爲容下右手所以致力

立則

磬折垂佩主佩倚則臣佩垂主佩垂則臣佩委

磬之背

而玉佩從兩邊懸垂此立容之常然臣之於君尊卑殊等則當視其高下之節而倍致其恭敬之容可也微僂

則倚於身小僂則重大僂則委於地皆於佩見其節

執玉其有藉者則裼無藉者

則襲

古人之衣近體有袍襌之屬其外有裘夏月則衣葛或裘或葛其上皆有裼衣裼衣上有襲衣襲衣

之上有常著之服則皮弁服及深衣之屬是也掩而不開謂之襲若開而見出其裼衣則謂之裼也○又聘禮註云曲禮云執玉其有藉者則裼無藉者則襲所謂無藉謂圭璋特達不加束帛當執圭璋之時其人則襲也有藉者謂璧琮加於束帛之上當執璧琮時其人則裼也曲禮所云專主圭璋特而襲璧琮加束帛而裼一條

言之先儒乃以執圭而垂纁爲有藉執圭而屈纁爲無藉此則不然竊詳經文裼襲是一事垂纁屈纁又別是一事不容混合爲一說○裼音錫釋音鐸袴也衣去聲見音現國君不名卿老世婦大

夫不名世臣姪娣士不名家相長妾

不名不以名呼之也○疏曰上卿貴

故曰卿老世婦兩媵也次於夫人而貴於諸妾也世臣父在時老臣也姪是妻之兄女娣是妻之妹從妻來爲妾也大夫不世爵此有世臣者子賢襲父爵也家相助知家事者長妾妾之有子者○姪音迭相去聲長上聲

君大夫之子不敢自稱曰余小子大夫士之子不敢自

稱曰嗣子某不敢與世子同名

列國之君與天子之大夫其子皆不敢自稱余

小子避嗣天子之稱也列國之大夫與士之子不敢自稱嗣子某避嗣諸侯之稱也○呂氏曰世子君之適子

也諸臣之子不敢與之同名亦避君也若名之在世子之前則世子爲君亦不避穀梁傳曰衛齊惡衛侯惡何爲君臣同名也君子不奪人名不奪人親之所名○適音的傳去聲君使士射不能則辭

以疾言曰某有負薪之憂

呂氏曰射者男子之所有事不能可以疾辭不可以不能

辭也負薪賤役士之所親事者疾則不能矣故曰負薪之憂也

侍於君子不顧望而對

非禮也

呂氏曰顧望而後對者不敢先他人而言也○應氏曰有察言觀色之意

君子行禮

不求變俗祭祀之禮居喪之服哭泣之位皆如其國之

故謹修其法而審行之

言卿大夫士有徙居他國者行禮之事不可變其故國之俗皆

當謹修其典法而審慎以行之

去國三世爵祿有列於朝出入有詔於

國若兄弟宗族猶存則反告於宗後去國三世爵祿無

列於朝出入無詔於國唯興之日從新國之法

去本國雖已三

世而舊君猶仕其族人於朝以承祖祀此人往來出入他國仍詔告於本國之君其宗族兄弟猶存則必有宗子凡冠娶妻必告死必赴不忘親也若去國三世朝無仕宦之列出入與舊君不相聞其時已久其義已絕可以改其國之故矣然猶必待興起而為卿大夫乃從新國之法厚之至也

君子已孤不更名

名者始生三月之時父所命也父沒而改之孝子所不忍也○更平聲

已孤暴貴不為父

作諡

文王雖為西伯不為古公李作諡周公成文武之德亦不敢加大王王季以諡也○呂氏曰父為

士子為天子諸侯則祭以天子諸侯其尸服以士服是可以已之祿養其親不敢以已之爵加其親也父之爵

卑不當謚而以已爵當謚而作之是以已爵加其父居
欲尊而反卑之非所以敬其親也○爲去聲養去聲

喪未葬讀喪禮既葬讀祭禮喪復常讀樂章居喪不言

樂祭事不言凶公庭不言婦女

復常除服之後也樂章弦歌之詩也○呂氏曰

讀是書非肄業也當是時不知是事不以禮事其親者也
吉凶之事不相干哀樂之情不可以貳故喪凶事也不
言樂祭吉事也不言凶公私之事不可相干私振書
事不可言於公庭故公庭不言婦女○哀樂音洛

端書於君前有誅倒策側龜於君前有誅

人臣以職分內事事君每

事當謹之於素文書簿領已至君前乃始振拂其塵埃
而端整之卜筮之官龜策其所奉以周旋者於君前而
有顛倒反側之狀此皆不敬其職業而
慢上者故皆有罰○分音問奉上聲
龜策几杖席蓋

重素衫絺綌不入公門

龜策所以問吉凶嫌豫謀也几杖所以優高年嫌自尊也席所

以坐臥蓋所以蔽日與雨絺綌所以涼體衫單也單則見體而褻此三者宴安之具也重素衣裳皆素也以非

吉服故亦不可以入公門

苞屨扱衽厭冠不入公門

苞讀

○重平聲衫音軫見音現

爲薦以薦蒯之草爲齊衰喪屨也扱衽以深衣前衽扱之於帶也蓋親初死時孝子以號踊履踐爲妨故扱之也厭冠喪冠也吉冠有纁有梁喪冠無之故厭帖然也此皆凶服故不可以入公門○苞白表切扱音挿厭入

聲號平聲纁音徒

書方衰凶器不以告不入公門

方板也書方者條錄送死

物件於方板之上也衰五服之衰也凶器若棺槨牆翼明器之屬不以告不入公門謂告則可入者蓋臣妾有死於宮中者君亦許其殯而成喪然必先告乃得將入也○衰音催翼音軟

公事不私議

馬氏

曰季孫使冉有訪田賦於仲尼仲尼不對而私於冉有
何也季氏用田賦非孔子所能止其私於冉有豈得已
哉

君子將營宮室宗廟爲先廡庫爲次居室爲後

君子有位

者也宗廟所以奉先故先營之廡以養馬庫以藏物
欲其不乏用也故次之居室則安身而已故又次之
凡

家造祭器爲先犧賦爲次養器爲後

犧賦亦以造言者如周官牛人供牛

牲之互與盞蔡之類鄭註互若今屠家懸肉格盆以盛
血蔡受肉籠也○疏曰家造謂大夫始造家事也諸侯
大夫少牢此言犧牛也天子之大夫祭祀賦斂邑民供
出牲牢故曰犧賦○養去聲蔡音僚盛平聲少去聲

無田祿者不設祭器有田祿者先爲祭服君子雖貧不

粥祭器雖寒不衣祭服爲宮室不斬於丘木

呂氏曰祭器可假服

不可假也丘木所以庇宅兆爲宮室而斬之是慢其先而濟吾私也○弼音育衣去聲

大夫士去

國祭器不踰竟大夫寓祭器於大夫士寓祭器於士

呂氏

曰臣之所以有宗廟祭器以事其先者君之祿也今去位矣乃挈器以行是竊君之祿以辱其先此祭器所以不踰竟也寓寄於爵等之同者使之可用也○馬氏曰微子抱祭器而之周何也君子爲已不重爲人不輕抱君之祭器可也抱己之祭器不可也大夫士去國踰竟爲壇位鄉國而哭

素衣素裳素冠徹緣鞞屨素箠乘髦馬不蚤鬣不祭食

不說人以無罪婦人不當御三月而復服

壇位除地而爲位也鄉國

向其本國也徹緣去中衣之采緣而純素也鞞屨革屨也周禮註云四夷舞者所屣素箠素白狗皮也箠車覆

闌也既夕禮云主人乘惡車白狗鬣是也鬣馬不翦剔馬之鬣鬣以爲飾也蚤治手足爪也鬣剔治鬣髮也祭食食盛饌則祭先代爲食之人也不說人以無罪者已雖遭放逐而出不自以無罪解說於人過則稱已也御侍御寢宿也凡此皆爲去父母之邦捐親戚去墳墓失祿位亦一家之變故也故以凶喪之禮自處三月爲一時天氣小變故必待三月而後復其吉服也○壇音善鄉去聲緣去聲鞮音低鞮莫歷切蚤音爪鬣音翦去上聲純音準

大夫士見於國君君若勞之則還辟再拜稽

屏音肺

首

此言大夫士出聘他國見於主君君若問勞其道路之勤苦則旋轉退避乃再拜稽首也○見音現勞去

聲還音旋辟音闕

君若迎拜則還辟不敢答拜

聘賓初至主國

下節同稽上聲

大門外主君迎而拜之賓則退卻不敢答拜而抗賓主之禮也大夫士相見雖貴賤不

敵主人敬客則先拜客客敬主人則先拜主人

敬而先拜謂大

夫士聘於他國而見其卿大夫士也同國則否

凡非弔喪非見國君無不答拜

者

弔喪而不答主人之拜者以爲助執喪事之凡役而來非行賓主之禮也故士喪禮有賓則拜之賓不答

拜是也士見本國之君尊卑遠絕故君不答拜此二者之外無不答拜也

大夫見於國君國

君拜其辱士見於大夫大夫拜其辱同國始相見主人

拜其辱

君拜大夫之辱大夫拜士之辱皆謂初爲大夫初爲士而來見也此後朝見則有常禮矣士相

見禮士見國君君答拜者亦以其初爲士而敬之也主人拜辱拜其先施也此謂尊卑相等者言同國則異國

亦當然矣

君於士不答拜也非其臣則答拜之大夫於其臣

雖賤必答拜之

君於士雖不答拜然不以施之他國之士者以其非己之臣也大夫答賤臣之

拜避國君之體也

男女相答拜也

男女嫌疑之避亦多端矣然拜而相答所以爲禮豈以行

禮爲嫌哉故記者明言之

國君春田不圍澤大夫不掩羣士不取麇

卵

春田蒐獵也澤廣故曰圍羣聚故曰掩麇鹿子凡獸子亦通名之麇卵微故曰取君大夫士位有等降故

所取各有限制此與王制文異○方氏曰用大者取愈廣位卑者禁愈嚴○麇音迷

歲凶年穀不

登君膳不祭肺馬不食穀馳道不除祭事不縣大夫不

食梁士飲酒不樂

膳者美食之名肺爲氣主周人所重故食必先祭肺言不祭肺示不殺牲

爲盛饌也馳道人君驅馳車馬之路不除不埽除也祭必有鍾磬之懸今不懸言不作樂也大夫食黍稷以梁

爲加公食大夫禮設正饌之後乃設稻粱所謂加也自
君至士各舉一事尊者舉其大者卑者舉其小者其實
互相通耳○縣音玄下節
同埽去聲公食食音嗣

君無故玉不去身大夫無故

不徹縣士無故不徹琴瑟

故謂災變喪疾之類

士有獻於國君他

日君問之曰安取彼再拜稽首而后對

安取彼猶言何所得彼物也

大夫私行出疆必請反必有獻士私行出疆必請反必

告君勞之則拜問其行拜而后對

大夫士以私事出疆皆請於君其反也大

夫有獻而士不獻不以卑者之物瀆尊上也故但告還
而已勞之者慰勞其道路之勞苦問其行者詢其游歷
之所至也先拜後答急謝見問
之寵也○勞去聲勞苦如字

國君去其國止之曰奈

何去社稷也大夫曰奈何去宗廟也士曰奈何去墳墓

也國君死社稷大夫死衆士死制

死社稷謂國亡與亡也死衆謂討罪禦敵

敗則死之也死制受命於君難毋苟免也○方氏曰國君曰死社稷而大夫士不曰死宗廟墳墓何也蓋止其去者存乎私情死其事者止乎公義也○趙氏曰社所以祭五土之神稷所以祭五穀之神稷非土無以生土非稷無以見生生之效故祭社必及稷以其同功均利以養人故也周禮大司徒設社稷之壇壇者累土以爲高也不屋而壇社壇在東稷壇在西○壇遺偉謂三音累上聲君天下曰天子朝諸侯

分職授政任功曰予一人

天子者君臨天下之總稱臣民通得稱之予一人則所自

也稱踐阼臨祭祀內事曰孝王某外事曰嗣王某

踐履也阼主階

也履主階而行事故曰踐阼也宗廟之事爲內郊社之事爲外祝辭稱孝王某者事親之辭嗣王某者事神之辭也臨諸侯畛於鬼神曰有天王某甫天子巡狩而至諸侯之國必使祝史

致鬼神當祭者之祭以不親往故祝辭稱字曰某甫甫者丈夫之美稱也○呂氏曰畛猶畦畛之相接然與交際之際同義○方氏曰望扶之禮必於野外故以畛言之畛田間道也祭於畛而謂之畛猶祭於郊而謂之郊也天子適諸侯非其常蓋有時崩曰天王崩復曰天子矣故於是特言有焉○畛音軫

復矣告喪曰天王登假措之廟立之主曰帝

自上墜下曰崩亦壞

敗之稱王者卒則史書於策曰天王崩復者人死則形神離古人持死者之衣升屋北面招呼死者之魂令還復體魄冀其再生也故謂之復天子復者升屋招呼之辭臣子不可名君故呼曰天子復也疏云以例言之則

王后死亦呼王后復也告喪赴告侯國也呂氏讀假爲格音引王假有廟與來假來享言其精神升至於天愚謂遐乃遠邈之意登遐言其所升高遠猶漢書稱大行行乃循行之行去聲以其往而不反故曰大行也措置也立之主者始死則鑿木爲重以依神既虞而埋之乃作主以依神也○呂氏曰考之禮經未有以帝名者史記夏殷之王皆以帝名疑殷人祔廟稱帝遷据世本當有所考至周有諡始不名帝歟○假音遐王假來假音格大行之天子未除喪曰予小子生名之死亦名之

鄭氏

曰生名之曰小子王死亦曰小子王也晉有小子侯是僭號也○呂氏曰春秋書王子猛卒不言小子者臣下之稱與史策天子有后有夫人有世婦有嬪有妻有妾之辭異也

三夫人九嬪二十七世婦八十一御妻自天子建天官后而下皆三因而增其數妾之數未聞

先六大曰大宰大宗大史大祝大士大卜典司六典

此六

大者天官之屬也以其所掌重於他職故曰先○大並音泰

天子之五官曰司徒司

馬司空司士司寇典司五衆

此五官與天官列而爲六五衆者五官屬吏之羣衆

也天子之六府曰司土司木司水司草司器司貨典司

六職

府者藏物之所此府主藏六物之稅

天子之六工曰土工金工石工

木工獸工草工典制六材

此六材者六工之所用也故不曰典司而曰典制已上四

條舊說皆爲殷制其實無所考證皆臆說耳

五官致貢曰享

呂氏曰歲終則司徒以下五官

各致其功獻於王故謂之享貢功也享獻也

五官之長曰伯是職方其擯於

天子也曰天子之吏天子同姓謂之伯父異姓謂之伯

舅自稱於諸侯曰天子之老於外曰公於其國曰君

司徒

以下五官之長者天子之三公也伯者長大之名三公無異職即六卿中三人兼之任左右之職謂之相九命而作伯則分主畿外諸侯如公羊云自陝而東者周公主之自陝而西者召公主之是也是職方者言二伯於是職主其所治之方也天子之吏擯者之辭也此伯若是天子同姓則天子稱之為伯父若異姓則稱為伯舅皆親之之辭也此伯皆有采地在天子畿內自稱為九私土采地之外則曰公自稱為采地之內則曰君也

州之長入天子之國曰牧天子同姓謂之叔父異姓謂

之叔舅於外曰侯於其國曰君

天下九州天子於每州之中擇諸侯之賢者一

人加之。一命使主一州內之列國取牧養下民之義。故曰牧叔父叔舅降於伯父伯舅也。自稱於所封國之外則曰侯。若與國內臣民言則自稱曰君也。其在東夷北狄西戎南蠻雖大曰

子於內自稱曰不穀於外自稱曰王老

九州之外不過子男之國天子

亦選賢以爲牧。但以卑且遠故不以牧稱。亦不稱父舅。朝見之時擯辭惟曰子雖或有功益地至侯伯之數其爵亦不過子。故云雖大曰子也。如楚在春秋雖大國而其爵則稱子也。穀善也。於內與其臣民言也。外謂夷狄之境也。自稱王老言天子之老臣也。庶方小侯入天子之國曰某人於外

曰子自稱曰孤

四夷之君其來荒遠故以庶方名之庶衆也某人若年人介人之類○疏曰於

外曰子者此君在其本國外四夷之中自稱依其本爵若男亦稱男也。若自與臣民言則稱孤。孤者特立無德

也之稱

天子當依而立諸侯北面而見天子曰覲天子當

寧而立諸公東面諸侯西面曰朝

鄭氏曰春朝受摯於朝受享於廟秋覲一

受之於廟朝者位於內廟而序進覲者位於廟門外而序入○疏曰依狀如屏風以絳爲質高八尺東西當戶牖之間繡爲斧文亦曰斧依天子見諸侯則依而立負之而南面以對諸侯也寧者爾雅云門屏之間謂之寧人君視朝所寧立處蓋竚立以待諸侯之至故云當寧而立也諸侯春見曰朝秋見曰覲又曰凡天子三朝一在路門內謂之燕朝大僕掌之二是路門外之朝謂之治朝司士掌之其三是皋門之內庫門之外謂之外朝朝士掌之諸侯亦有此三朝○依上聲見音現寧珍呂切屏音丙

諸侯未及期相見曰

遇相見於郤地曰會

未及期在期日之前也郤地閑隙之地也下言相見及期日也遇有

遇禮會有會禮○卻隙同與諸侯使大夫問於諸侯曰

聘

比年小聘三年大聘小聘大夫往大聘則卿往○此音界

約信曰誓涖牲曰盟

約信

者以言語相要約爲信也用誓禮涖臨也春秋所書遇會盟聘皆有之惟無誓耳疏云盟之爲法先鑿地爲方坎殺牲於坎上割牲左耳盛以珠盤又取血盛以玉敦用血爲盟書成乃歃血而讀書置牲坎中加書於上而埋之謂之載書也○敦音對諸侯見天子曰臣某侯某其與民言自

稱曰寡人其在凶服曰適子孤

臣某侯某如云臣齊侯小白臣晉侯重耳之類

摯者告天子之辭也凡自稱皆曰寡人不獨與民言也此畧言之耳適子孤亦摯者告賓之辭也○見音現適的音臨祭祀內事曰孝子某侯某外事曰曾孫某侯某死的

曰薨復曰某甫復矣

內外事見前章曾孫猶晉平公禱河而稱曾臣彪之類天子德厚流

光故外事稱嗣王某諸侯不敢言繼嗣推始封之君而祖之故稱曾孫也薨之爲言普也幽晦之義本國史書

之辭復稱字

既葬見天子曰類見言諡曰類

呂氏曰繼先君之德

臣不名君也

乃得受國而見天子故曰類見誅先君之

諸侯使人使

善而請諡於天子故亦曰類

○見音現

於諸侯使者自稱曰寡君之老

寡君之老惟上大夫可稱見玉藻○下二使並

去聲天子穆穆諸侯皇皇大夫濟濟士蹕蹕庶人僬僬

呂氏

曰穆穆幽深和敬之貌皇皇壯盛顯明之貌濟濟修飾齊一之貌蹕蹕翔舉舒揚之貌庶人見乎君不爲容進

退趨走僬僬雖無所考大抵趨走促數不爲容之貌

天

也○濟上聲蹕七羊切僬子妙切見音現數音朔

子之妃曰后諸侯曰夫人大夫曰孺人士曰婦人庶人

曰妻

鄭氏曰妃配也后之言後也夫之言扶孺之言屬婦之言服妻之言齊

公侯有夫人

有世婦有妻有妾夫人自稱於天子曰老婦

畿內諸侯之妻因助

祭於王后或因獻繭之屬故得以見天子○陳氏曰不以老稱不足以任其事不以婦稱非所以能事人故稱老婦○應氏曰年高者固可稱老婦其始嫁者宜如何稱則亦曰婦而配之以卑小之名耳

自稱於

諸侯曰寡小君

疏曰此諸侯謂他國君也古者諸侯相饗夫人亦出故得自稱也坊記云陽侯

殺繆侯而竊其夫人故大饗廢夫人之禮君之妻曰小君而云寡者亦從君爲謙也

自稱於其君

曰小童自世婦以下自稱曰婢子

小童未成人之稱婢之言卑也

子於

父母則自名也

自稱其名

列國之大夫入天子之國曰某士

自稱曰陪臣某於外曰子於其國曰寡君之老使者自

稱曰某

某士擯者稱其人曰某國之士也晉韓起聘於周擯者曰晉士起蓋列國卿大夫其命數與天

子之士等也陪重也諸侯爲天子之臣已又爲諸侯之臣也於外曰子者亦擯者辭在他國則擯者稱其姓而曰子春秋閔二年齊高子來盟高倭是也於其國曰寡君之老謂在已國與人語則以此自稱也使者自稱曰某某名也若爲使在他國與彼君語則稱名也○使去聲重平聲天子不言出諸侯不

生名君子不親惡諸侯失地名滅同姓名

疏曰君子不親惡者謂孔

子書經見天子大惡書出以絕之諸侯大惡書名以絕之君子不親此惡故書出名以絕之也○呂氏曰賢者

貴者皆謂之君子天子無外安得而言出然而言出者
德不足以君天下而位號存焉耳諸侯不生名惟死而
告終然後名之然有生名者德不足以名君子而位號
存焉耳故矢子不言出諸侯不生名皆謂君子不親惡
故也○陳氏曰言出所以外之生名所以賤之春秋書
天王出居于鄭譏之也書以蔡侯獻舞歸以其失地也
書衛侯燬滅邢以其滅同姓也夫天子之言出諸侯之
生名皆有大惡在所棄焉君子所以不親也然春秋書
天王居於某地者二而不言出諸侯失地而奔者十五
滅同姓者三而有不生名者莫非出居而事有異同莫
非失地滅同姓而罪有輕重故也蓋諸侯義莫大於保
國仁莫大於親親不能保國而至於失地不能親親而
至於滅同姓其
名之也宜矣
爲人臣之禮不顯諫三諫而不聽則逃

之
陳氏曰孔子之於魯百里奚之於秦未嘗諫而去龍
逢之於夏比干之於殷則死於諫而不去何也蓋事

有輕重勢有可否君子以禮爲守
以義爲行迹雖不同其趨一也

子之事親也三諫而

不聽則號泣而隨之

呂氏曰君臣義合也父子天合也君臣其合也與父子同其不合也

去之與父子異也○號平聲

君有疾飲藥臣先嘗之親有疾飲藥子

先嘗之醫不三世不服其藥

呂氏曰醫三世治人多用物熟矣功已試而無疑然

後服之亦謹疾之道也

儼人必於其倫

疏曰不得以貴比賤爲不敬也○方氏曰禹稷顏回

時不同矣孔子俱以爲賢儼之以道也夷惠伊尹迹不同矣孟子俱以爲聖儼之以心也子夏以有若似孔子徒儼之以貌而已不知聖賢之德不倫也公孫丑以管仲比孟子徒儼之以位而已不知王霸之道不倫也○儼與擬同音又疑義二音比也僭也俗本混作擬擬像也揣度也與儼小異

問天子之年對

曰聞之始服衣若干尺矣

若如也未定之辭數始於一而成於十十字從一從十故

言若干謂或如一或如十凡數之未定者皆可言問國

君之年長曰能從宗廟社稷之事矣幼曰未能從宗廟

社稷之事也

爲國以禮而禮莫重於祭宗廟社稷事無有先於此者能則知其長未能則知其幼

問大夫之子長曰能御矣幼曰未能御也

古者五十命爲大夫故不

問其年而問其子之長幼御謂御車也御者六藝之一幼則未能○疏曰御謂主事也官有世功子學父業故

有御事

問士之子長曰能典謁矣幼曰未能典謁也

謁請

之因

也典謁者主賓客告請之事士賤無臣下自典告也問庶人之子長曰能負薪矣

幼曰未能負薪也

負薪者庶人力役之事長則能

問國君之富數地以

對山澤之所出

數地舉其土地之廣狹如百里七十里五十里各言之也山澤所出如魚鹽蜃

蛤金玉錫石之類也○數上聲

問大夫之富曰有宰食力祭器衣服不

假

宰邑宰也有宰則有采地矣食力謂食下民賦稅之力衣服祭服也○采去聲

問士之富以

車數對

上士三命得賜車馬故問士富則以車數對也

問庶人之富數畜以對

庶人受田有定制惟畜牧之多寡在乎人故數畜以對也○數上聲畜許又切

天子祭天地祭

四方祭山川祭五祀歲徧諸侯方祀祭山川祭五祀歲

徧大夫祭五祀歲徧士祭其先

呂氏曰此章泛論祭祀之法冬至祭天夏日

至祭地四時各祭其方以迎氣又各望祭其方之山川
五祀則春祭戶夏祭竈季夏祭中霤秋祭門冬祭行此
所謂歲徧諸侯有國國必有方祭其所居之方而已非
所居之方及山川不在境內者皆不得祭故曰方祀祭
法天子立七祀加以司命泰厲諸侯五祀有司命公厲
而無戶竈大夫三祀有族厲而無中霤戶竈士二祀則
門行而已是法考於經皆不合曾子問天子未殯五祀
之祭不行士喪禮禘於五祀則自天子至士皆祭五祀
祭法言涉恠妄不經至於所稱凡祭有其廢之莫敢舉
廟制亦不與諸經合○論去聲

也有其舉之莫敢廢也非其所祭而祭之名曰淫祀淫

祀無福

呂氏曰廢之莫敢舉如已毀之宗廟變置之社

稷不可復祀也舉之莫敢廢如已修之壇墠而

輒毀已正之昭穆而輒變也非所祭而祭之如法不得

祭與不當祭而祭之者也魯立武宮立煬宮舉其廢也

躋僖公廢其舉也魯之郊禘與祀文王祀爰居祭所不當祭也淫過也以過事神神弗享也故無福○方氏曰可廢而廢可舉而舉者存乎義因所廢而莫敢舉天子因所舉而莫敢廢者存乎禮蓋禮有經義有權也

以犧牛諸侯以肥牛大夫以索牛士以羊豕

毛色純而不雜曰犧

養於滌者曰肥求得而用之曰索○疏曰此謂天子大夫士也若諸侯大夫即用少牢士則用特牲其喪祭則大夫亦得用牛士亦用羊豕故雜記云上大夫之虞也少牢卒哭成事祔皆大牢下大夫之虞也特牲卒哭成事祔皆少牢是也○索音色取也求也本音昔各切繩也荒也盡也與此不同俗混讀少去聲大牢之大音泰

支子不祭祭必告于宗子

疏曰支子庶子也祖禰廟在適子之家庶子賤不敢輒祭

若宗子有疾不堪當祭則庶子代攝可也猶必告于宗子然後祭○呂氏曰別子爲祖繼別爲宗百世不遷者

大宗也繼禰繼祖繼曾祖繼高祖五世則遠者小宗也宗子上繼祖禰族人兄弟皆宗之冠娶妻必告死必赴況於祭乎所宗乎宗子者皆支子也支子不敢祭也如諸侯不敢祖天子大夫不敢祖諸侯尊者之祭非卑者所敢尸也故宗子爲士庶子爲大夫以上牲祭於宗子之家祝曰孝子某爲介子某薦其常事則支子雖貴可以用其祿而不敢專其事也宗子去在他國則支子攝主以祭其禮有殺○別必列切冠爲介之爲殺並去聲

凡祭宗廟之禮牛曰一元大武

此以下凡二十一物元頭也武足迹也牛肥則

迹豕曰剛鬣

豕肥則鬣剛

豚曰腍肥

腍者充滿之貌○腍音突

羊曰柔毛

羊肥則毛細而柔弱

雞曰翰音

翰長也雞肥則鳴聲長

犬曰羹獻

犬肥則可爲羹以獻

凡羹肉皆謂之羹特牲禮云羹飪頴考叔曰未嘗君之羹是也

雉曰疏趾

雉肥則兩足開張故曰疏

趾○疏
音疎

兔曰明視

兔肥則目開而視明故曰明視

脯曰尹祭

尹正也脯欲剪割方

正○粵音敷鋪
爲花貌謂之粵

橐魚曰商祭

橐乾也商度也商度其燥濕之宜○橐音考乾音干

聲度入

鮮魚曰脰祭

脰直也魚之鮮者不餒敗則挺然而直○鮮平聲脰音挺

水曰清

滌

水玄酒也水可溉濯故曰清滌

酒曰清酌

古之酒醴皆有清有糟未

○沛音擠茵
沛醢酒也

黍曰薺合

黍熟則黏聚不散其氣又香故曰薺合○薺音香

梁曰

薺其

梁穀之強者其莖葉亦香故曰薺其○其音基

稷曰明粢

稷粟也明則足以交神祭祀之

飯謂之粢盛○
粢音咨盛平聲

稻曰嘉蔬

蔬與疏同立苗疏則茂盛嘉美也

韭曰豐本

其根本
豐盛也

鹽曰醢醢

醢醢鹽味之厚也○醢才何切

玉曰嘉玉

無瑕之幣

曰量幣

中廣狹長短之度也○疏曰此等諸號若一祭

舉其號故經備載

天子死曰崩諸侯曰薨大夫曰卒士

其名○中去聲

曰不祿庶人曰死在牀曰尸在棺曰柩羽鳥曰降四足

曰漬死寇曰兵

疏曰卒終竟也士祿以代耕不祿不終其祿也死者漸也消盡無餘之謂尸陳

也古人病困氣未絕之時下置在地氣絕之後更還牀上所以如此者凡人初生在地病將死故下復其初生冀得脫死重生也若其不生復反本牀既未殯斂陳列在牀故曰尸也○呂氏曰柩久也比化者無使土親膚故在棺欲其久也羽鳥飛翔之物降而下則死矣獸能動之物腐敗則死矣漬謂其體腐敗漸漬也兵者死於寇難之稱也

○漬音自

祭王父曰皇祖考王母曰皇祖妣父曰皇

考母曰皇妣夫曰皇辟

曰皇曰王皆以君之稱尊之也考成妣嬀辟法也妻所法式也

爲之宗廟以鬼享之不得不異其稱謂也○辟音璧

生曰父曰母曰妻死曰考曰

妣曰嬪壽考曰卒短折曰不祿

嬪者婦人之美稱嬪猶賓也夫所賓敬也短折

夭橫而死也此言卒與不祿與上文大夫士之稱同者彼以位之尊卑言此以數之脩短言也又按呂氏說死寇曰兵之下當以此二句承之蓋錯簡也○謝氏曰易曰有子考無咎又曰意承考也又書言事厥考厥長之類皆非死而後稱蓋古者通稱後世乃異之耳○折市設切橫去聲天子視不上於袷不

下於帶國君綏視大夫衡視士視五步

天子視謂視天子也袷朝服祭

服之曲領也綏頽下之貌視國君者目不得平看於面當視其面之下袷之上也衡平也大夫之臣視大夫平

看其面也士視五步者士之屬吏視士亦不得高面
下帶而得旁視左右五步之間也○○ 裕音劫綏音妥 凡

視上於面則教下於帶則憂傾則姦

呂氏曰上於面者其氣驕知其不能

以下人矣下於帶者其神專知其憂在乎心矣視流則
容側必有不正之心存乎胷中矣此君子之所以慎也

○教音微

君命大夫與士肆在官言官在府言府在庫言庫

在朝言朝

人君有命令則大夫士相與肆習之其事或在官或在府或在庫或在朝隨其所在而謀

議之官者職守司存之總名府庫者貨器藏貯之異號
朝則君臣會見之公庭也○肆音異朝音潮下並同

朝言不及犬馬

犬馬微賤不當言之於朝

輟朝而顧不有異事必有

異慮故輟朝而顧君子謂之固

朝儀當肅不宜爲左右之顧異猶他也敬心不

存則形諸外此所以知其有他事
他慮也固謂鄙野不達於禮也
在朝言禮問禮對以

禮

朝廷之上凡所當言者皆禮也一問一對必稽於禮
孔子在宗廟朝廷便便言唯謹爾盡此道也○便平

聲

大亨不問卜不饒富

呂氏曰冬至祀天夏至祭地日月素定故不問卜至敬不壇掃

地而祭牲用犢酌用陶匏席用藁秸視天下之物
無以稱其德以少為貴焉故不饒富○稱去聲

凡摯

天子曾諸侯圭卿羔大夫鴈士雉庶人之摯匹童子委

摯而退野外軍中無摯以纓拾矢可也

摯與贊同執物以為相見之禮

也鬯釀拒黍為酒曰拒鬯和以鬱金之草則曰鬱鬯不
以鬱和則直謂之鬯言其芬香條暢於上下也天子無
客禮而言摯者用以禮見於神而已圭命圭也公桓圭
侯信圭伯躬圭子穀璧男蒲璧此不言璧略也羔取其

羣而不失類且潔素也鴈取其知時且飛有行列也雉取其性之耿介且文飾也匹讀爲驚野鴨曰鳬家鴨曰驚不能飛騰如庶人之終守耕稼也童子不敢與成人爲禮或見師友而執贄則奠委于地而自退避之也纓馬之繁纓即馬鞅也拾射韝也矢箭也或野外或軍中隨所有用之也○匹音木和去聲見音現信音申行音杭繁音般婦人之摯棋榛脯脩棗栗棋形似珊瑚味甜美一音般即今之脯也脩用肉煨治加薑桂乾之脯形方正脩形稍長并棗栗六物婦初見舅姑以此爲摯也左傳女摯不過榛栗棗脩以告虔納女於天子曰備百姓於國君也○棋音矩乾音干

曰備酒漿於大夫曰備掃灑

呂氏曰不敢以伉儷自期願備妾媵之數而已皆自

卑之辭也○婦去聲灑所買切

禮記集說卷一

謹案第四頁前五行猩猩能言不離禽獸按猩猩
注疏作狴狴陸德明云狴又作狴禽獸盧本作
走獸

第十八頁後七行公庭禮會之時按禮字孔疏作
大

第二十五頁後五行古今之達刑也按呂大臨禮
記解達作通

第二十五頁後七行緩則不能執按呂大臨禮記

解執作及

第四十四頁前六行儼之以道也儼之以心也按
方慤禮記解義作為其道之倫而儼之也為其
心之倫而儼之也

藥錄會編

總校官庶吉士臣張能照

校對官檢討臣盧應

膳錄舉人臣韓騰

欽定四庫全書薈要

經部
禮記集說卷二

詳校官編修臣程嘉謨



欽定四庫全書薈要卷二千二百九十


經部

禮記集說卷二

元 陳澧 撰

檀弓上第三

劉氏曰檀弓篇首言子游及篇內多言之疑是其門人所記


仲子之喪檀弓免焉仲子舍其孫而立其子檀弓

曰何居我未之前聞也趨而就子服伯子於門右

公儀氏仲

子字魯之同姓也檀弓魯人之知禮者袒免本五世之服而朋友之死於他邦而無主者亦為之免其制以布廣一寸從項中而前交於額又卻向後而繞於髻也適子死立適孫為後禮也弓以仲子舍孫而立庶子故為

過禮之免以弔而譏之何居怪之之辭猶言何故也此時未小斂主人未居阼階下猶在西階下受其弔故弓弔畢而就子服伯子於門右而問之也○免音問居音姬亦為為去聲適音的舍上聲斂去聲曰仲子

舍其孫而立其子何也伯子曰仲子亦猶行古之道也

昔者文王舍伯邑考而立武王微子舍其孫腩而立衍

也夫仲子亦猶行古之道也子游問諸孔子孔子曰否

立孫

曰弓之問也猶尚也亦猶擬議未定之辭伯邑考文王長子微子舍孫立衍或是殷禮文王之立武

王先儒以為權或亦以為遵殷制皆未可知否則以德不以長亦如大王傳位季歷之意歟○應氏曰檀弓默而不復言子游疑而復求正非夫子明辨以示之孰知舍孫立子之為非乎○舍上聲腩徒本切長上聲大音

泰復扶
又切

事親有隱而無犯左右就養無方服勤至死致

喪三年事君有犯而無隱左右就養有方服勤至死方

喪三年事師無犯無隱左右就養無方服勤至死心喪

三年

饒氏曰左右音佐佑非也左右即是方養不止飲食之養言或左或右無一定之方子之於親不分

職守事事皆當理會無可推托事師如事父故皆無方有方言左不得越右右不得越左有一定之方臣之事君當各盡職守故曰有方○朱氏曰親者仁之所在故有隱而無犯君者義之所在故有犯而無隱師者道之所在故無犯無隱也○劉氏曰隱皆以諫言父子主恩犯則為責善而傷恩故幾諫而不可犯顏君臣主義隱則是畏威阿容而害義故匡救其惡勿欺也而犯之師生處恩義之間而師者道之所在諫必不見拒不必犯

也過則當疑問不必隱也隱非掩惡之謂若掩惡而不可揚於人則三者皆當然也惟秉史筆者不在此限就養近就而奉養之也致喪極其哀毀之節也方喪比方於親喪而以義並恩也心喪身無衰麻之服而心有哀戚之情所謂若季武子成寢杜氏之葬在西階之下請喪父而無服也

合葬焉許之入宮而不敢哭武子曰合葬非古也自周公以來未之有改也吾許其大而不許其細何居命之

哭

劉氏曰成寢而夷人之墓不仁也不改葬而又請合焉亦非孝也許其合而又命之哭焉矯偽以文過也

且寢者所以安其家乃處其家於人之冢上於汝安乎墓者所以安其先乃處其先於人之階下其能安乎皆不近人情非禮明矣子之上之母死而不喪門人問諸子○葬才浪切文去聲

思曰昔者子之先君子喪出母乎曰然子之不使白也
喪之何也子思曰昔者吾先君子無所失道道隆則從
而隆道污則從而污伋則安能為伋也妻者是為白也
母不為伋也妻者是不為白也母故孔氏之不喪出母

自子思始也

子上之母子思出妻也禮為出母齊衰杖
期而為父後者無服心喪而已伯魚子上

皆為父後禮當不服者而伯魚乃期而猶哭夫子聞之
曰甚而後除之此賢者過之之事也子思不使白喪出
母正欲用禮耳而門人以先君子之事為問則子思難
乎言伯魚之過禮也故以聖人無所失道為對謂聖人
之聽伯魚喪出母者以道揆禮而為之隆殺也惟聖人
能於道之所當加隆者則從而隆之於道之所當降殺

者則從而殺之污猶殺也是於先王之禮有所斟酌而隨時隆殺以從於中道也我則安能如是哉但為我妻則白當為母服今既不為我妻則白為父後而不當服矣子思是欲守常禮而不欲使如伯魚之加隆也○禮為去聲 孔子曰拜而后稽顙顙乎其順也稽顙而后殺去聲

拜頌乎其至也三年之喪吾從其至者

此言喪拜之次序也拜拜賓也

稽顙者以頭觸地哀痛之至也拜以禮賓稽顙以自致謂之順者以其先加敬於人而后盡哀於己為得其序也頌者惻隱之發也謂之至者以其哀常在於親而敬暫施於人為極自盡之道也夫子從其至者亦與其易也寧戚之意○朱子曰拜而后稽顙先以兩手伏地如常然後引首向前扣地也稽顙而后拜者開兩手而先以首扣地却交手如常孔子既得合葬於防曰吾聞之也○頌音懇易去聲

古也墓而不墳今丘也東西南北之人也不可以弗識

也於是封之崇四尺

孔子父墓在防故奉母喪以合葬墓塋域也封土為壟曰墳東西南

北之人言其宦遊無定居也識記也為壟所以為記識一則恐人不知而誤犯一則恐已或忘而難尋故封之

高四尺也

○識音志孔子先反門人後雨甚

句至句

孔子問焉曰

爾來何遲也曰防墓崩孔子不應三孔子泣然流涕曰

吾聞之古不脩墓

雨甚而墓崩門人脩築而後反孔子流涕者自傷其不能謹之於封築之

時以致崩圯且言古人所以不脩墓者敬謹之至無事於脩也○應三並去聲泣胡犬切

孔子哭子

路於中庭有人弔者而夫子拜之既哭進使者而問故

使者曰醢之矣遂命覆醢

子路死於孔悝之難遂為衛人所醢孔子哭之中庭師友

之禮也聞使者之言而覆棄家醢蓋痛子路之禍而不忍食其似也○朱子曰子路仕衛之失前輩論之多矣

然子路却是見不到非知其非義而苟為也○使去聲覆入聲難論並去聲

曾子曰朋友之

墓有宿草而不哭焉

草根陳宿是期年之外可無哭矣

子思曰喪三日

而殯凡附於身者必誠必信勿之有悔焉耳矣三月而

葬凡附於棺者必誠必信勿之有悔焉耳矣

附於身者襲斂衣衾

之具附於棺者明器用器之屬也○方氏曰必誠謂於死者無所欺必信謂於生者無所疑

喪三年

以為極

句亡則弗之忘矣故君子有終身之憂而無一

朝之患故忌日不樂

喪莫重於三年既葬曰亡中庸曰事亡如事存雖已葬而不忘其親

所以為終身之憂而忌日不樂也祭義曰君子有終身之喪忌日之謂也冢宅崩毀出於不意所謂一朝之患惟其必誠必信故無一朝之患也或曰殯葬皆一時事於此一時而不謹則有悔惟其誠信故無此一時不謹之患○孔子少孤不知其墓殯於五父之衢人之見之樂音洛

者皆以為葬也其慎也蓋殯也問於耶曼父之母然後

得合葬於防

不知其墓者不知父墓所在也殯於五父之衢者殯母喪也禮無殯於外者今乃在

衢先儒謂欲致人疑問或有知者告之也人見柩行於路皆以為葬然以引觀之殯引飾棺以輓葬引飾棺以柳翼此則殯引耳按家語孔子生三歲而叔梁紇死是少孤也然顏氏之死夫子成立久矣聖人人倫之至豈

有終母之世不尋求父葬之地至母殯而猶不知父墓
 乎且母死而殯於衢路必無室廬而死於道路者不得
 已之為耳聖人禮法之宗主而忍為之乎馬遷為野合
 之誣謂顏氏諱而不告鄭註因之以滋後世之惑且如
 堯舜瞽瞍之事世俗不勝異論非孟子辭而闢之後世
 謂何此經雜出諸子所記其間不可據以為實者多矣
 孟子曰主癰疽與侍人瘠環何以為孔子愚亦謂終身
 不知父墓何以為孔子乎其不然審矣此非細故不得
 不辨○少去聲父音甫慎

鄰有喪舂不相里有殯不巷

引去聲聊音鄒曼音萬

歌

說見曲禮○相去聲見

喪冠不綏

冠必有笄以貫之

下結之曰纓垂其餘於前者謂之纓喪冠

有虞氏瓦棺

不綏蓋去飾也○綏如追切與蕤音同

夏后氏塋周殷人棺槨周人牆置嬰

瓦棺始不衣薪也
 塋周或謂之土周

聖者火之餘燼蓋治土為甄而四周於棺之坎也殷世始為棺槨周人又為飾棺之具蓋彌文矣牆柳衣也柳者聚也諸飾之所聚也以此障柩猶垣牆之障家故謂之牆嬰如扇之狀有畫為黼者有畫為黻者有畫雲氣者多寡之數隨貴賤之等○凡夏后華夏肆夏之夏上聲唯春夏之夏如字聖音稷嬰音軟周人以

殷人之棺槨葬長殤以夏后氏之聖周葬中殤下殤以

有虞氏之瓦棺葬無服之殤

十六至十九為長殤十五至十八歲至十

一為下殤七歲以下為無服之殤生未三月不為殤○長上聲

夏后氏尚黑大事斂用

昏戎事乘驪牲用玄殷人尚白大事斂用日中戎事乘

翰牲用白周人尚赤大事斂用日出戎事乘駟牲用騂

禹以治水之功得天下故尚水之色湯以征伐得天下故尚金之色周之尚赤取火之勝金也大事喪事也驪黑色翰白色易曰白馬翰如驪○驪音元穆公之母卒使人問於赤馬而黑鬣尾也

曾子曰如之何對曰申也聞諸申之父曰哭泣之哀齊

斬之情饘粥之食自天子達布幕衛也繆幕魯也

穆公魯君

申參之子也厚曰饘稀曰粥幕所以覆於殯棺之上衛以布為幕諸侯之禮也魯以繆為幕蓋僭天子之禮矣

○齊音咨饘音旃繆音綃

晉獻公將殺其世子申生公子重耳謂之

曰子蓋言子之志於公乎世子曰不可君安驪姬是我

傷公之心也

此事詳見左傳重耳申生異母弟即文公也蓋何不也明其讒則姬必誅是使君失

所安而傷其心也○重平聲蓋音盍下節同傳去聲

曰然則蓋行乎世子曰不可

君謂我欲弑君也天下豈有無父之國哉吾何行如之

重耳又勸其奔他國而申生不使人辭於狐突曰申生從也何行如之言行將何往也

有罪不念伯氏之言也以至于死申生不敢愛其死雖

然吾君老矣子少國家多難伯氏不出而圖吾君伯氏

苟出而圖吾君申生受賜而死再拜稽首乃卒是以為

恭世子也

狐突申生之傳辭猶將去而告違蓋與之永訣也申生自經而死陷父於不義不得為孝

但得諡恭而已○疏曰註云伯氏狐突別氏者狐是總氏伯仲是兄弟之字字伯者謂之伯氏字仲者謂之仲

氏故傳云叔氏其忘諸乎又此文云叔氏專以禮許人是一人之身字則別為氏也○少難並去聲傳去聲

魯人有朝祥而莫歌者子路笑之夫子曰由爾責於人

終無已夫三年之喪亦已久矣夫子路出夫子曰又多

乎哉踰月則其善也

朝祥旦行祥祭之禮也朝祥莫歌固為非禮特以禮教衰廢之時而

此人獨能行三年之喪故夫子抑子路之笑然終非正禮恐學者致疑故俟子路出乃正言之其意若曰名為三年之喪實則二十五月今已至二十四月矣此去可歌之日人豈多有日月乎哉但更踰月而歌則為善矣蓋聖人於此雖不責之以備禮亦未嘗許之以變禮也○莫音暮

魯莊公及宋人戰于

乘丘縣責父御卜國為右馬驚敗績公隊佐車授綏公

曰末之卜也縣賁父曰他日不敗績而今敗績是無勇也遂死之圍人浴馬有流矢在白肉公曰非其罪也遂誅之士之有誅自此始也

乘丘魯地戰在莊公十年縣卜皆氏也凡車右以勇力者

為之大崩曰敗績公墮車而佐車授之綏以登是登佐車也佐車副車也綏挽以升車之索也末之卜者言卜國微末無勇也二人遂赴鬪而死圍人掌馬者及浴馬方見流矢中馬股閒之肉則知非二子之罪矣生無爵則死無諡殷大夫以上為爵士雖周爵卑不應諡莊公以義起遂誅其赴敵之功以為諡焉○方氏曰誅之為義達善之實而不欲飾者也諡則因誅之言而別之有誅則有諡矣○乘去聲縣音玄賁音奔父音甫隊音墜

中去聲別必列切

曾子寢疾病樂正子春坐於牀下曾元曾申

坐於足童子隅坐而執燭

病者疾之甚也子春曾子弟子元與申曾子子也

童

子曰華而晬大夫之簀與曾子春曰止曾子聞之瞿然曰

呼曰華而晬大夫之簀與曾子曰然斯季孫之賜也我

未之能易也元起易簀曾元曰夫子之病革矣不可以

變幸而至於旦請敬易之曾子曰爾之愛我也不如彼

君子之愛人也以德細人之愛人也以姑息吾何求哉

吾得正而斃焉斯已矣舉扶而易之反席未安而沒

華者

畫飾之美好晬者節目之平瑩簀簟也止使童子勿言也瞿然如有所驚也呼者嘆而噓氣之聲曰童子再言

也草急也變動也彼謂童子也童子知禮以為曾子未嘗為大夫豈可臥大夫之簀曾子識其意故然之且言此魯大夫季孫之賜耳於是必欲易之易之而沒可謂斃於正矣○朱子曰易簀結纓未湏論優劣但看古人謹於禮法不以死生之變易其所守如此便使人有行一不義殺一不辜而得天下不為之心此是緊要處又曰季孫之賜曾子之受皆為非禮或者因仍習俗嘗有是事而未能正耳但及其疾病不可以變之時一聞人言而必舉扶以易之則非大賢不能矣此事切要處正在此毫釐頃刻之間○睨呼板切簀音責瞿音屨呼音吁草音亟

始死充充如有窮既殯瞿瞿如有求而弗得

論去聲

既葬皇皇如有望而弗至練而慨然祥而廓然

疏曰事盡理屈

為窮親始死孝子匍匐而哭之心形充屈如急行道極無所復去窮急之容也瞿瞿眼目速瞻之貌如有所失

而求覓之不得然也皇皇猶栖栖也親歸草土孝子心
無所依託如有望彼來而彼不至也至小祥但慨歎日
月若馳之速也至大祥則情意寥廓不樂而已○方氏
曰下篇述顏丁之居喪則言皇皇於始死言慨焉於既
葬問喪則言皇皇於反哭所言不同者蓋君子有終身
之喪思親之心豈有隆殺哉先王制禮略為之節而已
故其所言不必同○瞿

邾婁復之以矢蓋自戰於升陘

音屨樂音洛殺去聲

始也

魯僖公二十一年與邾人戰于升陘魯地也邾師

雖勝而死傷者多軍中無衣復者用矢釋云邾人

呼邾聲曰婁故曰邾婁夫以盡愛之道禱祠之心孝子

不能自己冀其復生也疾而死行之可也兵刃之下肝

腦塗地豈有再生之理復之用魯婦人之髻而弔也自

矢不亦誣乎○婁音閭陘音形

敗於臺鮎始也

古時以纚韜髮凶則去纚而露其髻故謂之髻狐鮎之戰在魯襄公四年蓋為

邾人所敗也。髻不以弔時，家家有喪，故髻而相弔也。○方氏曰：矢所以施於射，非所以施於復髻，所以施於喪矣。○髻，莊華切。臺音孤，鮎音苔。非所以施於弔，因之而弗改，則非。

南宮縚之妻之姑之

喪，夫子誨之。髻曰：爾毋從從爾，爾毋扈扈爾。蓋榛以為

筭，長尺而總八寸。

縚，妻夫子兄女也。姑，死夫子教之為。髻從從，高也。扈，扈廣也。言爾髻不可

太高，不可太廣。又教以筭總之法，筭即簪也。吉筭，尺二寸。喪筭，一尺。斬衰之筭，用箭竹。竹之小者也。婦為舅姑皆齊衰，不杖，則當用榛木為筭也。束髮謂之總，以布為之。既束其本末而總之餘者，垂於髻後，其長八寸也。○

縚音叨，從音總。扈音戶。長音仗。婦為為去聲。

孟獻子禫縣而不樂，比御而不

入。夫子曰：獻子加於人一等矣。

孟獻子，魯大夫仲孫蔑也。禫，祭名。禫者，澹澹然。

平安之意大祥後閒一月而禫故云中月而禫或云祥月之中者非小記云中一以上而祔亦謂閒一世也禮大夫判縣縣而不樂者但縣之而不作也比御而不入者雖比次婦人之當御者而猶不復寢也一說比及也親喪外除故夫子美之○禫大孔子既祥五日彈琴而感切縣音玄比音界閒去聲

不成聲十日而成笙歌有子蓋既祥而絲屨組纓有子

弟子有若也禮既祥白屨無紃綳冠素紃組之文五采今方祥即以絲為屨之飾以組為冠之纓服之吉者也此二者皆譏其變吉之速然蓋者疑辭恐記者亦是得於傳聞故疑其辭也引孔子之事者以見餘哀未忘也○紃音拘死而不弔者三畏厭溺方氏曰戰陳無勇非又音拘死而不弔者三畏厭溺孝也其有畏而死者乎君子不立巖墻之下其有厭而死者乎孝子舟而不游其有溺而死者乎三者皆非正命故先王制禮在所

不弔○應氏曰情之厚者豈容不弔但其辭未易致耳
若為國而死於兵亦無不弔之理若齊莊公於杞梁之
妻未嘗不弔也○愚聞先儒言明理可以治懼見理不
明者畏懼而不知所出多自經於溝瀆此真為死於畏
矣似難專指戰陳無勇也或謂鬪
很亡命曰畏○厭音壓陳音陣
子路有姊之喪可以

除之矣而弗除也孔子曰何弗除也子路曰吾寡兄弟

而弗忍也孔子曰先王制禮行道之人皆弗忍也子路

聞之遂除之

行道之人皆有不忍於親之心然而太公遂除之者以先王之制不敢違也

太公

封於營丘比及五世皆反葬於周君子曰樂樂其所自

生禮不忘其本古之人有言曰狐死正丘首仁也

太公雖封

於齊而雷周為太師故死而遂葬於周子孫不敢忘其
本故亦自齊而反葬於周以從先人之兆五世親盡而
後止也樂生而敦本禮樂之道也生而樂於此豈可死
而倍於此哉狐雖微獸丘其所窟藏之地是亦生而樂
於此矣故及死而猶正其首以向丘不忘其本也倍本
忘初非仁者之用心故以仁目之○疏曰周公封魯其
子孫不反葬於周者以有次子在周世守其采伯魚之
地春秋周公是也○比音界下樂音洛首去聲伯魚之

母死期而猶哭夫子聞之曰誰與哭者門人曰鯉也夫

子曰嘻其甚也伯魚聞之遂除之

伯魚之母出而死父在為母期而有禫出

母則無禫伯魚乃夫子為後之子則於禮無服期可無
哭矣猶哭夫子所以歎其甚○期音基與平聲嘻音希
為母為舜葬於蒼梧之野蓋三妃未之從也季武子曰
去聲

周公蓋祔

天子以四海為家南巡而崩故遂葬蒼梧之野疏云舜長妃娥皇無子次妃女英生商均

次妃癸比生二女霄明燭光三妃後皆不從舜之葬此記者言合葬之事古人未有因引季武子之言謂自周

公以來始祔葬也書陟方乃死蔡氏曰史記舜崩於蒼梧之野孟子言卒於鳴條未知孰是今零陵九嶷有舜

冢曾子之喪浴於爨室士喪禮浴於適室無浴爨室之文舊說曾子以曾元辭易簣矯

之以謙儉然反席未安而沒未必有言及此使果曾子之命為人子者亦豈忍從非禮而賤其親乎此難以臆

說斷之當闕之以俟知大功廢業或曰大功誦可也者業

者○適音的斷丁玩切身所習如學舞學射學琴瑟之類廢之者恐其忘哀也誦者口所習稍暫為之亦可然稱或曰亦未定之辭也

子張病召申祥而語之曰君子曰終小人曰死吾今日

其庶幾乎

申祥子張子也終者對始而言死則漸盡無餘之謂也君子行成德立有始有卒故曰終

小人與羣物同朽腐故曰死疾沒世而名不稱為是也子張至此亦自信其近於君子也○語去聲幾乎聲行

為並曾子曰始死之奠其餘閣也與

始死以脯醢醴酒就尸牀而奠于尸

東當死者之肩使神有所依也閣所以度置飲食蓋以生時度閣上所餘脯醢為奠也○度音已又音詭曾

子曰小功不為位也者是委巷之禮也子思之哭嫂也

為位婦人倡踊申祥之哭言思也亦然

委曲也曲巷猶言陋巷細民居

於陋巷不見禮儀而鄙朴無節文故譏小功不為位是曲巷中之禮也言思子游之子申祥妻之昆弟也○馬氏曰凡哭必為位者所以敘親疎恩紀之差嫂叔疑於無服而不為位故曰無服而為位者惟嫂叔蓋無服者

所以遠男女近似之嫌而為位者所以篤兄弟內喪之
親子思哭嫂為位婦人倡踊以婦人有相為娣姒之義
而不敢以已之無服先之也至於申祥之哭言思亦如
子思蓋非禮矣妻之昆弟外喪也而既無服則不得為
哭位之主矣記曰妻之昆弟為父後者死哭之適室子
為主袒免哭踊夫入門右由是言之哭妻之昆弟以子
為主異於嫂叔之喪也以子為主則婦人不當倡
踊矣○差楚宜切遠去聲為娣為去聲先去聲古者

冠縮縫今也衡縫故喪冠之反吉非古也

疏曰縮直也
殷尚質吉凶

冠皆直縫直縫者辟積攝少故一一前後直縫之衡橫
也周尚文冠多辟積不一一直縫但多作攝而并橫縫
之若喪冠質猶疎辟而直縫是與吉冠相反時人因言
古喪冠與吉冠反故記者釋之云非古也止是周世如
此耳古則吉凶冠同直縫也○衡
音橫辟裝也音璧攝音輒并去聲
曾子謂子思曰伋吾

執親之喪也水漿不入於口者七日子思曰先王之制

禮也過之者俯而就之不至焉者跂而及之故君子之

執親之喪也水漿不入於口者三日杖而后能起

三日中制

也七日則幾於滅性矣有扶而起者有杖而起者有面垢而已者○跂音弃幾平聲

曾子曰小功

不稅則是遠兄弟終無服也而可乎

稅者日月已過始聞其死追而為之

服也大功以上則然小功輕故不稅曾子據禮而言謂若是小功之服不稅則再從兄弟之死在遠地者聞之

恒後時則終無服矣其可乎○疏曰此據正服小功也小記曰降而在總小功者則稅之其餘則否○稅他外

切

伯高之喪孔氏之使者未至冉子攝束帛乘馬而將

之孔子曰異哉徒使我不誠於伯高

攝貸也十箇為束每束五兩蓋以四

十尺帛從兩頭各卷至中則每卷二丈為一箇束帛是十箇二丈今之五匹也乘馬四馬也徒空也伯高不知何人意必與孔子厚者冉子知以財而行禮不知聖人之心則于其誠不于其物也雖若自責之言而實則深責冉子矣○使乘伯高死於衛赴於孔子孔子曰吾惡並去聲卷音捲

乎哭諸兄弟吾哭諸廟父之友吾哭諸廟門之外師吾哭諸寢朋友吾哭諸寢門之外所知吾哭諸野於野則已疏於寢則已重夫由賜也見我吾哭諸賜氏遂命子貢為之主曰為爾哭也來者句拜之知伯高而來者勿

拜也

告死曰赴與訃同已太也○馬氏曰兄弟出於祖而內所親者故哭之廟父友聯於父而外所親者

故哭之廟門外師以成己之德而其親視父故哭諸寢友以輔己之仁而其親視兄弟故哭諸寢門之外至於

所知又非朋友之比有相趨者有相揖者有相問者有相見者皆泛交之者也孔子哭伯高以野為太疏而以

子貢為主君子行禮其審詳於哭泣之位如此者是其所以表微者歟○方氏曰伯高之於孔子非特所知而

已由子貢而見故哭於子貢之家且使之為主以明思之有所由也為子貢而來則弔生之禮在子貢知伯高

而來則傷死之禮在伯高或拜或不拜凡以稱其情耳故夫子誨之如此○石梁王氏曰為爾哭也來者一句

○惡音烏為爾為去聲稱去聲曾子曰喪有疾食肉飲酒必有草木之

滋焉以為薑桂之謂也

喪有疾居喪而遇疾也以其不嗜故加草木之味以為薑桂之

謂一句乃記者釋草木之滋亦或
曾子稱禮書之言而自釋之歟子夏喪其子而喪其

明曾子弔之曰吾聞之也朋友喪明則哭之曾子哭子

夏亦哭曰天乎予之無罪也曾子怒曰商女何無罪也

吾與女事夫子於洙泗之間退而老於西河之上使西

河之民疑女於夫子爾罪一也喪爾親使民未有聞焉

爾罪二也喪爾子喪爾明爾罪三也而曰爾何無罪與

子夏投其杖而拜曰吾過矣吾過矣吾離羣而索居亦

已久矣以哭甚故喪明也洙泗魯二水名西河子夏所居索散也久不親友故有罪而不自知○張子

曰子夏喪明必是親喪之時尚強壯其子之喪氣漸衰故喪明然而曾子之責安得辭也疑女於夫子者子夏不推尊夫子使人疑夫子無以異於子夏非如曾子推尊夫子使人知尊聖人也○方氏曰子夏不尊於師而尊於己不隆於親而隆於子猶以為無罪此曾子所以怒之也然君子以友輔仁子夏之至於三罪者亦由離朋友之羣而散居之久耳以離羣故散居也○而夫畫喪喪明喪爾之喪去聲餘如字女音汝離去聲

居於內問其疾可也夜居於外弔之可也是故君子非

有大故不宿於外非致齋也非疾也不晝夜居於內者

正寢之中外謂中門外也晝而居內似有疾夜而居外似有喪○應氏曰致齋居內非在房闥之中蓋亦端居

深處於突與之內耳高子臯之執親之喪也泣血三年○齊音齋突音窳

未嘗見齒君子以為難

子臯名柴孔子弟子○疏曰人涕淚必因悲聲而出血出則不

由聲也子臯悲無聲其涕亦出如血之出故云泣血人大笑則露齒本中笑則露齒微笑則不見齒○見音現

衰與其不當物也寧無衰齊衰不以邊坐大功不以服

勤疏曰物謂升縷及法制長短幅數也邊坐偏倚也喪服宜敬坐起必正不可著衰而偏倚也齊衰輕既不

倚斬重不言可知大功雖輕亦不可著衰服而為勤勞之事也○馬氏曰衰不當物則亂先王之制而後世疑

其傳無衰則禮雖不行而其制度定于一猶可以識之故曰與其不當物也寧無衰○衰音催當去聲齊音咨

著音孔子之衛遇舊館人之喪入而哭之哀出使子貢

說驂而賻之子貢曰於門人之喪未有所說驂說驂於

舊館無乃已重乎夫子曰子鄉者入而哭之遇於一哀

而出涕予惡夫涕之無從也小子行之

舊館人舊時舍館之主人也駕

車者中兩馬為服馬兩旁各一馬為駟馬遇一哀而出涕情亦厚矣情厚者禮不可薄故解脫駟馬以為之賻凡以稱情而已客行無他財貨故也惡夫涕之無從者從自也今若不賻則是於死者無故舊之情而此涕為無自而出矣惡其如此所以必當行賻禮也舊說孔子遇主人一哀而出涕謂主人見孔子來而哀甚是以厚恩待孔子故孔子為之賻然上文既曰入而哭之哀則又何必迂其說而以為遇主人之哀乎○說音脫鄉去聲惡去聲稱去聲孔子在衛有送葬者而夫子觀之曰善聲為之為去聲

哉為喪乎足以為法矣小子識之子貢曰夫子何善爾

也曰其往也如慕其反也如疑子貢曰豈若速反而虞

乎子曰小子識之我未之能行也

往如慕反如疑此孝子不死其親之至情

也子貢以為如疑則反遲不若速反而行虞祭之禮是知其禮之常而不察其情之至矣夫子申言小子識之且曰我未之能行則此豈易言哉○識音志易去聲顏淵之喪饋祥肉孔子出受

之入彈琴而后食之

彈琴而後食者蓋以和平之聲散感傷之情也

孔子與門

人立拱而尚右二三子亦皆尚右孔子曰二三子之嗜

學也我則有姊之喪故也二三子皆尚左

吉事尚左陽也凶事尚右

陰也此蓋拱立而右手在上也

孔子蚤作負手曳杖消搖於門歌曰泰

山其頽乎梁木其壞乎哲人其萎乎既歌而入當戶而

坐子貢聞之曰泰山其頽則吾將安仰梁木其壞哲人

其萎則吾將安放夫子殆將病也遂趨而入

作起也負手曳杖反

手卻後以曳其杖也消搖寬縱自適之貌泰山為衆山所仰梁木亦衆木所仰而放者猶哲人為衆人所仰望而放效也

○放上聲

夫子曰賜爾來何遲也夏后氏殯於東階之

上則猶在阼也殷人殯於兩楹之間則與賓主夾之也

周人殯於西階之上則猶賓之也而丘也殷人也予疇

昔之夜夢坐奠於兩楹之間夫明王不興而天下其孰

能宗子子殆將死也蓋寢疾七日而沒

猶在阼猶賓之者孝子不忍死

其親殯之於此示猶在阼階以為主猶在西階以為賓客也在兩楹間則是主與賓夾之故言與而不言猶也孔子其先宋人成湯之後故自謂殷人疇發語之辭昔之夜猶言昨夜也夢坐於兩楹之間而見饋奠之事知是凶徵者以殷禮殯在兩楹間孔子以殷人而享殷禮故知將死也又自解夢奠之占云今日明王不作天下誰能尊已而使南面坐于尊位乎此必殯之兆也自今觀之萬世王祀亦其應矣

孔子之喪門

人疑所服子貢曰昔者夫子之喪顏淵若喪子而無服

喪子路亦然請喪夫子若喪父而無服

以後章二三子經而出言之此

所謂無服蓋謂弔服加麻也疏云士弔服疑衰麻謂環經也五服經皆兩股惟環經一股後章從母之夫疏云

凡弔服不得稱服○方氏曰若喪父而無服所謂心喪也○從去聲 孔子之喪公西赤為

志焉飾棺牆置翬設披周也設崇殷也綢練設旒夏也

公西氏赤名字子華孔子弟子也○疏曰孔子之喪公

西赤以飾棺縗夫子故為盛禮備三王之制以章明志

識焉於是素為褚褚外加牆車邊置翬恐柩車傾虧

而以繩左右維持之此皆周之制也其送葬乘車所建

旌旗刻繒為崇牙之飾此則殷制又綢盛旌旗之竿以

素錦於杠首設長尋之旒此則夏禮也○詩虞業維樅

疏云懸鐘磬之處以采色為大牙其狀隆然謂之崇牙

練素錦也縗布廣終幅長八尺旒之制也○披彼義切

綢音叨旒直小切識 子張之喪公明儀為志焉褚幕丹

音志虞音巨樞音蹤 子張之喪公明儀為志焉褚幕丹

質蟻結于四隅殷士也

疏曰褚者覆棺之物若大夫以上其形似幄士則無褚公明儀

尊其師故特為褚不得為幄但似幕形故云褚幕以丹質之布而為之也又於褚之四角畫蚺蜺之形交結往來故云蟻結于四隅此殷禮士葬飾也○覆去聲

子夏問於孔子曰居父母之

仇如之何夫子曰寢苦枕干不仕弗與共天下也遇諸

市朝不反兵而鬪

不反兵者不反而求兵言恒以兵器自隨○苦詩占切枕去聲朝音潮

曰請問居昆弟之仇如之何曰仕弗與共國銜君命而使雖遇之不鬪曰請問居從父昆弟之仇如之何曰不

為魁主人能則執兵而陪其後

疏曰朝在公門之內闔人掌中門之禁兵器但

不得入中門耳其大詢衆庶在臯門之內則得入也設朝或在野外或在縣鄙鄉遂但有公事之處皆謂之朝

兵者亦謂佩刀以上不必要是矛戟也○方氏曰市朝猶不反兵則無所往而不執兵矣曲禮云兄弟之讎不反兵此言遇之不鬪者彼據不仕者言之耳○使從並去聲 孔子之喪二三子皆經

而出羣居則經出則否

弔服加麻者出則變之今出外而不免經所以隆師也羣者諸

弟子相為朋友之服也儀禮註云朋友雖無親有同道之恩相為服總之經帶亦弔服也故出則免之

易

墓非古也

疏曰易謂芟治草木不使荒穢古者殷以前墓而不墳不易治也○易音異

子路

曰吾聞諸夫子喪禮與其哀不足而禮有餘也不若禮

不足而哀有餘也祭禮與其敬不足而禮有餘也不若

禮不足而敬有餘也

有其禮而無其財則禮或有所不足哀敬則可自盡也此夫子反本

之論亦寧儉
寧戚之意

曾子弔於負夏主人既祖塤池推柩而反

之降婦人而后行禮從者曰禮與曾子曰夫祖者且也

且胡為其不可以反宿也

劉氏曰負夏衛地也葬之前一日曾子往弔時主人已祖

奠而婦人降在兩階之間矣曾子至主人榮之遂徹奠推柩而反向內以受弔示死者將出行遇賓至而為之暫反也亦事死如事生之意然非禮矣柩既反則婦人復升堂以避柩至明日乃復還柩向外降婦人於階間而後行遣奠之禮故從者見柩初已遷而復推反之婦人已降而又升堂皆非禮故問之而曾子答之云祖者且也是且遷柩為將行之始未是實行又何為不可復反越宿至明日乃還柩遣奠而遂行乎疏謂其見主人榮己不欲指其錯失而給說答從者此以衆人之心窺大賢也事之有無不可知其義亦難強解或記者有遺

誤也所以徹奠者奠在柩西欲推柩反之故必先徹而後可旋轉也婦人降階間亦以奠在車西故立車後今柩反故亦升避也○填音奠池音徹推他回切從去聲與平聲復遣並去聲從者又問諸子

游曰禮與子游曰飯於牖下小斂於戶內大斂於阼殯

於客位祖於庭葬於墓所以卽遠也故喪事有進而無

退曾子聞之曰多矣乎子出祖者

從者疑曾子之言故又請問於子游也飯

於牖下者尸沐浴之後以米及貝實尸之口中也時尸在西室牖下南首也士喪禮小斂衣十九稱大斂三十稱斂者包裹斂藏之也小斂在戶之內大斂出在東階未忍離其為主之位也主人奉尸斂于棺則在西階矣掘埽於西階之上埽陳也謂陳尸於坎也置棺于埽中而塗之謂之殯及啓而將葬則設祖奠於祖廟之中庭

而後行自牖下而戶內而阼而客位而庭而墓皆一節
遠於一節此謂有進而往無退而還也豈可推樞而反
之乎多矣乎子出祖者多猶勝也曾子聞之方悟已說
之非乃言子游所說出祖之事勝於我之所說出祖也
○飯上聲首
稱離並去聲
曾子襲裘而弔子游裼裘而弔曾子指子

游而示人曰夫夫也為習於禮者如之何其裼裘而弔
也主人既小斂袒括髮子游趨而出襲裘帶經而入會

子曰我過矣我過矣夫夫是也

疏曰凡弔喪之禮主人未變服之前弔者吉服

吉服者羔裘玄冠緇衣素裳又袒去上服以露裼衣此裼裘而弔是也主人既變服之後弔者雖著朝服而加武以經武吉冠之卷也又掩其上服若是朋友又加帶此襲裘帶經而入是也○方氏曰曾子徒知喪事為凶

而不知始死之時尚從吉此所以始非
子游而終善之也○下夫如字下同

子夏既除喪而

見子之琴和之而不和彈之而不成聲作而曰哀未忘

也先王制禮而弗敢過也子張既除喪而見子之琴和

之而和彈之而成聲作而曰先王制禮不敢不至焉均為

除喪而琴有和不和之異者蓋子夏是過之者俯而就
之出於勉強故餘哀未忘而不能成聲子張是不至者
跂而及之故哀已盡而能成聲也○見音現
予上聲上和去聲下和如字下同强上聲

司寇惠子

之喪子游為之麻衰牡麻經文子辭曰子辱與彌牟之

弟游又辱為之服敢辭子游曰禮也

惠子衛將軍文子
彌牟之弟惠子廢

適子虎而立庶子故子游特為非禮之服以譏之亦檀弓免公儀仲子之意也麻衰以吉服之布為衰也牡麻經以雄麻為經也麻衰乃吉服十五升之布輕於弔服弔服之經一股而環之今用牡麻絞經與齊衰經同矣鄭註云重服指經而言也文子初言辱為文子退反哭之服敢辭者辭其服也○為去聲適嫡同

子游趨而就諸臣之位文子又辭曰子辱與彌牟之弟

游又辱為之服又辱臨其喪敢辭子游曰固以請文子

退扶適子南面而立曰子辱與彌牟之弟游又辱為之

服又辱臨其喪虎也敢不復位子游趨而就客位

次言敢辭

者辭其立於臣位也此時尚未喻子游之意及子游言固以請則文子覺其譏矣於是扶適子正喪主之位焉

而子游之志達矣趨就客位禮之正也○疏曰大夫之賓位在門東近北家臣位亦在門東而南近門並皆北向○適將軍文子之喪既除喪而后越人來弔主人深嫡同

衣練冠待于廟垂涕洟子游觀之曰將軍文氏之子其

庶幾乎亡於禮者之禮也其動也中

將軍文子即彌牟也主人文子之子

也禮無弔人於除喪之後者亦無除喪後受人之弔者深衣吉凶可以通用小祥練服之冠不純吉亦不純凶廟者神主之所在待而不迎受弔之禮也不哭而垂涕哭之時已過而哀之情未忘也庶幾近也子游善其處禮之變故曰文氏之子其近於禮乎雖無此禮而為之禮其舉動皆中節矣○疏曰深衣即閒傳所言麻衣也制如深衣緣之以布曰麻衣緣之以素曰長衣緣之以采曰深衣練冠者祭前之冠若祥祭則縞冠也始死至

練祥來弔是有文之禮祥後來弔是無文之禮言文氏
之子庶幾堪行乎無於禮文之禮也動舉也中當於禮
之變節也○亡
幼名冠字五十以伯仲死諡周道也

疏曰

無通中去聲
凡此之事皆周道也又殷以上有生號仍為死後之稱
更無別諡堯舜禹湯之例是也周則死後別立諡○朱
子曰儀禮賈公彥疏云少時便稱伯某甫至五十乃去
某甫而專稱伯仲此說為是如今人於尊者不敢字之
而曰幾丈之類○冠去聲
經也者實也

麻在首在要皆曰經分言之則首曰經要曰帶經之言實

明孝子有忠實之心也首經象緇布冠之缺項要經象
大帶又有絞帶象革帶齊衰以下用布○朱子曰首經
大一搯是拇指與第二指一圍要經較小絞帶又小於
要經要經象大帶兩頭長垂下絞帶象革帶一頭有軀
子以一頭串於中而束
掘中雷而浴毀竈以綴足

疏曰中雷

室中也死而掘室中之地作坎以牀架坎上尸於牀上浴令浴汁入坎也死人冷強足辟戾不可著屨故用毀竈之甕連綴死人足令直可著屨也○綴音拙及葬毀宗躐行出于大門殷道

也學者行之

疏曰毀宗毀廟也殷人殯於廟至葬柩出毀廟門西邊牆而出于大門行神之位

廟門西邊當所毀宗之外生時出行則為壇幣告行神告竟車躐行壇上而出使道中安穩如在壇今向毀宗處出仍得躐行此壇如生時之出也學於孔子者行之效殷禮也子柳之母死子碩請

具子柳曰何以哉子碩曰請粥庶弟之母子柳曰如之何其粥人之母以葬其母也不可既葬子碩欲以賻布之餘具祭器子柳曰不可吾聞之也君子不家於喪請

班諸兄弟之貧者

子柳魯叔仲皮之子子碩之兄也具謂喪事合用之器物也何以哉言何

以為用乎謂無其財也鄭云粥謂嫁之也妾賤取之曰買布錢也不家於喪惡因死者而為利也班猶分也不粥庶弟之母者義也班兄弟之貧者仁也夫欲粥庶母以治葬則乏於財可知矣而不家於喪之言確然不易此○粥音育惡去聲

君子曰謀人之軍師敗則死之

謀人之邦邑危則亡之

應氏曰衆死而義不忍獨生焉得而不死國危而身不可獨存

焉得而不亡

公叔文子升於瑕丘蘧伯玉從文子曰樂哉斯

丘也死則我欲葬焉蘧伯玉曰吾子樂之則瑗請前子二

皆衛大夫文子名拔伯玉名瑗○劉氏曰伯玉之請前蓋始從行於文子之後及聞文子之言而惡其將欲奪

人之地自為身後計遂譏之曰吾子樂此則我請前行
以去子矣示不欲與聞其事也可謂長於風喻者矣○
從去聲樂音切
弁人有其母死而孺子泣者孔子曰哀則
洛瑗于願切

哀矣而難為繼也夫禮為可傳也為可繼也故哭踊有

節弁地名孺子泣者其聲若孺子無長短高下之節也
聖人制禮期於使人可傳可繼故哭踊皆有其節若

無節則不可傳而繼矣叔孫武叔之母死既小斂舉者出句尸出

戶句袒句且投其冠括髮子游曰知禮禮始死將斬衰
者弁纁將齊衰

者素冠小斂畢而徹帷主人括髮袒于房婦人髻于室
舉者出舉尸以出也括髮當在小斂之後尸出堂之前
主人為將奉尸故袒而括髮耳今武叔待尸出戶然後
袒而去冠括髮失禮節矣故註以子游知禮之言為咍

之也○馮氏曰經文作戶出戶上戶字乃尸字之訛也
鄭註云尸出戶乃變服義甚明然註文尸亦訛為戶遂

解不通○為將為扶君卜人師扶右射人師扶左君薨
去聲奉去並上聲

以是舉

君疾時僕人之長扶其右體射人之長扶其左
體此二人皆平日贊正服位之人故君既薨遇

遷尸則仍用此人也方氏釋師為衆應
氏以卜人為卜筮之人○卜讀為僕

從母之夫舅之

妻二夫人相為服君子未之言也或曰同爨總

從母母之姊妹

舅母之兄弟從母夫於舅妻無服所以禮經不載故曰
君子未之言時偶有甥至外家見此二人相依同居者
有喪而無文可據於是或人為同爨總之說以處之此
亦原其情之不可已而極禮之變焉耳○或問從母之
夫舅之妻皆無服何也朱子曰先王制禮父族四故由
父而上為族曾祖父總麻姑之子姊妹之子女子子之

子皆由父而推之也。母族三母之父母之母母之兄弟
 恩止於舅故從母之夫舅之妻皆不為服推不去故也。
 妻族二妻之父妻之母乍看似乎雜亂無紀子細看則
 皆有義存焉。○從去聲上。夫如字下。夫音扶。為去聲。處
 上聲為服。喪事欲其縱縱爾。吉事欲其折折爾。故喪事

為去聲。雖遽不陵節。吉事雖止不怠。故騷騷爾。則野鼎鼎爾。則

小人君子蓋猶猶爾。

縱縱給於趨事之貌。折折從容中禮之貌。喪事雖急遽而不可陵躡。

其節次吉事雖有立而待事之時而不可失於怠惰。若
 騷騷而太疾則鄙野矣。鼎鼎而太舒則小人之為矣。猶
 猶而得緩急之中。君子行禮之道也。○縱音總。折音提。遽其據切。從平聲。中去聲。喪具君子恥

具一日二日而可為也者。君子弗為也。

喪具棺衣之屬。君子恥於早為。

之而畢具者嫌不以久生期其親也然六十歲制七十時制八十月制九十日脩蓋慮夫倉卒之變也一日二日可辦之物則君子不豫為之所謂絞綌衾冒死而后制者也○卒音猝絞音交綌音琴喪服兄弟

之子猶子也蓋引而進之也嫂叔之無服也蓋推而遠

之也姑姊妹之薄也蓋有受我而厚之者也

方氏曰兄弟之子雖

異出也然在恩為可親故引而進之與子同服嫂叔之分雖同居也然在義為可嫌故推而遠之不相為服姑姊妹在室與兄弟姪皆不杖期出適則皆降服大功而從輕者蓋有受我者服為之重故也言其夫受之而服為之杖期以厚之故於本宗相為皆降一等也○食於推他回切遠去聲分音問相為服為為並去聲

有喪者之側未嘗飽也

應氏曰食字上疑脫孔子字

曾子與客立於

門側其徒趨而出曾子曰爾將何之曰吾父死將出哭

於巷曰反哭於爾次曾子北面而弔焉

其徒門弟子也次其所寓之

館舍也士喪禮主人西面賓在門東北面此曾子所以北面而弔之也

孔子曰之死而致

死之不仁而不可為也之死而致生之不知而不可為

也是故竹不成用瓦不成味木不成斲琴瑟張而不平

筭笙備而不和有鐘磬而無篳篥其曰明器神明之也

劉氏曰之往也之死謂以禮往送於死者也往於死者而極以死者之禮待之是無愛親之心為不仁故不可行也往於死者而極以生者之禮待之是無燭理之明為不知故亦不可行也此所以先王為明器以送死者

竹器則無滕緣而不成其用瓦器則麤質而不成其黑
光之沫木器則樸而不成其雕斲之文琴瑟則雖張絃
而不平不可彈也竽笙雖備具而不和不可吹也雖有
鐘磬而無懸挂之奠虞不可擊也凡此皆不致死亦不
致生而以有知無知之閒待死者故備物而不可用也
備物則不致死不可用則亦不致生其謂之明器者蓋
以神明之道待之也○知去聲

味音沫奠音筍虞音巨緣去聲

有子問於曾子曰問喪

於夫子乎曰聞之矣喪欲速貧死欲速朽有子曰是非
君子之言也曾子曰參也聞諸夫子也有子又曰是非
君子之言也曾子曰參也與子游聞之有子曰然然則
夫子有為言之也曾子以斯言告於子游子游曰甚哉

有子之言似夫子也昔者夫子居於宋見桓司馬自為石椁三年而不成夫子曰若是其靡也死不如速朽之愈也死之欲速朽為桓司馬言之也

仕而失位曰喪桓司馬即桓魋靡侈

也○問音聞喪為並去聲

南宮敬叔反必載寶而朝夫子曰若是其

貨也喪不如速貧之愈也喪之欲速貧為敬叔言之也

敬叔魯大夫孟僖子之子仲孫閱也嘗失位去魯後得反載寶而朝欲行賂以求復位也

曾子以子

游之言告於有子有子曰然吾固曰非夫子之言也會子曰子何以知之有子曰夫子制於中都四寸之棺五

寸之槨以斯知不欲速朽也昔者夫子失魯司寇將之
荆蓋先之以子夏又申之以冉有以斯知不欲速貧也
定公九年孔子為中都宰制棺槨之法制也四寸五寸
厚薄之度將適楚而先使二子繼往者蓋欲觀楚之可
仕與否而謀其可處之位歟

陳莊子死赴於魯魯人欲勿哭繆公召

縣子而問焉縣子曰古之大夫束脩之問不出竟雖欲

哭之安得而哭之

大夫計於他國之君曰君之外臣寡大夫某死莊子齊大夫名伯齊強魯

弱不容略其赴縣子名知禮故召問之脩脯也十脔為
束問遺也為人臣者無外交不敢貳君也故雖束脩微
禮亦不以出竟○縣音玄竟音境遺去聲今之大夫交政於中國雖欲勿哭

焉得而弗哭且臣聞之哭有二道有愛而哭之有畏而哭之公曰然然則如之何而可縣子曰請哭諸異姓之

廟於是與哭諸縣氏

交政於中國言當時君弱臣強大夫專盟會之事以與國君相交

也此變禮之由也愛之哭出於不能已畏之哭出於不得已哭伯高於賜氏義之所在也哭莊子於縣氏勢之所迫仲憲言於曾子曰夏后氏用明器示民無知也殷

人用祭器示民有知也周人兼用之示民疑也曾子曰

其不然乎其不然乎夫明器鬼器也祭器人器也夫古

之人胡為而死其親乎

仲憲孔子弟子原憲也示民無知者使民知死者之無知也為

其無知故以不堪用之器送之為其有知故以祭器之
可用者送之疑者不以為有知亦不以為無知也然周
禮惟大夫以上得兼用二器士惟用鬼器也會子以其
言非乃曰其不然乎再言之者甚不然之也蓋明器祭
器固是人鬼之不同夏殷所用不同者各是時王之制
文質之變耳非謂有知無知也若如憲言則夏后氏何
為而忍以無知待其親乎○石梁王氏曰三代送葬之
具質文相異故所用不同其意不在於無知有知及示
民疑也仲憲之言皆非曾子非之末獨譏其說
夏后明器蓋舉其失之甚者也○為其為去聲

公叔木

有同母異父之昆弟死問於子游子游曰其大功乎狄
儀有同母異父之昆弟死問於子夏子夏曰我未之前
聞也魯人則為之齊衰狄儀行齊衰今之齊衰狄儀之

問也

公叔木衛公叔文子之子同父母之兄弟期則此同母而異父者當降而為大功也禮經無文故子

游以疑辭答之魯人齊衰三月之服行之久矣故子夏舉以答狄儀而記者云因狄儀此問而今皆行之也此

記二子言禮之不同○鄭氏曰大功是○木式樹切

子思之母死於衛柳若謂子

思曰子聖人之後也四方於子乎觀禮子蓋慎諸子思

曰吾何慎哉吾聞之有其禮無其財君子弗行也有其

禮有其財無其時君子弗行也吾何慎哉

柳若衛人伯魚卒其妻嫁

於衛有其禮謂禮所得為者然無財則不可為禮時為大有禮有財而時不可為則亦不得為之也○蓋音盍

縣子瑣曰吾聞之古者不降上下各以其親滕伯文為

孟虎齊衰其叔父也為孟皮齊衰其叔父也

○縣子名瑣
○疏曰古

者殷時也周禮以貴降賤以適降庶惟不降正耳而殷世以上雖貴不降賤也上下各以其親不降之事也上謂旁親族曾祖從祖及伯叔之班下謂從子從孫之流彼雖賤不以已尊降之猶各隨本屬之親輕重而服之故云上下各以其親滕國之伯名文為孟虎著齊衰之服者虎是文之叔父也又為孟皮著齊衰之服者文是皮之叔父也言滕伯上為叔父下為兄弟之子皆著齊衰也○為去聲從去聲

后木曰喪吾聞

諸縣子曰夫喪不可不深長思也買棺外內易我死則

亦然

后木魯孝公子惠伯輩之後○馮氏曰此條重在不可不深長思一句買棺之時外內皆要精好此

是孝子當為之事非是父母豫所屬託而曰我死則亦然記禮者譏失言也○易音異屬音燭
曾子曰

尸未設飾故帷堂小斂而徹帷仲梁子曰夫婦方亂故

帷堂小斂而徹帷

始死去死衣用斂衾覆之以俟浴既復之後楔齒綴足畢具脯醢之奠事

雖小定然尸猶未襲斂也故曰未設飾於是設帷於堂者不欲人褻之也故小斂畢乃徹帷仲梁子謂夫婦方亂者以哭位未定也二子各言禮意鄭云斂者動搖尸帷堂為人褻之言方亂非也仲梁子魯人○去上聲覆去聲楔音小斂之奠子游曰於東方曾子曰於西方斂屑為去聲

斯席矣小斂之奠在西方魯禮之末失也

疏曰儀禮小斂之奠設於

東方奠又無席魯之衰末奠於西方而又有席曾子見時如此將以為禮故云小斂於西方斯此也其斂之時於此席上而設奠矣故記者正之云小斂之奠所以在西方是魯人行禮末世失其義也○今按儀禮布席于

戶內註云有司布斂席也在小斂之前及陳大斂衣奠則云奠席在饌北斂席在其東註云大斂奠而有席彌神之也據此則縣子曰綌衰總裳非古也方氏曰葛之斂奠無席

之綌布之細而疎者謂之總五服一以麻各有升數若以綌為衰以總為裳則取其輕涼而已非古制也○綌

去逆切子蒲卒哭者呼減子臯曰若是野哉哭者改之

總音歲減子蒲之名也復則呼名哭豈可呼名也野哉杜橋之言其鄙野而不達於禮也子臯孔子弟子高柴

母之喪宮中無相以為沽也疏曰沽麤略也孝子喪親悲迷不復自知禮節事儀

皆須人相導而杜橋家母死宮中不立相侍故時人謂其於禮為麤略也○相去聲沽音古喪親喪去聲復去

聲夫子曰始死羔裘玄冠者易之而已羔裘玄冠夫子

不以弔

疏曰養疾者朝服羔裘玄冠即朝服也始死則去朝服著深衣時有不易者又有小斂後羔裘

弔者記者因引孔子行禮之事言之○朝音潮去上聲著音勺

子游問喪具夫子曰稱

家之有亡子游曰有無惡乎齊夫子曰有毋過禮苟亡

矣斂首足形還葬縣棺而封人豈有非之者哉

喪具送終之儀

物也惡乎齊言何以為厚薄之劑量也毋過禮不可以富而踰禮厚葬也還葬謂斂畢即葬不殯而待月日之期也縣棺而封謂以手縣繩而下之不設碑緯也人不非之者以無財則不可備禮也○稱去聲亡如字下同

惡音烏齊去聲還音旋縣音玄封音寔

司士賁告於子游曰請襲於牀子

游曰諾縣子聞之曰汰哉叔氏專以禮許人

賁司士之名也禮始

死廢牀而置尸於地及復而不生則尸復登牀襲者斂之以衣也沐浴之後商祝襲祭服祿衣蓋布於牀上也飯舍之後遷尸於襲上而衣之襲於牀者禮也後世禮失而襲於地則襲矣司士知禮而請於子游子游不稱禮而答之以諾所以起縣子之譏也汰矜大也言凡有諮問禮事者當據禮答之子游專輒許諾則如禮自己出矣是自矜大也叔氏子游字○賁音奔縣音玄尸復復扶又切祿音彖衣之衣去聲

宋襄公葬

其夫人醯醢百甕曾子曰既曰明器矣而又實之

夏禮專用

明器而實其半虛其半殷人全用祭器亦實其半周人兼用二器則實人器而虛鬼器

孟獻子之

喪司徒旅歸四布夫子曰可也

疏曰送終既畢賻布有餘其家臣司徒承主人

之意使旅下士歸還四方賻主人之泉布時人皆貪而獻子家獨能如此故夫子曰可也善其能廉左傳叔孫

氏之司馬驂戩是家臣亦讀贈曾子曰非古也是再告有司徒司馬也○傳去聲

也車馬曰贈贈所以助主人之送葬也既受則書其人名與其物於方版葬時樞將行主人之史請讀此方

版所書之贈蓋於樞東當前東西面而讀之古者奠成之而不讀周則既奠而又讀焉故曾子以為再告也

子高寢疾慶遺入請曰子之病革矣如至乎大病則如

之何

成子高齊大夫國伯高父謚成也遺慶封之族革與亟同急也大病死也諱之之辭○遺去聲革音

亟入聲子高曰吾聞之也生有益於人死不害於人吾縱

生無益於人吾可以死害於人乎哉我死則擇不食之

地而葬我焉

不食之地謂不耕墾之土

子夏問諸夫子曰居君之母

與妻之喪居處言語飲食衎爾

君母君妻雖皆小君皆服齊衰不杖期然恩義

則淺矣故居其喪則自處如此衎爾和適之貌此章以文勢推之喪下當有如何夫子曰字舊說謂記者之略亦或闕文歟又否則問當

作聞

○處上聲衎苦旦切

賓客至無所館夫子曰生

於我乎館死於我乎殯

生既館之死則當殯○應氏曰朋友以義合謂之賓客者以其

自遠方而來也

國子高曰葬也者藏也藏也者欲人之弗得見

也是故衣足以飾身棺周於衣槨周於棺土周於槨反

壤樹之哉

國子高即成子高也○疏曰子高之意人死可惡故備飾以衣衾棺槨欲其深邃不使人

知今乃反更封壤為墳而種樹以標之哉國子意在於儉非周禮

孔子之喪有自燕來

觀者舍於子夏氏子夏曰聖人之葬人與人之葬聖人

也子何觀焉

延陵季子之葬其子夫子尚往觀之今孔子之葬燕人來觀亦其宜也然子夏之意

以為聖人葬人則事皆合禮人之葬聖人則未必皆合於禮也故語之曰子以為聖人之葬人乎乃人之葬聖人也又何觀焉蓋謙辭也

○燕與並平聲語去聲

昔者夫子言之曰吾見封之

若堂者矣見若防者矣見若覆夏屋者矣見若斧者矣從若斧者焉馬鬣封之謂也今一日而三斬板而已封

尚行夫子之志乎哉

此言封土有此四者之形封築土為墳也若堂者如堂之基四方而

高也坊堤也若坊者上平旁殺而南北長也若覆夏屋者旁廣而卑也若斧者上狹如刃較之上三者皆用功

葛帶

禮婦人之帶牡麻結本卒哭丈夫去麻帶服葛帶而首經不變婦人以葛為首經以易去首之麻經

力多而難成此則儉而易就故俗謂之馬鬣封馬鬣鬣之上其肉薄封形似之也今一日者謂今封築孔子之墳不假多時一日之間三次斬板即封畢而已止矣其法側板於坎之兩旁而用繩以約板乃內土於內而築之土與板平則斬斷約板之繩而升此板於所築土之上又實土於其中而築之如此者三而墳成矣故云三斬板而已封也尚庶幾也乎哉疑辭亦謙不敢婦人不質言也○坊音防覆方救切去聲內土內音納婦人不

而麻帶不變所謂不葛帶也既練則男子除經婦人除帶婦人輕首重要故也然此謂婦人居齊斬之服者如此若大功以下輕者至卒有薦新如胡奠

胡奠者月朔之奠也未葬

之時大夫以上朔望皆有奠士則朔而已如得時新之味或五穀新熟而薦之則其禮亦如朔奠之儀也既

葬各以其服除

三月而葬葬而虞虞而卒哭親重而當變麻衰者變之其當除者即自除之不

俟主人卒哭之變也

池視重雷

疏曰池者柳車之池也重雷者屋之承雷也以木為之承於屋簷水

雷入此木中又從木中而雷於地故云重雷也天子之屋四注四面皆有重雷諸侯四注而重雷去後大夫惟前後二士惟一在前生時屋有重雷故死時柳車亦象宮室而設池於車覆鼈甲之下牆帷之上蓋織竹為之形如籠衣以青布以承鼈甲名之曰池以象重雷也方面之數各視生時重雷○重平聲君即位而

為禭歲一漆之藏焉

疏曰君諸侯也人君無論少長體尊物備即位即造為親尸之棺蓋

也棺也漆之堅強甕甕然故名禭每年一漆示如未成也藏焉者其中不欲空虛如急有待故藏物於中一說不欲令人見故藏之○禭音僻

復楔齒綴足飯設飾帷

堂並作

始死招魂之後用角柶拄尸之口令開得飯含時不辟戾也飯者實米與貝于尸口中也設飾尸襲斂

也惟堂堂上設帷也作起為也復至帷堂六事一時並

起故云並作也儀禮亦總父兄命赴者
見一圖○楔音屑綴音拙
疏曰生時與他

死則其家宜使人往相赴告士喪禮孝子
自命赴者若大夫以上則父兄命之也
君復於小寢

大寢小祖大祖庫門四郊
言魯之庫門即天子臯門是

庫門者郭門也○疏曰君王侯也前曰廟後曰寢室有東西廂曰廟無東西廂有室曰寢小寢者高祖以下寢

也王侯同大寢天子始祖之寢諸侯太祖之寢也小祖

者高祖以下廟也王侯同大祖者天子始祖之廟諸侯

太祖之廟也○馬氏曰寢所居處之地祖所有事之地

門所出入之地郊所嘗至之地君復必於此者蓋魂氣

之往亦未離生時熟習之地也觀此則死生之說可知矣○今按馬氏以小寢大寢為燕寢正寢與舊說異○

喪不剝奠也與祭肉也與

剝者不巾覆也脯醢之奠不忌塵埃故可無巾覆凡覆之

者必其有祭肉者也

既殯旬而布材與明器

材為槨之木也布者分列而暴乾之也殯

後旬日即治此事禮獻材于殯門外註云明器之材此云材與明器者蓋二者之材皆乾之也○暴入聲乾音

干

朝奠日出夕奠逮日

逮日及日之未落也○方氏曰朝奠以象朝時之食夕奠以象

夕時之食孝子事死如事生也

父母之喪哭無時使必知其反也

未殯哭不

絕聲殯後雖有朝夕哭之時然廬中思憶則哭小祥後哀至則哭此皆哭無時也使者受君之任使也小祥之後君有事使之不得不行然反必祭告俾親之神靈知其已反亦出必告反必面之義也○必告告音谷

練

練衣黃裏縹緣

疏曰練小祥也小祥而著練冠練中衣故曰練也練衣者以練為中衣黃裏者

黃為中衣裏也正服不可變中衣非正服但承衰而已縹淺絳色緣謂中衣領及衰之緣也○縹七眷切緣去

聲著音勺
衰袖同

葛要經繩屨無紃

小祥男子去首之麻經惟餘要葛也故曰葛要經繩

屨者父母初喪菅屨卒哭受齊衰蒯薦屨小祥受大功繩麻屨也無紃謂無屨頭飾也○朱子曰菅屨疏屨今

不可考今略以輕重推之斬衰用今草鞋齊衰用麻鞋可也麻鞋今卒伍所著者○要平聲

角瑱

瑱充

耳也吉時君大夫士皆有之所以掩於耳君用玉為之初喪去飾故無瑱小祥後微飾故用角為之也○瑱吐

練鹿裘衡長祛祛裼之可也

疏曰冬時吉凶衣裏皆有裘吉則貴賤有異喪則同

用鹿皮為之小祥之前裘狹而短袂又無祛小祥稍飾則更易作橫廣大者又長之又設其祛也裼者裘上之

衣吉時皆有喪後凶質未有裼衣小祥後漸向吉故加裼可也按如此文明小祥時外有衰衰內有練中衣中衣內有裼衣裼衣內有鹿裘鹿裘內自有常著襦衣○今按祛者袖口也此所謂祛則是以他物為袖口之緣既祛以為飾故裼之可有殯聞遠兄弟之喪雖總必往也○衡音橫章內並同

非兄弟雖鄰不往

三年之喪在殯不得出弔然於兄弟則恩義存焉故雖總服兄弟之異居

而遠者亦當往哭其喪所識其兄弟不同居者皆弔

馮氏

曰上二句既主生者出弔往哭為義則下一句文意當同所識當為句若所知之謂也死者既吾之所知識則其兄弟雖與死者不同居我皆當弔之所以成往來之情義也天子之棺四重水兕草

棺被之其厚三寸槨棺一梓棺二四者皆周

水牛兕牛之革耐濕

故以為親身之棺二革合被為一重杙木亦耐濕故次於革即前章所謂裨也梓木棺二一為屬一為大棺杙棺之外有屬棺屬棺之外又有大棺四者皆周言四重之棺上下四方悉周匝也惟槨不周下有茵上有抗席故也○重平聲棺束縮二衡三衽每束一釘惟以皮條咼音似杙音移直束之二道橫束之三道衽形如今之銀則子兩端大而中小漢時呼為小要不言何物為之其亦木乎衣之縫合處曰衽以小要連合棺與蓋之際故亦名衽先鑿木置衽然後束以皮每束處必用一衽故云衽每束一也

柏槨以端長六尺

天子以柏木為槨端猶頭也用柏木之頭為之其長六尺○長去聲

天子之哭諸侯也爵弁經紵衣

諸侯薨而赴於天子天子哭之爵弁紵衣本士

之祭服爵弁弁之色如爵也紵衣絲衣也○鄭氏曰經衍字也周禮王弔諸侯弁經總衰○疏曰天子至尊不

見尸柩不弔服此違哭之故不服或曰使有司哭之鄭氏

曰非也哀戚為之以樂食疏曰此是記者之言非天

子之殯也敢塗龍輶以椁加斧于椁上畢塗屋天子之

禮也疏曰敢塗謂用木叢棺而四面塗之也龍輶輶時用輶車載柩而畫轅為龍也以椁者此叢

木象椁之形也繡覆棺之衣為斧文先敢四面為椁使上與棺齊而上猶開以此棺衣從椁上入覆於棺故云加斧于椁上也畢畫也斧覆既竟又四注為屋以覆於上而下四面盡塗之也○今按敢塗龍輶是輶車亦在殯中非脫去輶車而殯棺也○唯天子之喪有別姓而

哭諸侯朝覲天子爵同則其位同今喪禮則分別同姓異姓庶姓使各相從而為位以哭也○別必列切

魯哀公誄孔丘曰天不遺耆老莫相予位焉嗚呼哀哉

尼父

作謚者先列其生之實行謂之誄大聖之行豈容盡列但言天不留此老成而無有佐我之位者以

寓其傷悼之意而已耳稱孔丘者君臣之辭此與左傳之言不同○鄭氏曰尼父因其字以為之謚也○相去

聲父音甫行去聲

國亡大縣邑公卿大夫士皆厭冠哭於大廟

三日

句

君不舉或曰君舉而哭於后土

厭冠喪冠也說見曲禮盛饌而

以樂侑食曰舉后土社也○應氏曰哭於大廟者傷祖宗基業之虧損哭於后土者傷土地封疆之腴削也不舉自貶損也曰君舉者非

孔子惡野哭者

所知吾哭諸野夫子嘗言

也○厭于葉切大音泰
之矣蓋哭其所知必設位而帷之以成禮此所惡者或郊野之際道路之間哭非其地又且倉卒行之使人疑

駭故惡之也方氏說哭者呼減子臯曰野哉孔子惡者以此恐未然○惡去聲卒音猝

未仕者不

敢稅人如稅人則以父兄之命

稅人以物遺人也未仕者身未尊顯故內則不

可專家財外則不可私恩惠也或有情義之所不得已而當遺者則稱尊者之命而行之○遺去聲

士備

入而后朝夕踊

國君之喪諸臣有朝夕哭踊之禮哭雖依次居位踊必相視為節不容有先後

也士卑其入恒後士皆入則無不祥而縞是月禫徙月在者矣故舉士入為畢而後踊焉

樂疏曰祥大祥也縞謂縞冠大祥日著之○馬氏曰祥

禮之制施於三年之喪則其月同施於期之喪則其

月異雜記曰十一月而練十二月而祥五月而禫此期之喪也父在為母有所屈三年所以為極而致於二

十五月者其禮不可過以三年之愛而斷於期者其情猶可伸在禫月而樂者聽於人也在徙月而樂者作於

已也○為母為去聲斷音短

君於士有賜幣

幣幕之小者置之殯上以承塵也大夫以上則

有司供之士卑又不得自為故君於士之殯以幣賜之也○幣音亦

檀弓下第四

君之適長殯車三乘公之庶長殯車一乘大夫之適長

殯車一乘

此言送殯遣車之禮君謂國君亦或有地大夫通得稱君也公專言五等諸侯也十六至

十九為長殯葬此殯時柩朝廟畢將行設遣奠以奠之牲體分折包裹用此車載之以遣送死者故名遣車車制甚小以置之椁內四隅不容大為之也禮中殯從上君適長三乘則中亦三乘下則一乘也公庶長一乘則中亦一乘下則無也大夫適長一乘則中亦一乘下殯及庶殯並無也○適音的長上聲乘遣並去聲

之喪諸達官之長杖

方氏曰受命於君者其名達於上故謂之達官若府史而下皆長官

自辟除則不可謂之達矣受命於君者其恩厚故公之喪惟達官之長杖○今按凡官皆有長貳此以長言則

不及貳也君於大夫將葬弔於宮及出命引之三步則

止如是者三君退○長上聲朝亦如之哀次亦如之弔於宮於其殯官也

出柩已行也孝子攀號不忍君命引之奪其情也引者三步即止君又命引之如是者三柩車遂行君即退去君來時不必恒在殯宮或當柩朝廟之時亦如之或已出大門至平日待賓客次舍之處孝子哀而暫停柩車則亦如之五十無車者不越疆而弔人始衰之年不可李武

子寢疾矯固不說齊衰而入見曰斯道也將亡矣士唯

公門說齊衰武子曰不亦善乎君子表微及其喪也會

點倚其門而歌

季武子魯大夫季孫宿也。矯固人姓名點字皙曾子父也。武子寢疾之時矯固

適有齊衰之服遂衣凶服而問疾且曰大夫之門不當釋凶服惟君門乃說耳此禮將亡我之凶服以來欲以救此將亡之禮也。武子善之言失禮之顯著者人皆可知。若失禮之微細者惟君子乃能表明之也。武子執政人所尊畏固之為此欲以易時人之觀瞻據禮而行武子雖憾不得而罪之也。若倚門而歌則非禮矣其亦狂之一端歟。記者蓋善矯固之存禮譏曾點之廢禮也。○矯音矯說音脫遂衣衣去聲。

大夫弔當事

而至則辭焉弔於人是日不樂婦人不越疆而弔人行

弔之日不飲酒食肉焉

大夫弔弔於士也。大夫雖尊然當主人有小斂大斂或殯之事。

而至則殯者以其事告之辭猶告也若非當事之時則孝子下堂迎之婦人無外事故不越疆而弔是日不樂不飲酒食肉皆為餘弔於葬者必執引若從柩及壙皆哀未忘也○為去聲

執紼

引引柩車之索也紼引棺索也○鄭氏曰示助之以力○疏曰弔葬本為助執事故必相助引柩車

凡執引用人貴賤有數數足則餘人皆散行從柩至下棺窆時則不限人數皆悉執紼也引者長遠之名故在車車行遠也紼是撥舉之義故在棺棺惟撥舉不長遠也○引去聲壙上聲為相並去聲

喪公弔之

必有拜者雖朋友州里舍人可也弔曰寡君承事主人

曰臨

此謂國君弔其諸臣之喪弔後主人當親往拜謝喪家若無主後必使以次疏親往拜若又無疏親

則死者之朋友及同州同里及喪家典舍之人往拜亦可也寡君承事言來承助喪事此君語擯者傳命以入

之辭主人曰臨者謝辱
臨之重也○臨如字

君遇柩於路必使人弔之

賁尚畫宮

受弔不如杞梁之妻知禮而此言弔於路何也蓋有爵
者之喪當以禮弔此謂臣民之微賤者耳禮不下庶人

也言必使人弔者是
汎言衆人之喪也

大夫之喪庶子不受弔

大夫之喪適子為主

拜賓或以他故不在則庶子不敢受
弔不敢以卑賤為有爵者之喪主也

妻之昆弟為父後

者死哭之適室子為主袒免哭踊夫入門右使人立於

門外告來者狎則入哭父在哭於妻之室非為父後者

哭諸異室

此聞妻兄弟之喪而未往弔時禮也父在已之父也為父後妻之父也門外之人以來弔

者告若是交游習狎之人則徑入哭之情義然也○疏
曰女子子適人者為昆弟之為父後者不降以其正故

也故姊妹之夫為之哭於適室之中庭子為主者擗服
舅總故命己子為主受弔拜賓也袒免哭踊者冠尊不
居肉袒之上必先去冠而加免故凡哭哀則踊踊必先
袒袒必先免故袒免哭踊也夫入門右者謂此子之父
即哭妻兄弟者○適音的免音
問夫如字為昆為之為去聲
有殯聞遠兄弟之喪哭

于側室無側室哭于門內之右同國則往哭之

側室者燕寢之

旁室也門內大門之內也上篇言有殯聞遠兄弟之喪雖總必往其亦謂同國歟○方氏曰哭于側室欲其遠殯宮也于門內之右者不居主位示為之變也同子張國則往者以其不遠也○遠殯遠為之為並去聲

死曾子有母之喪齊衰而往哭之或曰齊衰不以弔曾

子曰我弔也與哉

以喪母之服而哭朋友之喪踰禮已甚故或人止之而曾子之意則曰我

於子張之死豈常禮之弔而已哉今詳此意但以友義
隆厚不容不往哭之又不可釋服而往但往哭而不行
弔禮耳故曰我弔也與哉○劉氏曰曾子嘗問三年之
喪弔乎夫子曰三年之喪練不羣立不旅行君子禮以
飾情三年之喪而弔哭不亦虛乎既聞此矣而又以母
喪弔友必不然也凡經中言曾子失禮之事不可盡信
此亦可見

○與子聲

有若之喪悼公弔焉子游擯由左

悼公魯君哀公之子

擯贊相禮事也立者尊右子游由公之左則公在右為
尊矣少儀云詔辭自右者謂傳君之詔命則詔命為尊
故傳者居右時相喪禮者亦多由右故子游正之也
齊穀王姬之喪魯莊公為之

大功或曰由魯嫁故為之服姊妹之服或曰外祖母也

故為之服

穀讀為告齊襄公夫人王姬卒在魯莊之二
年赴告於魯其初由魯而嫁故魯君為之服

出嫁姊妹大功之服禮也。或人既不知此，王姬乃莊公舅之妻，而以為外祖母，又不知外祖母服小功，而以大功為外祖母之服，其亦妄矣。○鄭氏曰：春秋周女由魯嫁，卒則服之，如內女服姊妹是也。天子為之無服，嫁於王者之後，乃服之。晉獻公之喪，秦穆公使人弔公子重耳，且曰：寡人聞之，亡國恒於斯，得國恒於斯，雖吾子儼然在憂服之中，喪亦不可久也。時亦不可失也。孺子其

圖之

獻公薨時重耳避難在狄，故穆公使人弔之。弔為正禮，故以且曰起下辭。寡人聞之者，此使者傳

穆公之言也。恒於斯，言常在此死生交代之際也。儼然端靜持守之貌。喪失位也。喪不可久，時不可失者，勉其奔喪反國以謀襲位故言。孺子其圖之也，此時秦已有納之之志矣。○重耳聲喪去聲，下並同。難去聲，使者使

去聲 以告舅犯舅犯曰孺子其辭焉喪人無寶仁親以為

寶父死之謂何又因以為利而天下其孰能說之孺子

其辭焉

舅犯重耳舅孤偃字子犯也公子既聞使者之言入以告之子犯犯言當辭而不受可也失位

去國之人無以為寶惟仁愛思親乃其實也父死謂是何事正是凶禍大事豈可又因此凶禍以為反國之利而天下之人孰能解說我為無罪乎此所以不當受其相勉反國之命也○說如字公子重耳對

客曰君惠弔亡臣重耳身喪父死不得與於哭泣之哀

以為君憂父死之謂何或敢有他志以辱君義稽顙而

不拜哭而起起而不私

公子既聞子犯之言乃出而答客惠弔亡臣重耳謝其來弔也

不得與哭泣之哀言出亡在外不得居喪次也以為君
憂者致君憂慮我也他志謂求位之志辱君義者辱君
惠弔之義也不私不再與
使者私言也○與去聲 子顯以致命於穆公穆公曰

仁夫公子重耳夫稽顙而不拜則未為後也故不成拜

哭而起則愛父也起而不私則遠利也

鄭註用國語知
使者為公子繫

字子輶故讀顯為輶也喪禮先稽顙後拜謂之成拜為
後者成拜所以謝弔禮之重今公子以未為後故不成
拜也愛父猶言哀痛其父也不私與使者言是無反國
之意是遠利也愛父遠利皆仁者之事故稱之曰仁夫
公子重耳○顯 帷殯非古也自敬姜之哭穆伯始也

朝禮

去聲遠去聲

夕哭殯之時必褰開其帷敬姜哭其夫穆伯之殯乃以
避嫌而不復褰帷自此以後人皆倣之故記者云非古

也穆伯魯大夫季悼
子之子公甫靖也

喪禮哀戚之至也節哀順變也君

子念始之者也

孝子之哀發於天性之極至豈可止遏
聖人制禮以節其哀蓋順以變之也言

順孝子之哀情以漸變而輕減也始猶生也
生我者父母也毀而滅性是不念生我者矣復盡愛之

道也有禱祠之心焉望反諸幽求諸鬼神之道也北面

求諸幽之義也

行禱五祀而不能回其生又為之復是
盡其愛親之道而禱祠之心猶未忘於

復之時也望反諸幽望其自幽而反也鬼神處幽
暗北乃幽陰之方故求諸鬼神之幽者必向北也拜稽

顙哀戚之至隱也稽顙隱之甚也

隱痛也稽顙者以頭
觸地無復禮容就拜

與稽顙言之皆為至痛而飯用米貝弗忍虛也不以食
稽顙則尤其痛之甚者也

道用美焉爾

實米與貝于死者口中不忍其口之虛也此不是用飲食之道但用此美潔之物以

實之銘明旌也以死者為不可別已故以其旗識之愛焉爾

之斯錄之矣敬之斯盡其道焉耳

士喪禮銘曰某氏某之柩初置于簷下西

階上及為重畢則置於重殯而卒塗始樹於肆坎之東疏云士長三尺大夫五尺諸侯七尺天子九尺若不命

之士則以緇長半幅經末長終幅廣三寸半幅一尺也終幅二尺也是總長三尺夫愛之而錄其名敬之而盡

其道曰愛曰敬非虛文也○別必列切重主道也殷主

識式志切重平聲肆羊志切經教貞切

禮註云士重木長三尺始死作重以依神雖非主而有主之道故曰

綴重焉周主徹重焉

主道也殷禮始殯時置重于殯廟之庭暨成虞主則綴此重而懸於新死者所殯之廟周人虞而作主則徹重

而埋之也○重
平聲綴音拙

奠以素器以生者有哀素之心也唯祭

祀之禮主人自盡焉爾豈知神之所饗亦以主人有齊

敬之心也

鄭氏曰哀素言哀痛無飾也凡物無飾曰素
哀則以素敬則以飾禮由人心而已○方氏

曰士喪禮有素俎士虞禮有素几皆其哀而不文故也
喪葬凶禮故若是至於祭祀之吉禮則必自盡以致其

文焉故曰唯祭祀之禮主人自盡焉爾然主人之自盡
亦豈知神之所享必在於此乎且以表其心而已耳○

齊音

辟踊哀之至也有算為之節文也

疏曰撫心為辟
跳躍為踊是哀

痛之至極若不裁限恐傷其性故有算以為之準節每
一踊三跳三踊九跳為一節士三日有三次踊大夫四
日五踊諸侯六日七踊天子八日九
踊故云為之節文也○辟婢亦切
袒括髮變也愠哀

之變也去飾去美也袒括髮去飾之甚也有所袒有所

襲哀之節也

疏曰袒衣括髮形貌之變也悲哀慍恚哀情之變也去其尋常吉時之服飾是去其

華美也去飾雖多端惟袒而括髮又去飾之中最甚者也理應常袒何以有袒時有襲時蓋哀甚則袒哀輕則襲哀之限節也○去上聲弁經葛而葬與神交之道也有敬心焉周

人弁而葬殷人冔而葬

居喪時冠服皆純凶至葬而吾親託體地中則當以禮敬之心

接於山川之神也於是以絹素為弁如爵弁之制以葛為環經在首以送葬不敢以純凶之服交神者示敬也

故曰有敬心焉

○冔火羽切 歆主人主婦室老為其病也君命食之

也

疏曰親喪歆粥之時主人亡者之子主婦亡者之妻無則主人之妻也室老家之長相此三人並是大夫

之家貴者為其歆粥病困之故君必命之食疏飯也若士喪君不命也喪大記言主婦食疏食謂既殯之後此主婦歆者謂未殯前○為去聲食音嗣

反哭升堂反諸其所作也主婦入

于室反諸其所養也

此堂與室皆謂廟中也卒窆而歸乃反哭於祖廟其二廟者則先祖

後禰所作者平生祭祀冠昏所行禮之處也所養者所饋食供養之處也○養去聲冠去聲

反哭之

弔也哀之至也反而亡焉失之矣於是為甚

賓之弔者升自西階

曰如之何主人拜稽顙當此之時亡矣失矣不可復見吾親矣哀痛於是為甚也賓弔畢而出主人送于門外遂適殯宮即先時所殯正寢之堂也殷既封而弔周反哭而弔孔子曰殷

已慤吾從周

殷之禮定畢賓就墓所弔主人周禮則俟主人反哭而後弔孔子謂殷禮太質慤者

蓋親之在土固為可哀不若求親於平生居止之所而不得其哀為尤甚也故弔於墓者不如弔於家者之情文為兼盡故欲從葬於北方北首三代之達禮也之幽周也○封音寔

之故也

也北方國之北也殯猶南首未忍以鬼神待其親也葬則終死事矣故葬而北首三代通用此禮

也南方昭明北方幽暗之幽既封主人贈而祝宿虞尸釋所以北首之義○首去聲

柩行至城門公使宰夫贈玄纁束既寔則用此玄纁贈死者於墓之野此時祝先歸而肅虞祭之尸矣宿請為肅進也虞猶安也葬畢迎精而反日中祭之於殯宮以安之也男則男子為尸女則女子為尸尸之為言主也不見親之形容心無所係故立尸而使之著死者之服所以使孝子之心主於此也禫祭以前男女異尸異几祭於廟則無女尸而几亦同矣少牢禮云既反哭主人某妃配是男女共尸○著直略切少去聲

與有司視虞牲有司以几筵舍奠於墓左反日中而虞

士之禮虞牲特豕几所以依神筵坐神之席也席數陳曰筵孝子先反而視牲別令有司釋奠以禮地神為親

之託體於此也舍讀為釋奠者置也釋置此祭饌也墓道向南以東為左待此有司之反即於日中時虞祭也

○舍音釋數數葬日虞弗忍一日離也鄭氏曰弗忍其同為親為去聲無所歸○離去

聲是日也以虞易奠卒哭曰成事始死小斂大斂朝夕

皆喪奠也此日以虞祭代去喪奠故曰以虞易奠也卒哭曰成事者蓋祝辭曰哀薦成事也祭以吉為成卒哭

之祭乃吉是日也以吉祭易喪祭明日祔于祖父吉祭

祭故也之祭也喪祭虞祭也卒哭在虞之後故云以吉祭易喪祭也祔之為言附也祔祭者告其祖父以當遷他廟而

告新死者以當入此廟也禮云明日以其班祔明日者卒哭之次日也卒哭時告于新主曰哀子某來日躋祔爾于爾皇祖某甫及時則奉新主入祖之廟而并告之曰適爾皇祖某甫以躋祔爾孫某甫孫必祔祖者昭穆之位同所謂以其班也畢事虞主復于寢三年喪畢遇四時之吉祭而後奉新主入廟也虞祭間一日而卒哭與祔則不間日其變而之吉祭也比至於祔必於是日○并間並去聲

也接不忍一日末有所歸也

上文所言皆據正禮此言變者以其變易常禮也所

以有變者以有他故未及葬期而即葬也據士禮速葬速虞之後卒哭之前其日尚賒不可無祭之往也虞往至吉祭其禮如何曰虞後比至於祔遇剛日而連接其祭若丁日葬則已日再虞後虞改用剛日則庚日三虞也此後遇剛日則祭至祔而後止此孝子殷練而祔周

不忍使其親一日無所依歸也○比音界

殷練而祔周

卒哭而祔孔子善殷

孝經曰為之宗廟以鬼享之孔子善殷之祔者以不急於鬼其親也

君臨臣喪以巫祝桃茢執戈惡之也所以異於生也喪

有死之道焉先王之所難言也

桃性辟惡鬼神畏之王莽惡高廟神靈以桃湯

灑其壁茢茢帝也所以除穢巫執桃祝執茢小臣執戈蓋為其有凶邪之氣可惡故以此三物辟祓之也臨生者則惟執戈而已今加以桃茢故曰異於生也君使臣以禮死而惡之豈禮也哉然人死斯惡之矣故喪禮實有惡死之道焉先王之所不忍言

喪之朝也順死者之

孝心也其哀離其室也故至於祖考之廟而后行殷朝

而殯於祖周朝而遂葬

子之事親出必告反必面令將葬而奉柩以朝祖固為順死者

之孝心然求之死者之心亦必自哀其違離寢處之居而永棄泉壤之下亦欲至祖考之廟而訣別也殷尚質敬鬼神而遠之故大斂之後即奉柩朝祖而遂殯於廟周人則殯於寢及葬則朝廟也

孔子謂為

明器者知喪道矣備物而不可用也

此孔子善夏之用明器從葬○從去

聲

哀哉死者而用生者之器也不殆於用殉乎哉

此孔子非

殷人用祭器從葬以人從死曰殉殆幾也用其器則近於用人

其曰明器神明之也塗

車芻靈自古有之明器之道也孔子謂為芻靈者善謂

為俑者不仁不殆於用人乎哉

謂之明器者是以神明之道待之也塗車以泥

為車也束草為人形以為死者之從衛謂之芻靈略似人形而已亦明器之類也中古為木偶人謂之俑則有

面目機發而太似人矣故孔子惡其不仁知末流必有
以人殉葬者○趙氏曰以木人送葬設機而能踊跳故

名之曰備穆公問於子思曰為舊君反服古與子思曰古之

君子進人以禮退人以禮故有舊君反服之禮也今之

君子進人若將加諸膝退人若將隊諸淵毋為戎首不

亦善乎又何反服之禮之有穆公魯君哀公之曾孫為舊君服見儀禮齊衰章孟

子言三有禮則為之服冠離何服之有與此章意似隊諸淵言置之死地也戎首為寇亂之首也○為舊為去

聲與平聲悼公之喪季昭子問於孟敬子曰為君何食

敬子曰食粥天下之達禮也悼公魯哀公之子昭子康子之曾孫名強敬子武伯

之子名捷
吾三臣者之不能居公室也四方莫不聞矣勉而

為瘠則吾能毋乃使人疑夫不以情居瘠者乎哉我則

食食

三臣仲孫叔孫季孫之三家也敬子言我三家不能居公室而以臣禮事君者四方皆知之矣勉強

食粥而為毀瘠之貌我雖能之然豈不使人疑我非以衰戚之真情而處此瘠乎不若違禮而食食也○應氏曰季子之問有君子補過之心而孟氏之對可謂小人之無忌憚者矣○食上如字下音嗣

衛司徒

敬子死子夏弔焉主人未小斂經而往子游弔焉主人

既小斂子游出經反哭子夏曰聞之也與曰聞諸夫子

主人未改服則不經

司徒以官為氏也主人未小斂則未改服故弔者不經子夏經而往

予非也其時子游亦予俟其小斂後改服乃出曾子曰而加絰反哭之則中於禮矣○與平聲中去聲

晏子可謂知禮也已恭敬之有焉有若曰晏子一狐裘

三十年遣車一乘及墓而反

晏子齊大夫曾子稱其知禮謂禮以恭敬為本也有

若之言則曰狐裘貴在輕新乃三十年而不易是儉於己也遣車一乘儉其親也禮寔後有拜賓送賓等禮晏子寔訖即還儉於賓也此三者皆以其國君七个遣車儉而失禮者也○遣乘並去聲下節同

七乘大夫五个遣車五乘晏子焉知禮

遣車之數天子九乘諸侯七乘

大夫五乘天子之士三乘諸侯之士無遣車也大夫以上皆太牢士少牢个包也凡包牲皆取下體每一牲取三體前脰折取臂臠後脰折取骼少牢二牲則六體分為三个太牢三牲則九體大夫九體分為十五段三段

為一包凡五包諸侯分為二十一段凡七包天子曾子分為二十七段凡九包每遣車一乘則載一包也

曰國無道君子恥盈禮焉國奢則示之以儉國儉則示

之以禮

曾子主權有子主經是以二端之論不合

國昭子之母死問於子張

曰葬及墓男子婦人安位子張曰司徒敬子之喪夫子

相男子西鄉婦人東鄉

國昭子齊大夫葬其母以子張相禮故問之夫子孔子也主人

家男子皆西向婦人皆東向而男賓在衆主人之南女賓在衆婦之南禮也○相鄉並去聲

曰意母

曰我喪也斯沾爾專之賓為賓焉主為主焉婦人從男

子皆西鄉

昭子聞子張之言歎息而止之言我為大夫齊之顯家今行喪禮人必盡來覘視當有所

更改以示人豈宜一循舊禮爾當專主其事使賓自為賓主自為主可也於是昭子家婦人既與男子同居主位而西鄉而女賓亦與男賓同居賓位而東鄉矣斯盡也沾讀為覘此記禮之變○毋無同斯去聲沾覘同更聲

平穆伯之喪敬姜晝哭文伯之喪晝夜哭孔子曰知禮

矣哭夫以禮哭子以情中節矣故孔子美之○中去聲文伯之喪敬姜據其牀而

不哭曰昔者吾有斯子也吾以將為賢人也吾未嘗以

就公室今及其死也朋友諸臣未有出涕者而內人皆

行哭失聲斯子也必多曠於禮矣夫以為賢人必知禮矣故凡我平日出

入公室未嘗與俱而觀其所行蓋信其賢而知禮也至死而覺其曠禮故歎恨之○鄭氏曰季氏魯之宗卿敬

姜有會見之禮

季康子之母死陳褻衣敬姜曰婦人不飾不敢

見舅姑將有四方之賓來褻衣何為陳於斯命徹之

敬姜

康子之從祖母也○應氏曰敬姜森然法度之語○見音現從去聲

有子與子游立見孺

子慕者有子謂子游曰予壹不知夫喪之踊也予欲去

之久矣情在於斯其是也夫

有子言喪禮之有踊我常不知其何為而然壹者專

一之義猶常也我久欲除去之矣今見孺子之踊慕若此則哀情之在於此踊亦如此孺子之慕也夫○去上

聲

子游曰禮有微情者有以故興物者有直情而徑行

者戎狄之道也禮道則不然

子游言先王制禮使賢者俯而就之不肯者企而及

之慮賢者之過於情也故立為哭踊之節所以殺其情故曰禮有微情者微猶殺也慮不肖者之不及情也故為之興起哀經之物使之睹服思哀故曰有以故興物者此二者皆制禮者酌人情而為之也若直肆已情徑率行之或哀或不哀漫無制節則是戎狄之道矣中國禮義之道則不如是也人喜則斯陶陶

斯咏咏斯猶猶斯舞舞斯慍慍斯戚戚斯歎歎斯辟辟

斯踊矣品節斯斯之謂禮

此言樂極生哀之情但舞斯慍一句終是可疑今且據疏

劉氏欲於猶斯舞之下增一矣字而刪舞斯慍三字今亦未敢從○疏曰喜者外境會心之謂斯語助也陶謂鬱陶心初悅而未暢之意鬱陶之情暢則口歌咏之也咏歌不足漸至動搖身體乃至起舞足蹈手揚樂之極也外境違心之謂慍凡喜怒哀相對哀樂相生若舞無節形疲厭倦事與心違所以怒生慍怒之生由於舞極故

曲禮云樂不可極也此凡九句首末各四句是哀樂相對中間舞斯愠一句是哀樂相生愠斯戚者怒來觸心憤恚之餘轉為憂戚憂戚轉深因發歎息歎恨不泄遂至撫心撫心不泄乃至跳踊奮擊亦哀之極也故夷狄無禮朝殯夕歌童兒任情倏啼歔笑今若品節此二塗使踊舞有數則能久長故云斯之謂禮品階格也節制斷也○孫氏曰當作人喜則斯陶陶斯咏咏斯猶猶斯舞舞斯蹈矣人悲則斯愠愠斯戚戚斯歎歎斯辟辟斯踊矣蓋自喜至蹈凡六變自悲至踊亦六變此所謂孺子慕者之直情也舞蹈辟踊皆本此情聖人於是為之節○猶音搖辟音洛人死斯惡之矣無能也斯倍之矣是故婢亦切樂音洛

制絞衾設萋翬為使人勿惡也

能以其死而惡之以其無能而倍之恐太古無禮

之時人多如此於是推原聖人所以制禮之初意止為使人勿惡勿倍而已絞衾以飾其體萋翬以飾其棺則

不見死者之可惡矣○惡去聲絞音艾羹音柳為去聲

始死脯醢之奠將行遣而

行之既葬而食之未有見其饗之者也自上世以來未

之有舍也為使人勿倍也故子之所刺於禮者亦非禮

之訾也

始死即為脯醢之奠將葬則有包裏牲體之遣既葬則有虞祭之食何嘗見死者享之乎然自

上世制禮以來未聞有舍而不為者為此則報本反始之思自不能已矣豈復有倍之意乎先王制禮其深意蓋如此今子刺喪之踊而欲去之者亦不足以為禮之疵病也○遣去聲食去聲舍上聲為去聲刺音次訾音疵復又切

吳侵陳斬祀殺厲師還出竟陳大宰嚭使於師

夫差謂行人儀曰是夫也多言盍嘗問焉師必有名

之稱斯師也者則謂之何

魯哀公元年吳師侵陳斬祀伐祠祀之木也殺厲殺疫病

之人也大宰行人皆官名夫差吳子名是夫猶言此人指語也多言猶能言也蓋何不也嘗試也師必有名者

言出師伐人必得彼國之罪以顯我出師之名也今衆人稱我此師謂之何名乎○還音旋竟音境大音泰語

普彼切使去聲夫差音扶釵是夫夫如字

大宰語曰古之侵伐者不斬祀不

殺厲不獲二毛今斯師也殺厲與其不謂之殺厲之師

與曰反爾地歸爾子則謂之何曰君王討敝邑之罪又

矜而赦之師與有無名乎

二毛斑白之人也子謂所獲臣民也還其侵略之地縱其

俘獲之民是矜而赦之矣豈可又以無名之師議之乎此言語善於辭令故能救敗亡之禍○石梁王氏曰是

時吳亦有大宰詔
如何○與並平聲
顏丁善居喪始死皇皇焉如有求而

弗得及殯望望焉如有從而弗及既葬慨焉如不及其

反而息

顏丁魯人皇皇猶栖栖也望望往而不顧之貌慨感悵之意始死形可見也既殯柩可見也葬

則無所見矣如有從而弗及似有可及之處也葬後則不復如有所從矣故但言如不及其反又云而息者息猶待也不忍決忘其親猶且行且止以待其親之反也蓋葬者往而不反然孝子於迎精而反之時猶如有所疑也○

復去聲子張問曰書云高宗三年不言言乃謹有諸仲

尼曰胡為其不然也古者天子崩王世子聽於冢宰三

年言乃謹者命令所
知悼子卒未葬平公飲酒師曠李

布人心喜悅也

調侍鼓鐘杜蕢自外來聞鐘聲曰安在曰在寢杜蕢入

寢歷階而升酌曰曠飲斯又酌曰調飲斯又酌堂上北

面坐飲之降趨而出

知悼子晉大夫名瑩平公晉侯彪也凡三酌者既罰二子又自罰也

○知去聲蕢音快飲去聲平公呼而進之曰蕢曩者爾心或開予是

以不與爾言爾飲曠何也曰子卯不樂知悼子在堂斯

其為子卯也大矣曠也太師也不以詔是以飲之也爾言

之初入我意爾必有所諫教開發於我我是以不先與爾言乃三酌之後竟不言而出爾之飲曠何說也蕢言禁以乙卯日死紂以甲子日死謂之疾日故君不舉樂在堂在殯也況君於卿大夫比葬不食肉比卒哭不舉

樂悼子在殯而可作樂燕飲乎桀紂異代之君悼子同體之臣故以為大於子卯也詔告也罰其不告之罪也

爾飲調何也曰調也君之褻臣也為一飲一食忘君之

疾是以飲之也

言調為近習之臣貪於一飲一食而忘君違禮之疾故罰之也○飲去聲

爾

飲何也曰蕢也宰夫也非刀匕是共又敢與知防是以

飲之也

非猶不也宰夫職在刀匕今乃不專供刀匕之職而敢與知諫爭防閑之事是侵官矣故自罰

也○共音供與去聲爭音諍

平公曰寡人亦有過焉酌而飲寡人杜

蕢洗而揚觶公謂侍者曰如我死則必毋廢斯爵也至

于今既畢獻斯揚觶謂之杜舉

揚觶舉觶也盥洗而後舉致潔敬也平公自知

其過既命賁以酌又欲以此爵為後世戒故記者云至今晉國行燕禮之終必舉此觶謂之杜舉者言此觶乃昔者杜賁所舉也春秋傳作屠蒯文亦不同○解音志 公叔文子卒其子戍請諡

於君曰日月有時將葬矣請所以易其名者

文子衛大夫名拔君

靈公也大夫士三月而葬有時猶言有數也死則諱其名故為之謚所以代其名也○戍音庶

君曰昔

者衛國凶饑夫子為粥與國之餓者是不亦惠乎昔者

衛國有難夫子以其死衛寡人不亦貞乎夫子聽衛國

之政脩其班制以與四鄰交衛國之社稷不辱不亦文

乎故謂夫子貞惠文子

魯昭公二十年盜殺衛侯之兄
縶時齊豹作亂公如死鳥此衛

國之難也班者尊卑之次制者多寡之節因舊典而脩
舉之也據先後則惠在前論小大則貞為重故不曰惠
貞而曰貞惠也此三字為諡而惟稱石駘仲卒無適子
文子者鄭云文足以兼之○難去聲

有庶子六人卜所以為後者曰沐浴佩玉則兆五人者

皆沐浴佩玉石祁子曰孰有執親之喪而沐浴佩玉者

乎不沐浴佩玉石祁子兆衛人以龜為有知也

駘仲衛大夫曰

沐浴佩玉則兆卜人之言也○方氏曰兆亦有凶卜
者以求吉為主故經以兆言吉也○駘音苔適音的陳

子車死於衛其妻與其家大夫謀以殉葬定而后陳子

亢至以告曰夫子疾莫養於下請以殉葬

子車齊大夫子亢其兄弟

即孔子弟子子禽也疾時不在家家人不得以致其養故云莫養於下也於是欲殺人以殉葬定謂已議定所殺之人也○亢音剛養去聲子亢曰以殉葬非禮也雖然則彼疾當

養者孰若妻與宰得已則吾欲已不得已則吾欲以二

子者之為之也於是弗果用

宰即家大夫也二子謂妻與宰也子亢若但言非禮

未必能止之今以當養者為當殉則不期其止而自止矣

子路曰傷哉貧也生無以

為養死無以為禮也孔子曰啜菽飲水盡其歡斯之謂

孝斂首足形還葬而無槨稱其財斯之謂禮

世固有三牲之養而

不能歡者亦有厚葬以為觀美而不知陷於僭禮之罪者知此則孝與禮可得而盡矣又何必傷其貧乎還葬

說見上篇○養去聲還音旋稱去聲衛獻公出奔反於衛及郊將班邑於

從者而后入柳莊曰如皆守社稷則孰執羈勒而從如

皆從則孰守社稷君反其國而有私也毋乃不可乎弗

果班

獻公以魯襄十四年奔齊二十六年歸衛羈所以絡馬勒所以鞅馬莊之意謂居者行者均之為國

不當獨賞從者以示私恩○從去聲勒音的

衛有大史曰柳莊寢疾公曰若

疾革雖當祭必告公再拜稽首請於尸曰有臣柳莊也

者非寡人之臣社稷之臣也聞之死請往不釋服而往

遂以禭之與之邑襄氏與縣潘氏書而納諸棺曰世世

萬子孫毋變也

以衣服贈死者曰襚裴縣潘二邑名萬子孫謂莊之後世也莊之疾公嘗命其

家若當疾亟之時我雖在祭事亦必入告及其死也果當公行事之際遂不釋祭服而往因釋以襚之又賜之二邑此雖見國君尊賢之意然棄祭事而不終以諸侯之命服而襚大夫書封邑之券而納諸棺皆非禮矣○大音泰革音亟入聲縣音玄陳乾昔寢疾屬其兄弟而命其子尊已

曰如我死則必大為我棺使吾二婢子夾我陳乾昔死

其子曰以殉葬非禮也況又同棺乎弗果殺

屬如周禮屬民讀法

之屬猶合也聚也記者善尊已守正而不從其父之亂命○乾音干屬音燭

仲遂卒于垂壬

午猶繹萬入去籥仲尼曰非禮也卿卒不繹

仲遂魯莊公子東門

襄仲也為魯卿垂齊地名祭宗廟之明日又設祭禮以
尋繹昨日之祭謂之繹殷謂之彤言壬午則正祭辛巳
日也萬舞執干以舞也籥舞吹籥以舞也萬入去籥者
言此繹祭時以仲遂之卒但用無聲之干舞以入去有
聲之籥舞而不用也○陳氏曰春秋之法當祭而卿卒
則不用樂明日則不繹故叔弓之卒昭公去樂卒事君
子以為禮仲遂之卒宣公猶繹而萬入去籥聖人以為
非禮○詩記曰萬舞二舞之總名也干舞者武舞之別
名籥舞者文舞之別名文舞又謂之羽舞鄭氏據公羊
以萬舞為干舞誤也春秋書萬入去籥言文武二舞皆
入去其有聲者故去籥焉公羊乃以萬舞為武舞與籥
舞對言之失經意矣若萬舞止為武舞則此詩何為獨
言萬舞而不及文舞左傳考仲子之官將萬焉婦人之
廟亦不應獨用武舞也然則萬舞為二舞之總名明矣
出詩緝簡兮註○愚按左傳楚令尹子元欲盡文夫人
為館於其宮側而振萬焉夫人聞之泣曰先君以是舞

也習戎備也今令尹不尋諸仇讎而於未亡人之側不亦異乎據此則萬舞信為武舞矣呂氏豈偶忘之耶○
去上聲彤音融
何為為去聲
季康子之母死公輸若方小斂般請以

機封將從之公肩假曰不可夫魯有初

公輸氏若名為匠師方小年尚

幼也斂下棺於槨也般若之族素多技巧見若掌斂事而年幼欲代之而試用其巧技也機寔謂以機闕轉動之器下棺不用碑與緯也魯有初言魯國自有故事也○般音班封音寔斂去聲
公室視豐碑

三家視桓楹

豐碑天子之制桓楹諸侯之制○疏曰凡言視者比擬之辭豐大也謂用大木為碑

穿鑿去碑中之木使之空於空間著鹿盧兩頭各入碑木以紼之一頭係棺緘以一頭繞鹿盧既訖而人各背碑負紼末頭聽鼓聲以漸却行而下之也桓楹不似碑形如大楹耳通而言之亦曰碑說文桓郵亭表也如今

之橋旁表柱也諸侯二碑兩柱為一碑而施
鹿廬故鄭云四植也○下空去聲著音勺 般爾以人

之母嘗巧則豈不得以其母以嘗巧者乎則病者乎噫

弗果從

疏曰嘗試也言爾欲以人母嘗試已之巧事誰有強逼於爾而為此乎豈不得休已者哉又語

之云其無以人母嘗試已巧則於爾病者乎言不得嘗
巧豈於爾有所病假言畢乃更噫而傷嘆於是衆人遂
止○一說則豈不得以其母以嘗巧者乎作一句言爾
以他人母試巧而廢其當用之禮則亦豈不得自以已
母試巧而不用禮乎則於爾心亦有所病而不安乎蓋
使之反求諸心以已度人而知其不可也○應氏曰周
衰禮廢而諸侯僭天子故公室之寔棺視豐碑大夫僭
諸侯故三家之寔棺視桓楹其陵替承襲之弊有自來
矣○強

上聲 戰于郎公叔禺人遇負杖入保者息曰使之雖

病也任之雖重也君子不能為謀也士弗能死也不可

我則既言矣與其鄰重汪錡往皆死焉魯人欲勿殤重

汪錡問於仲尼仲尼曰能執干戈以衛社稷雖欲勿殤

也不亦可乎

戰于郎魯哀公十一年齊伐魯也禺人昭公子公為也過魯人之避齊師而入保城

邑者疲倦之餘負其杖而息于塗禺人乃歎之曰徭役之煩雖不能堪也稅斂之數雖過於厚也若上之人協心以禦寇難猶可塞責也今卿大夫不能畫謀策士不能捐身以死難豈人臣事君之道哉甚不可也我既出此言矣可不思踐吾言乎於是與其鄰之童子汪錡者皆往鬪而死於敵魯人以錡有成人之行欲以成人之喪禮葬之而孔子善其權禮之當也○禺

音遇重通作童錡音紀斂去聲數入聲

子路去魯謂

顏淵曰何以贈我曰吾聞之也去國則哭于墓而后行
反其國不哭展墓而入謂子路曰何以處我子路曰吾
聞之也過墓則式過祀則下

哭墓哀墓之無主也不忍
丘壟之無主則必有返國

之期故為行者言之墓與祀人所易忽也而能加之敬
則無往而不用吾敬矣敬則無適而不安故為居者言
之也○方氏曰凡物展之則可省而視故
省謂之展○處上聲為去聲省悉井切

工尹商陽與

陳弃疾追吳師及之陳弃疾謂工尹商陽曰王事也子

手弓而可

句

手弓

句

子射諸射之斃一人韞弓又及謂

之又斃二人每斃一人揜其目止其御曰朝不坐燕不

與殺三人亦足以反命矣孔子曰殺人之中又有禮焉

工尹楚官名追吳師事在魯昭公十二年子手弓而可為句使之執弓也手弓商陽之弓在手也韋弓衣也謂之再告之也掩目而不忍視止御而不忍驅有惻隱之心焉商陽自言位卑禮薄如此亦可以稱塞矣孔子謂其有禮以敗北之師本易窮而商陽乃能節制其縱殺之心是仁意與禮節並行非事君之禮止於是也特取其善於追敗者亦非謂臨敵未決而不忍殺人也○疏曰朝與燕皆在寢若路門外正朝則大夫以下皆立若燕朝在於路寢則大夫坐於上如孔子攝齊升堂是也升堂則坐矣燕亦在寢燕禮獻卿大夫之後西階上獻士無升堂之文是士立於下也鄭註射者在左戈盾在右御在中央謂兵車參乘之法此謂凡常戰士若是元帥則在中央鼓下御者在左戈盾亦在右若天子諸侯親將亦居鼓下若非元帥則皆在左御者在中若非兵

車則尊者左○射音石輶音暢朝音潮諸侯伐秦曹
與去聲稱易並去聲齊音咨乘將並去聲

桓公卒于會諸侯請舍使之襲

曹伯之卒魯成公十三年也襲賤者之事諸侯

從之不知禮也○舍去聲

襄公朝于荆康王卒荆人曰必請襲魯人

曰非禮也荆人強之巫先拂柩荆人悔之

荆禹貢州名楚立國之本

號魯僖公元年始稱楚魯襄公以二十八年朝楚適遭
楚子昭之喪魯人知襲之非禮而不能違於是君臨
臣喪之禮先之及其覺之而悔已無及矣
此其適權變之宜足以雪恥○強上聲 滕成公之喪

使子叔敬叔弔進書子服惠伯為介及郊為懿伯之忌

不入惠伯曰政也不可以叔父之私不將公事遂入

滕成

公之喪在魯昭公之三年敬叔魯桓公七世孫惠伯則桓公六世孫也於世次敬叔稱惠伯為叔父懿伯則惠伯之叔父而敬叔之五從祖進書奉進魯君之弔書也介副也○劉氏曰左傳註云忌怨也敬叔先有怨於懿伯故不欲入滕以惠伯之言而入傳言叔弓之有禮也此疏云敬叔嘗殺懿伯為其家所怨恐惠伯殺已故不敢先入惠伯知其意而開釋之記惠伯之知禮也二說不同而皆可疑如彼註言禮叔為之避仇怨則當自受命之日辭行以禮之不當及郊而後辭入也如此疏言恐惠伯殺已而難之則魯之遣使而使其仇為之副不恤其相仇以棄命害事亦非善處也且叔弓為正使得仇怨為介而不請易之非計之得也又同使共事而常以仇敵備之而往反於魯滕之路亦難言也使椒果欲報仇則其言雖善安知非誘我耶而遂入又非通論也按左傳云及郊遇懿伯之忌此作為二字雖異而皆先言及郊而後言忌可見是及郊方遇忌也或者忌字只

是忌日懿伯是敬叔從祖適及滕郊而遇此日故欲緩
至次日乃入故惠伯以禮曉之曰公事有公利無私忌
乃先入而叔弓亦遂入焉此說固
可通然亦未知然否闕之可也
哀公使人弔蕢尚遇

諸道辟於路畫宮而受弔焉

哀公魯君辟於路辟讀為闕謂除闕道路以畫宮室

之位而受弔也○
辟音闕畫音獲

曾子曰蕢尚不如杞梁之妻之知禮

也齊莊公襲莒于奪杞梁死焉其妻迎其柩於路而哭

之哀

魯襄公二十三年齊侯襲莒襲者以輕兵掩其不
備而攻之也左傳言杞殖華還載甲夜入且于之

隧且于莒邑名隧狹路也鄭云或為兌故讀奪為兌梁
即殖以戰死故妻迎其柩○奪音兌華去聲且音睢

莊公使人弔之對曰君之臣不免於罪則將肆諸市朝

而妻妾執君之臣免於罪則有先人之敝廬在君無所

辱命

肆陳尸也妻妾執拘執其妻妾也左傳言齊侯弔諸其室

孺子黠之喪哀公欲

設撥問於有若有若曰其可也君之三臣猶設之顏柳

曰天子龍輶而棊幃諸侯輶而設幃為榆沈故設撥三

臣者廢輶而設撥竊禮之不中者也而君何學焉

黠哀公之

少子舊說以撥為紼未知是否三臣魯之三家也顏柳言天子之殯用輶車載柩而畫輶為龍棊幃者叢木為棊形而覆幃其上前言加斧于棊上是也諸侯輶而設幃則有輶而無龍有幃而無棊也榆沈以水浸榆白皮之汁以播地取其引車不溢滯也今三家廢輶不用而猶設撥是徒有竊禮之罪而非有中用之實者也○方

氏曰為輶之重也故為榆沈以滑之欲榆沈之散也故設撥以發之無輶則無所用沈無所用沈則無所用撥三臣既知輶之可廢而不知撥之不可設是竊禮之不中者也撥雖無所經見然以文考之為榆沈故設撥則是手撥榆沈而灑於道也先儒以為紕失之矣○今按方說如此亦未知其是否闕之可也○黷他昆切撥半末切輶音春幃音道為去聲 悼公之母死哀公為之齊聲榆音于沈音審中去聲

哀有若曰為妾齊哀禮與公曰吾得已乎哉魯人以妻

我以妻我以為我妻也此哀公溺情之舉文過之辭○疏曰天子諸侯絕旁期於妾無服惟大夫為貴妾總

○為去聲 季子臯葬其妻犯人之禾申祥以告曰請庚文去聲

之子臯曰孟氏不以是罪予朋友不以是弃予以吾為

邑長於斯也買道而葬後難繼也

劉氏曰季子臯孔子弟子高柴也夫子嘗

曰柴也愚觀家語所稱及此經所記泣血三年及成人為衰之事觀之賢可知矣此葬妻犯禾亦為成宰時事有無固不可知然曰孟氏不以為是罪子朋友不以為是弃予者以犯禾之失小而買道之害大也何也以我為邑宰尚買道而葬則後必為例而難乎為繼者矣此亦愚而過慮之一端然出於誠心非文飾之辭也鄭註謂其恃寵虐民而方氏又加以不仁不怨之說則仕而未有甚矣豈有賢如子臯而有是哉○文去聲

祿者君有饋焉曰獻使焉曰寡君違而君薨弗為服也

王制云位定然後祿之此蓋初試為士未賦廩祿者有饋於君則稱獻出使他國則稱寡君此二事皆與羣臣同獨違離之後而君薨則不為舊君服此則與羣臣異所以然者以其未嘗食君之祿也○方氏曰湯之於伊

尹學焉而後臣之方其學也賓之而弗臣此所謂仕而
未有祿者若孟子之在齊是也惟其賓之而弗臣故有
饋焉不曰賜而曰獻將命之使不曰君而曰寡君蓋獻
為貢上之辭而寡則自謙之辭故也以其有賓主之道
而無君臣之禮故違而君薨弗為服也其曰虞而立尸
違則居其國之時固服之矣○使為並去聲

有几筵

未葬之前事以生者之禮葬則親形已藏故虞祭則立尸以象神也筵席也大斂之奠雖有席

而無几此時則設几與筵相配也

卒哭而諱生事畢而鬼事始已

卒哭而諱

其名蓋事生之禮已畢事鬼之事始矣已語辭

既卒哭宰夫執木鐸以命于宮

曰舍故而諱新自寢門至于庫門

周禮大喪小喪宰夫掌其戒令故卒哭後

使宰夫執金口木舌之鐸振之以命令于宮也其令之辭曰舍故而諱新故謂高祖之父當遷者諱多則難

避故使之舍舊諱而諱新死者之名也以其親盡故
可不諱庫門自外入之第一門亦曰臯門○舍上聲二

名不偏諱夫子之母名徵在言在不稱徵言徵不稱在

二名二字為名也
此記避諱之禮
軍有憂則素服哭于庫門之外赴車

不載橐韋

橐甲衣韋弓衣甲不入橐弓不入韋示再用
也○方氏曰戰勝而還謂之愷則敗謂之憂

宜矣素服哭以喪禮處之也必於庫門之外者以近廟
也師出受命于祖無功則於祖命辱矣赴車告赴於國
之車凡告喪曰赴車以告敗
為名與素服同義○橐音高
有焚其先人之室則三日

哭故曰新宮火亦三日哭

先人之室宗廟也魯成公三
年焚宣公之廟神主初入故

曰新宮春秋書二月甲子新宮災三日哭
註云書其得禮此言故曰者謂春秋文也
孔子過泰山

側有婦人哭於墓者而哀夫子式而聽之使子路問之
曰子之哭也壹似重有憂者而曰然昔者吾舅死於虎
吾夫又死焉今吾子又死焉夫子曰何為不去也曰無
苛政夫子曰小子識之苛政猛於虎也

聞其哭式而聽之與見齊衰者

雖狎必變之意同聖人敬心之所發蓋有不期然而然者壹似重有憂者言甚似重疊有憂苦者也而曰乃曰也虎之殺人出於倉卒之不免苛政之害雖未至死而朝夕有愁思之苦不如速死之為愈此所以猛於虎也為人上者不可不知此哉○魯人有周豐也者哀公執桴重平聲識音志卒音猝

請見之而曰不可公曰我其已夫使人問焉曰有虞氏

未施信於民而民信之夏后氏未施敬於民而民敬之
何施而得斯於民也對曰墟墓之間未施哀於民而民
哀社稷宗廟之中未施敬於民而民敬殷人作誓而民
始畔周人作會而民始疑苟無禮義忠信誠慤之心以
泣之雖固結之民其不解乎

周豐必賢而隱者故哀公
屈已見之乃曰不可者蓋

古者不為臣不見故不敢當君之臨見也我其已夫已
止也不強其所不願也有心之固結不若無心之感乎
其言甚正但大禹征苗已嘗誓師誓非始於殷也禹會
諸侯於塗山會亦不始於周也此言誓之而畔會之而
疑則始於殷周耳○摯
音至解佳買切強上聲
喪不慮居毀不危身喪不慮居

為無廟也毀不危身為無後也

劉氏曰喪禮稱家之有無不可勉為厚葬而致

有敗家之慮家廢則宗廟不能以獨存矣毀不滅性不可過為哀毀而致有亡身之危以死傷生則君子謂之無子矣此二者皆所以防賢者之過禮○為去聲稱去聲

延陵季子適齊於其反也

其長子死葬於贏博之間孔子曰延陵季子吳之習於

禮者也往而觀其葬焉

吳公子札讓國而居延陵故曰延陵季子贏博齊二邑名

其

坎深不至於泉其斂以時服既葬而封廣輪揜坎其高可隱也既封左袒右還其封且號者三曰骨肉歸復于土命也若魂氣則無不之也無不之也而遂行孔子曰

延陵季子之於禮也其合矣乎

不至於泉謂得淺深之宜也時服隨死時之寒

暑所衣也封築土為墳也橫曰廣直曰輪下則僅足以揜坎上則纔至於可隱皆儉制也左袒以示陽之變右

還以示陰之歸骨肉之歸土陰之降也魂氣之無不之陽之升也陰陽氣也命者氣之所鍾也季子以骨肉歸

復于土為命者此精氣為物之有盡謂魂氣則無不之者此遊魂為變之無方也壽夭得於有生之初可以言

命魂氣散於既死之後不可以言命也再言無不之也者愍傷離訣之至情而冀其魂之隨己以歸也不惟適

旅葬之節而又且通幽明之故宜夫子之善之也然為疑辭而不為決辭者蓋季子乃隨時處中之道稱其有

無而不盡拘乎禮者也故夫子不直曰季子之於禮也合矣而必加其乎二字使人由辭以得意也讀者詳之

○石梁王氏曰還與環同○深去聲封如邾婁考公之字廣隱並去聲號平聲處上聲稱去聲

喪徐君使容居來弔含曰寡君使容居坐含進侯玉其

使容居以含

考公之喪徐國君使其臣容居者來弔且致珠玉之含言寡君使我親坐而行含以

進侯玉於邾君侯玉者徐自擬天子以邾君為己之諸侯言進侯氏以玉也其使容居以含者容居求即行含禮也○疏曰凡行含禮未斂之前士則主人親含大夫以上即使人含若斂後至殯葬有來含者親自致璧於柩及殯上者謂之親含若但致命以璧授主人主人受之謂之不親含○石梁王氏曰坐當訓跪○婁音閭含

去聲使去聲

有司曰諸侯之來辱敝邑者易則易于則于易

于雜者未之有也

邾之有司拒之言諸侯之辱來邾國者人臣來而其事簡易則行人臣簡

易之禮人君來而其事廣大則行人君廣大之禮于猶迂也有廣遠之意今人臣來而欲行人君之禮是易于

相雜矣我國未有此也○易音異

容居對曰容居聞之事君不敢忘其

君亦不敢遺其祖昔我先君駒王西討濟於河無所不

用斯言也容居魯人也不敢忘其祖

容居又答言事君者不敢忘其君我

奉命如此今不能行是忘吾君也為人子孫當守先世之訓故亦不敢遺吾祖也居蓋徐之公族耳且言昔者我之先君駒王濟河而西討無一處不用此稱王之言自言其疆土廣大久已行王者之禮也又自言我非譎詐者乃魯鈍之人是以不敢忘吾祖欲邾人之信其言也此著徐國君臣之僭且明邾有司不能終正當時之僭

也僭子思之母死於衛赴於子思子思哭於廟門人至曰

庶氏之母死何為哭於孔氏之廟乎子思曰吾過矣吾

過矣遂哭於他室

伯魚卒其妻嫁於衛之庶氏嫁母與廟絕族故不得哭之於廟

天子

崩三日祝先服五日官長服七日國中男女服三月天

下服

疏曰祝大祝商祝也服服杖也是喪服之數故呼杖為服祝佐含斂先服故先杖也故子亦三日而

杖官長大夫士也服在祝後故五日國中男女謂畿內民及庶人在官者服齊衰三月而除必待七日者天子七日而殯殯後嗣王成服故民得成服也三月天下服者謂諸侯之大夫為王總喪既葬而除近者亦不待三月今據遠者為言耳何以知其或杖服或衰服按喪大記及喪服四制云云然四制云七日授士杖此云五日士杖者崔氏云此據朝廷之士四制言

虞人致百祀之

邑宰之士也○大音泰為王為去聲

木可以為棺槨者斬之不至者廢其祀刻其人

虞人掌山澤之

官也天子之棺四重而槨周焉亦奚以多木為哉畿內
百縣之祀其木可用者悉斬而致之無乃太多乎畿內
之美材固不乏矣奚獨於祠祀斬之乎廢其祀刳其人
又何法之峻乎禮制若此未詳其說一云必命虞人致
木不用命者然後國有常刑齊大饑黔敖為食於路以
虞人非一未必盡命之也

待餓者而食之有餓者蒙袂輯屨貿貿然來黔敖教左奉

食右執飲曰嗟來食揚其目而視之曰子唯不食嗟來

之食以至於斯也從而謝焉終不食而死曾子聞之曰

微與其嗟也可去其謝也可食

蒙袂以袂蒙面也輯屨
輯斂其足言困憊而行

蹇也貿貿垂頭喪氣之貌嗟來食歎閔之而使來食也
從就也微與猶言細故末節謂嗟來之言雖不敬然亦

非大過故其嗟雖可去而謝焉則可食矣○食之食音嗣餘並如字輯音集賢音茂奉上聲與平聲喪去聲

邾婁定公之時有弑其父者有司以告公瞿然失席曰

是寡人之罪也曰寡人嘗學斷斯獄矣臣弑君凡在官

者殺無赦子弑父凡在官者殺無赦殺其人壞其室洿

其宮而豬焉蓋君踰月而后舉爵

瞿然驚怪之貌在官者諸臣也在官者家

人也天下之惡無大於此者是以人皆得以誅之無赦

之理惟父有此罪則子不可討之也君不舉爵以人

倫大變亦教化不明所致故傷悼而自貶耳○疏曰豬

是水聚之名○石梁王氏曰註疏本作子弑父凡在官

者殺無赦為是○瞿音屢斷丁玩切壞音怪洿音烏

晉獻文子成室晉大夫發焉

張老曰美哉輪焉美哉奐焉歌於斯哭於斯聚國族於斯文子曰武也得歌於斯哭於斯聚國族於斯是全要領以從先大夫於九京也北面再拜稽首君子謂之善

頌善禱

晉獻舊說謂晉君獻之謂賀也然君有賜於臣豈得言獻疑獻文二字皆趙武謚如貞惠文子

之類諸大夫發禮往賀記者因述張老之言輪輪困高大也奐奐爛衆多也歌祭祀作樂也哭死喪哭泣也聚國族燕集國賓聚會宗族也頌者美其事而祝其福禱者所以免禍也張老之言善於頌武子所答善於禱也
○鄭氏曰晉卿大夫之墓地在九原○疏曰領頸也古者罪重腰斬罪輕頸刑先大夫文子父祖也○石梁王者曰歌於斯謂祭祀歌樂也大夫祭無仲尼之畜狗死樂春秋時或有之○要平聲京古原字

使子貢埋之曰吾聞之也敝帷不棄為埋馬也敝蓋不

棄為埋狗也丘也貧無蓋於其封也亦子之席毋使其

首陷焉

狗馬皆有方於人故特示恩也○

路馬死埋之

以帷

謂君之乘馬死則特以帷埋之不用敝帷也○方氏曰魯昭公乘馬墮而死以帷裹之

季孫

之母死哀公弔焉曾子與子貢弔焉閹人為君在弗內

也曾子與子貢入於其廐而脩容焉子貢先入閹人曰

鄉者已告矣曾子後入閹人辟之

鄉者已告言先已告於主人矣○為去聲

內入聲鄉去聲辟音避

涉內雷卿大夫皆辟位公降一等而揖之

君子言之曰盡飾之道斯其行者遠矣

內雷門屋後簷也行者遠猶言

感動之大也○劉氏曰此章可疑二子弔卿母之喪必自盡禮以造門不當待閭者拒而後脩容盡飾也且既至而閭人辭或當再請於閭若終不得通退可也何必以威儀悚動之以求入耶其入而君卿大夫敬之者以平日知其賢也非素不相知創見其容飾之美而加敬也而君子乃曰盡飾之道斯其行者遠則是二子之德行不足以行遠耶○辟音避造七到切陽門之介夫死司城足以行遠耶○辟音避造七到切

子罕入而哭之哀晉人之覘宋者反報於晉侯曰陽門

之介夫死而子罕哭之哀而民說殆不可伐也

陽門宋之國門

名介夫甲士之守衛者宋武公諱司空改其官名為司城子罕樂喜也戴公之後覘閭視也○說音悅

孔

子聞之曰善哉覘國乎詩云凡民有喪扶服救之雖微

晉而已天下其孰能當之

孔子善之以其識治體也詩邶風谷風之篇扶服致力之

義微無也夫子引詩而言宋國雖以子罕得人心可無
晉憂而已然天下亦孰能當之甚言人心之足恃也一
說微弱也雖但弱晉之強使不敢伐而已然推此意則
民既悅服必能親其上死其長而舉天下莫能當之矣
前說為是○魯莊公之喪既葬而經不入庫門士大夫

扶服音匍匐

既卒哭麻不入

莊公為子般所弑而慶父作亂閔公時
年八歲經葛經也諸侯弁經葛而葬葬

畢閔公即除凶服於庫門之外而以吉服嗣位故云經
不入庫門也士大夫則仍麻經直俟卒哭乃不以麻經
入庫門蓋閔公既吉服不與虞與卒哭之祭故羣臣至
卒哭而除記禍亂恐迫禮所由廢○為去聲般音斑父

音甫不與與去聲

孔子之故人曰原壤其母死夫子助之沐椁

原壤登木曰久矣子之不託於音也歌曰狸首之斑然

執女手之卷然夫子為弗聞也者而過之從者曰子未

可以已乎夫子曰丘聞之親者毋失其為親也故者毋

失其為故也

或問朱子原壤登木而歌夫子為弗聞而過之待之自好及其夷俟則以杖叩脛莫

太過否曰這說却差如壤之歌乃是大惡若要理會不可但已只得且休至其夷俟之時不可不教誨故直責之復叩其脛自當如此若如今說則是不管他却非朋友之道矣○胡氏曰數其母死而歌則壤當絕叩其夷踞之脛則壤猶故人耳威德中禮見乎周旋此亦可見○馮氏曰母死而歌惡有大於此者乎宜絕而不絕

蓋以平生之素而事有出於一時之不意者如此善乎
朱子之言曰若要理會不可但已只得且休其有以深
得聖人之處其所難處者矣○劉氏曰原壤母卒夫子
助之治椁壞登已治之椁木而言久矣我之不託興於
詠歌之音也如狸首之斑言本文之華也卷與拳同如
執女手之拳言沐椁之滑膩也壤之廢敗禮法甚矣夫
子佯為不聞而過去以避之從者見其無禮疑夫子必
當已絕其交故問曰子未當已絕之乎夫子言為親戚
者雖有非禮未可遽失其親戚之情也為故舊者雖有
非禮未可遽失其故舊之好也此聖人隱惡全交之意
○卷音拳從去聲數上聲中去聲趙文子與叔譽觀乎九
聲見乎見音現處上聲興去聲

原文子曰死者如可作也吾誰與歸

文子晉大夫名武叔譽叔向也言卿

大夫之死而葬於此者多矣假令可以再生而起吾於
眾大夫誰從乎文子蓋設此說欲與叔向共論前人賢

否也○叔譽曰其陽處父乎文子曰行并植於晉國不
令乎聲

沒其身其知不足稱也

處父晉襄公之傅并者兼衆事於已是專權也植者剛強自立

之意所行如此故為狐射姑所殺不得善終其身是不智也○處上聲并去聲植直吏切知去聲射音亦其

舅犯乎文子曰見利不顧其君其仁不足稱也

叔譽又稱子犯

可歸文子言子犯從文公十九年于外及反國危疑之時當輔之以定其事乃及河而授璧以辭此蓋為他日高爵重祿之計故以此言要君求利也豈顧其君之安危哉是不仁也○為去聲要平聲我則隨

武子乎利其君不忘其身謀其身不遺其友晉人謂文

子知人

文子自言我所願歸者惟隨武子乎武子士會也食邑於隨左傳言夫子之家事治言於晉國

無隱情蓋不忘其身而謀之知也利其君不遺其友皆仁也

文子其中退然如不勝

衣其言呐呐然如不出諸其口

中身也見儀禮鄉射記退然謙卑怯弱之貌呐

呐聲低而語緩也如不出諸其口似不能言者○勝平聲呐如劣切

所舉於晉國管庫之

士七十有餘家生不交利死不屬其子焉

管鍵也即今之鎖庫之藏

物以管為開閉之限管庫之士賤職也知其賢而舉之即不遺友之實雖有舉用之恩於其人而生則不與之交利將死亦不以其子屬叔仲皮學子柳叔仲皮死其

託之廉潔之至○屬音燭

妻魯人也衣衰而繆經叔仲衍以告請總衰而環經曰

昔者吾喪姑姊妹亦如斯末吾禁也退使其妻總衰而

環經

經一絞也謂兩股相交五服之經皆然惟弔服之環經

猶不知禮叔仲皮死子柳妻雖是魯鈍婦人猶知為舅著齊衰而首服繆經衍是皮之弟子柳之叔見當時婦

人好尚輕細告子柳云汝妻何以著非禮之服子柳見時皆如此亦以為然乃請於衍令其妻身著總衰首服

環經衍又答云昔者吾喪姑姊妹亦如此總衰環經無人相禁止也子柳得衍此言退使其妻著總衰而環經

○學音效衣音咨 成人有其兄死而不為衰者聞子臯

繆音繆總音歲 將為成宰遂為衰成人曰蠶則績而蟹有匡范則冠而

蟬有綏兄則死而子臯為之衰

成魯邑名匡背殼似匡也范蜂也○朱氏曰絲

之績者必由乎匡之所盛然蟹之有匡非為蠶之績也為背而已首之冠者必資乎綏之所飾然蟬之有綏非

為范之冠也為喙而已兄死者必為之服衰然成人之服衰非為兄之死也為子臯而已蓋以上二句喻下句也○綏而追切咸平聲註中為並去聲 樂正子春之母死五日而不食曰

吾悔之自吾母而不得吾情吾惡乎用吾情 子春曾子弟子矯為

過制之禮而不用其實情於母則 他無所用其實情矣此所以悔也 歲旱穆公召縣子而

問然曰天久不雨吾欲暴尫而奚若 左傳註云尫者瘠病之人其面上向

暴之者冀天哀之而雨也○雨去聲暴步卜切下二節同尫音汪 曰天則不雨而暴人

之疾子 句 虐 句 母乃不可與 此言酷虐之事非所以感天○與平聲 然則

吾欲暴巫而奚若 巫能接神冀神閔之而雨 曰天則不雨而望之愚

婦人句於以求之母乃已疏乎

於以求之猶言於此求之也已疏言甚迂闊也

徙市則奚若曰天子崩巷市七日諸侯薨巷市三日為

之徙市不亦可乎

徙移也言徙市又言巷市者謂徙交易之物於巷也此庶人為國之大喪

憂戚罷市而日用所須又不可缺故徙市於巷也今旱而欲徙市者行喪君之禮以自責也縣子以其求之已而不求諸人故可其說然豈不聞僖公以大旱欲焚巫庭聞臧文仲之言而止縣子不能舉其說以對穆公而謂徙市為可則亦已疏矣○為去聲孔子曰衛人之祔也離之魯人之祔

也合之善夫

生既同室死當同穴故善魯○疏曰祔合葬也離之謂以一物隔二棺之間於槨中

也魯人則合並兩棺置槨中無別物隔之○朱子曰古者槨合衆材為之故大小隨人所為今用全木則無許

大木可以為椁故合葬
者只同穴而各用椁也

禮記集說卷二

謹案第四頁後八行喪三年以為極亡則弗之忘
矣按注疏喪三年以為極亡為句又以為二字
黃晟本作無所

第十二頁前八行召申祥而語之刊本祥訛詳考
此字惟孟子作詳禮記作祥今據注疏及各本
改

第三十八頁後七行而致於二十五月者刊本致
訛至據衛湜集說改

第五十頁後一行每遣車一乘則載一包也按黃
本載作將

第六十三頁前二行而不知撥之不可設刊本可
訛必據方慤解義改

第六十五頁前六行苛政之害刊本苛訛苟今改
第六十八頁前三行祝佐含歛先服故先杖也刊
本服訛病前四行服在祝後刊本服亦訛病並
據孔疏改



總校官庶吉士臣張能照

校對官檢討臣盧應

膳錄監生臣康偉